




河南府志

Faint vertical text bleed-through from the reverse side of the page, including characters like '詩三五古' and '卷之九十八'.

ル 5
1546
22



門九
號 1546
卷 22

河南府志卷之四十八

藝文志二十二

詩三 五古

漢

古詩十九首

選二首

無名氏

青青陵上栢磊磊澗中石
人生天地間忽如遠行客
斗酒相娛樂聊厚不為薄
驅車策駑馬遊戲宛洛中
何鬱鬱冠帶自相索長衢羅夾巷
王侯多第宅兩宮遙相望
雙闕百餘尺極宴娛心意戚戚何所迫
金車玉馬空滿堂
驅車上東門遙望郭北墓
白楊何蕭蕭松柏夾廣路
下有陳

死入杳杳卽長暮潛寐黃泉下千載永不醒浩浩陰陽移年
命如朝露人生忽如寄壽無金石固萬歲更相送賢聖莫能
度服食求神仙多爲藥所誤不如飲美酒被服純與素

文選

三國魏

孟津

魏文帝

良辰啟初節高會構歡娛通天拂景雲俯仰四達衢羽爵浮
象樽珍饈盈豆區清歌發妙曲樂正奏笙簧曜靈忽西邁炎
燭繼望舒翊日浮黃河長驅旋鄴都

本集

孟津北望

魏文帝

遙遙山上亭皎皎雲間星遠望使心懷遊子戀所生驅車出

北門遙望河陽城凱風吹長棘天天枝葉傾黃鳥飛相追咬
咬弄音聲竚立望西河泣下沾羅纓

同上

贈白馬王彪

曹植

謁帝承明廬逝將歸舊疆清晨發皇邑日夕過首陽伊洛廣
且深欲濟川無梁汎舟越洪濤怨彼東路長顧瞻戀城闕引
領情內傷大谷何寥廓山樹鬱蒼蒼霖雨泥我塗流潦浩縱
橫中達絕無軌改轍登高岡脩坂造雲日我馬元以黃

陳思王集

送應氏詩二首之一

曹植

步登北邙阪遙望洛陽山洛陽何寂寞宮闈盡燒焚垣墉皆
頓擗荆棘上參天不見舊耆老但覩新少年側足無行徑荒

疇不復田游子久不歸不識陌與阡中野何蕭條千里無人
煙念我平常居氣結不能言同上

詠懷選四首

阮籍

步出上東門北望首陽岑下有采薇士上有嘉樹林良辰在
何許凝霜霑衣襟寒風振山阿元雲起重吟嗚鴈飛南征鴟
鳩發哀音素質游商聲悽愴傷我心選文

朝出上東門遙望首陽基松栢鬱森沈鸚鵡共相與嬉逍遙九
曲間徘徊欲何之念我平居時鬱然思妖嗣宗集

王子十五年遊衍伊洛濱朱顏茂春華辨心懷清真接見浮
邱公舉手謝時人輕蕩易恍惚飄飄弃其言飛飛鳴且翔揮

冀且酸辛同上

北臨乾昧谿西行遊少任遙顧望天津馳蕩樂我心綺靡存
亡門一遊不再尋儻遇晨風烏飛駕出南林潏潏瑤光中忽
忽肆荒淫休息晏清都起世又誰禁同上

北邙客舍

劉伶

泱潏望舒隱黜黜元夜陰寒雞思天曙擁翅吹長音蚊蚋歸
澧草栢葉散蕭林陳醴發悴顏色愉暢真心緼被終不曉斯
歎信難任何以除斯歎付之瑟與琴長笛響中夕聞此消胸

襟選文

晉

赴洛二首

陸機

希世無高符，營道無烈心。靖端肅有命，假楫越江潭。親友贈
 予邁，揮淚廣川陰。撫膺解携手，永嘆結遺音。無迹有所匿，寂
 寞聲必沉。肆目眇不及，緬然若雙潛。南望泣元渚，北蕩涉長
 林。谷風拂脩薄，油雲翳高岑。壘壘孤獸騁，嚶嚶思鳥吟。感物
 戀堂室，離處一何深。佇立慨我歎，寤寐寐涕盈。矜惜無懷歸，志
 辛苦誰為心。

羈旅遠遊宦，託身承華側。撫劍遵銅輦，振纓盡祇肅。歲月一
 何易，寒暑忽已革。載離多悲心，感物情悽惻。慷慨遺安豫，永
 美慶。寢食思樂樂，難誘曰歸歸。未克憂苦欲，何為纏綿胸。與

臆仰瞻凌霄，鳥羨爾歸飛翼。文選

赴洛道中二首

陸機

總轡登長路，嗚咽辭密親。借問子何之，世網嬰我身。永歎遵
 北渚，遺思結南津。行行遂已遠，野途曠無人。山澤紛紆餘，林
 薄杳阡眠。虎嘯深谷底，雞鳴高樹顛。哀風中夜流，孤獸更我
 前。悲情觸物感，沉思鬱纏綿。佇立望故鄉，顧影悽自憐。
 遠遊越山川，山川修且廣。振策陟崇邱，安轡遵平莽。夕息抱
 影寐，朝徂銜思往。頓轡倚嵩巖，側聽悲風響。清露墜素輝，明
 月一何朗。撫几不能寐，振衣獨長想。同上

尸鄉亭

陸機

東遊觀鞏洛逍遙邱墓間秋草漫長柯寒水入雲烟發軔有

夙宴息駕無愚賢二陸集

金谷集作詩

潘岳

王生和鼎實石子鎮海沂親友各言邁中心悵有違何以敘
離思携手游郊畿朝發晉京陽夕次金谷湄迴谿縈曲阻峻
阪路透迤綠池泛淡淡青柳何依依檻泉龍鱗澗激波連珠
揮前庭樹沙棠後園植烏桺靈囿繁石榴茂林列芳梨飲至
臨華沼遷坐登隆坻元醴染朱顏但愬杯行遲揚桴撫靈鼓
簫管清且悲春榮誰不慕歲寒良獨希投分寄石友白首同

所歸本集

懷縣思鞏作

潘岳

春秋代遷逝四運紛可喜寵辱易不驚戀本難為思我來水
未泮時暑忽隆熾感此還期淹嘆彼年往駛登城望郊甸遊
日歷朝寺小國寡民務終日寂無事白水過庭激綠槐夾門
植信美非吾土祇攪懷歸志眷然顧鞏洛山川邈離異願言
旋舊鄉畏此簡書忌祇奉社稷守恪居處職司文選

七哀詩

張載

北邙何壘壘高陵有四五借問誰家墳皆云漢世主恭文選
相望原陵鬱膺膺季葉喪亂起賊盜如豺虎毀壞過一杯便
房啓幽戶珠柙離玉體珍寶見剽虜園寢化為墟周墉無遺

堵蒙籠荆棘生蹊徑登童豎狐兔窟其中蕪穢不復掃頽隴
並墾發萌隸營農圃昔為萬乘君今為邱山土感彼雍門言
悽愴哀往古文選

鞏道迎駕

潘尼

南山鬱岑崑洛川迅且急青松蔭修嶺綠縈披廣陽朝日順
長途夕暮無所集歸雲乘輿浮淒風等帷入道逢深識士舉
首對吾揖世故尚未夷峭函方險澁狐狸夾兩轅豺狼當路
立翔鳳嬰籠檻騏驥見維繫俎豆昔嘗聞軍旅素未習且少
停君駕徐待干戈戢文選

三月三日洛水作

潘尼

一覽無窮已時逝焉可追斗酒足為歡臨川胡獨悲暮春春
氣來百草敷英蕤聊為三日遊方駕結龍旂廟廟多豪俊都
未有艷姿朱軒蔭蘭皋翠幙映洛湄臨崖濯素手涉水褰輕
塵沉鈎出比日舉弋落雙飛羽觴乘波進素俎隨流歸同上
故從幸洛水餞王公歸國無入林宮聖王浚
宋主應期運至德敷藝倫神道重大教元化被無垠欽若崇
古制建侯屏四隣皇輿廻羽蓋高會洛水濱臨川講妙藝繼
酒鈞潛鱗八音以迭奏蘭羞備時珍古人亦有言為國不思
負與蒙廟庭施幸得側天鈞羣僚荷恩澤朱顏感獻春賦詩
益下情至感暢人神長流無舍逝白日入西津奉辭慕華輦

特衛路無因馳情繫帷幄乃心戀軌塵

補文

南北朝

北使洛

宋

顏延之

改服飭徒旅首路踟蹰險艱振楫發吳洲秣馬陵楚山塗出梁
宋郊道由周鄭間前登陽城路日夕望三川在昔輟期運經
始闢聖賢伊瀝絕津濟臺館無尺椽宮陛多巢穴城闕生雲
煙王猷升八表嗟行方暮年陰風振涼野飛雲翳窮天臨塗
未及引置酒慘無言隱憫徒御悲威運良馬煩遊役去芳時
歸來屢徂警蓬心既已矣飛薄殊亦然

文選

和徐都曹出新亭渚

北齊

謝朓

宛洛佳遊游春色滿皇州結軫青郊路迴瞰蒼江流日華川
上動風光草際浮桃李成蹊徑桑榆陰道周東都已似載言

歸望綠疇

宣城集

別詩

梁

范雲

洛陽城東西長作經時別昔去雪如花今來花似雪

續文選

石崇金谷妓

梁

庾肩吾

蘭堂上客至綺席清絃撫自作明君辭還教綠珠舞

同上

凌雲臺

梁

謝舉

綺甍懸桂棟隱曖傍喬柯勢高凌玉井臨迴度金波易覺涼
風至早飛秋鴈過高臺相思曲望遠騷人歌幸屬此迢遞知

承雲霧多詩紀

鞏洛上東門

何遜

鞏洛上東門薄暮川流側渾渾車馬道行人不相識日夕樓

鳥遠浮雲起新色寸心空延佇對面何由即飛輪倘易去易

去因風力水部集

入隋侍宴應詔

南史後主從隋文帝東巡登卬山賦詩

陳後主

日月光天德山河壯帝居太平無以報願上東封書同上

從駕幸金墉城

北魏 温子昇

茲城實佳麗飛甍自相竝膠葛擁行風岩巖閱流景御溝屬

清洛馳道通丹屏湛淡水成文參差樹交影長門久已閉離

宮一何靜細草緣玉階高枝蔭桐井微微夕渚暗肅肅暮風

冷神行揚翠旗天臨肅清警伊臣從下列逢恩信多幸康衢

雖已泰弱力將安騁同上

三日華林園公宴

北齊 邢邵

迴鑾自樂野弭蓋屬瑤池五丞接光景七友樹風儀芳春時

欲遽覽物惜將移新萍已冒沼餘花尚滿枝草滋徑蕪沒林

長山蔽虧芳筵羅玉俎激水漾金卮歌聲斷以續舞袖合還

離同上

奉報寄洛州

北周 庾信

舟師會孟津甲子陣東隣雷轅驚戰鼓劍室動金神幕府風

雲氣軍門關塞人長旂折鳥羽合甲抱犀鱗星芒一丈燄月
暈七重輪黎陽水稍涿官渡柳應春無庸奉天睽驅傳牧南
秦繁詞勞簡牘雜俗弊風塵上洛逢都尉商山見逸民留滯
終南下唯當一史臣

開府集

隋

洛陽晚春

煬帝

洛陽春稍晚四望滿春暉楊葉行將暗桃花落未稀窺簷燕
爭入穿林鳥亂飛唯當關塞者溽露方霑衣

詩紀

還京師

煬帝

東都禮儀舉西京冠蓋歸是月春之季花柳相依依雲蹕清

馳道雕輦御晨暉嘹亮鏡笳奏葳蕤旌旆飛後乘趨文雅前

驅厲武威

同上

初發東都應詔

庾自直

二龍承玉軸萬騎翊林塘縱觀此何事巡駕幸淮揚伊雒山
川轉江河道長照日秋原淨分花曲水香稻梁叨歲月羽
翮仰恩光後塵歸舊里還如仙鶴翔

同上

唐

登北邙還望京洛

鄭世翼

步登北邙坂踟躕聊寫望宛洛盛皇居規模窮大壯三河分
設險兩嶠資巨防飛觀紫煙中層臺碧雲上青槐夾馳道迢

迢修且曠左右多第宅參差居將相清晨謁帝返車馬相追
訪胥徒各異流文物紛殊狀囂塵暗天起簫管從風颺伊余
孤且直生平獨淪喪山幽有桂叢何為坐惆悵

全唐詩

初到陸渾山莊

宋之問

授衣感窮節策馬凌伊關歸齊逸人趣日覺秋琴閑寒露衰
北阜夕陽破東山浩歌步榛樾棲鳥隨我還

雨從箕山來

宋之問

雨從箕山來倏與飄風度晴明西峰日綠縵南溪樹此時客
精廬幸蒙眞僧顧深入清淨理妙斷往來趣意得兩契如言
盡共忘喻觀花寂不動聞鳥懸可悟向夕聞天香淹留不能

去

陪羣公登箕山賦得羣字

宋之問

許由去已遠冥莫見幽墳世薄人不貴茲山唯白雲寧知三
千歲復有堯為君時佐激頽俗登箕挹清芬高節雖日暮邈
與洪崖羣

游陸渾南山自歇馬嶺到楓香林以詩代書答李舍人

適

宋之問

晨登歇馬嶺遙望伏牛山孤出羣峰首熊熊元氣間太和亦
崔嵬石扇橫閃修細峯互攢倚浮巘競奔感白雲遙入懷青
靄近可掬徒尋靈異跡周顧愜心目晨拂鳥路行暮投入煙

宿稷稻遠彌秀栗芋秋新熟石髓非一巖藥苗乃萬族問關
踏雲雨繚繞綠水木西見商山芝南到楚鄉竹楚竹幽且深
半雜楓香林浩歌清潭曲寄爾桃源心

奉使嵩山途經緱嶺

宋之問

侵星發洛城城中歌吹聲畢景至緱嶺嶺上煙霞生草樹饒
野意山川多古情大隱德所薄歸來可退耕

使至嵩山尋杜四不遇慨然復傷田洗馬韓觀主因以

題壁贈杜侯杜四

宋之問

洛橋瞻太室期子在雲煙歸來不相見孤賞美寒泉與君潤
松石于茲二十年田公謝昭世韓子秘幽埏憶昔同攜手山

棲接二賢笙歌入元地詩酒坐寥天舊友悉零落罷琴私自
憐逝者非藥誤餐霞意可全為余理還策相與事靈仙

以上本集

清明日龍門遊泛

李嶠

晴曉國門通都門藹將發紛紛洛陽道南望伊川闕衍漾乘
和風清明送芬月林窺二山動水見千龕越羅袂罨楊絲香
梳犯苔髮羣心行樂未唯恐流芳歇

全唐詩

寓居洛濱對雪憶謝二

駱賓王

旅思眇難裁衝飈恨易哀曠望洛川晚飄飄瑞雪來積彩明
書幌流韻繞琴臺色奪迎仙羽花避犯霜梅謝庭賞方逸袁
扉掩未開高人儻有訪興盡詎須回

本集

嵩嶽聞笙
劉希夷

月出嵩山東月明山益空山人愛清景散髮卧秋風風止夜
何清獨夜草蟲鳴仙人不可見乘月近吹笙絳唇吸靈氣玉
指調真聲真聲是何曲三山鸞鶴情昔去落塵俗願言聞此
曲今來卧嵩岑何幸承幽音神仙樂吾事笙歌銘夙心
全唐詩
答洛陽主人
陳子昂
平生白雲志早愛赤松遊事親恨未立從宦此中州主人亦
何問旅客非悠悠方謁明天子清宴奉良籌再取連城璧三
陟平津侯不然拂衣去歸從海上鷗寧隨當代子傾側且沉

浮本集

哭富嘉謨 并序

吳少微

維三月癸丑河南富嘉謨卒予時寢疾於洛陽北里
聞之投枕而起淚沾乎衽席匍匐於寢門之外病不
能哭仰天而呼曰天乎天乎俾予曷所朋曷有律曷
可得而見抑斯文也以存乎哀太常少卿徐公鄜州
刺史尹公中書徐元二舍人兵部張郎中未嘗值
我不歎于朝夫情悼之賦詩以寵亡也其詞曰

吾友適不死於戲社稷臣直祿非造利長懷大庇人乃通承
明籍遭此敦祥春藥厲其可畏皇穹故匪仁疇昔與夫子孰
云異天倫同病一相失茫茫不重陳子之文章在其殆尼父
新鼓興幹河岳貞詞毒鬼神可悲不可朽車轄沒荒榛聖主
賢爲寶吁茲大國貧
紀事云少微與嘉謨齊名並爲御史卧
疾聞其亡號哭賦詩其詞莫不歎美既
而病亟歎曰生死人之大分何恨焉然官
職十分未作其一乃至是耶慷慨而終

藝文志 詩三

晚渡伊水

韋述

悠悠涉伊水伊水清見石是時春向深兩岸草如積迢遞望
洲嶼逶迤巨津陌新樹落疎紅遙原上深碧回瞻洛陽苑
有長山隔煙霧猶辨家風塵已為客登陟多異趣往來見行
役雲起早已昏鳥飛日將夕光陰逝不借超然慕疇昔遠游
亦何為歸來存竹帛

全唐詩

奉送六舅歸陸渾

王維

伯舅吏淮泗卓魯方喟然悠哉自不競退耕東臯田條桑臘
月下種杏春風前酌醴賦歸去共知陶令賢

右丞集

登首陽山謁夷齊廟

李頎

古人已不見喬木竟誰過寂寞首陽山白雲空復多蒼苔歸
地骨皓首采薇歌畢命無怨色成仁其若何我來入遺廟時
候微清和落日弔山鬼回風吹女蘿石崖向西豁引領望黃
河千里一飛鳥孤光東逝波驅車層城路惆悵此巖阿

本集

至嵩陽觀觀即天皇故宅

儲光羲

真人上清室乃在中峰前花霧生玉井霓裳畫列仙念茲宮
故宇多此地新泉松柏有清陰薜蘿亦自妍一聞步虛子又
話逍遙篇忽若在雲漢風中意泠然

鞏城南河作寄徐三景輝

儲光羲

初年雨候遲鞏洛河流小搖搖芳草岬屢見春山曉清露洗

雲林輕波戲魚鳥唯言故人遠不念鄉川眇舟楫去濛迴端
激行奔峭寄書千里路莫道南鴻少

鞏城東莊道中作

儲光義

北陵散寒鳥西山照初日婉變首陽京踟躕野人室南軒草
間去後乘林中出靄靄長路暖遲遲狹路歸蟬蛩時蔽月枳
棘復傷衣城上東風起河邊早雁飛夏王紀冬令殷人乃正
月涯口度新雲山陰留故雪幸逢耆耄話餘待親隣別總轡
出叢薄歇鞍登峻隅春源旣蕩泝伏戰亦睚盱未獲遵平道
徒言信薄夫

以上本集

緱氏尉沈興宗置酒南谿留贈

王昌齡

林色與溪古深篁引幽翠山尊在漁舟棹月情已醉始窮清
源口壑絕人境異春泉滴空崖萌草折陰地久之風榛寂遠
聞樵聲至海雁時獨飛永然滄洲意古時青冥客滅跡淪一
尉吾子躊躇心豈其紛埃事緱峯信所尅濟北余乃遂齊物
意已會息肩理猶未卷舒形性表脫畧賢哲議仲月期角巾

飯僧高陽寺

本集

洛陽尉劉晏與府縣諸公茶集天宮寺

王昌齡

良友呼我宿月明懸天宮道安風塵外灑掃青林中削去府
縣理豁然神機空自從三湘還始得今夕同舊居太行北遠
宦滄溟東各有四方事白雲處處通

同上

龍門八詠

劉長卿

秋山日搖落秋水急波瀾獨
見魚龍氣長令煙雨寒誰窮造
化力空向兩崖看闕

山葉傍崖赤千峰秋色多夜
水發清響寒渚生微波稍見沙

上月歸人爭渡河水東渡

寂寞對伊水經行長未還東
沈自朝暮千載空雲山誰見白

鷗鳥無心洲渚間福公塔

松路向精舍花龕歸老僧閑
雲隨錫杖落日低金繩人夜翠

微裏千峰明一燈遠公龕

隱隱見花閣隔河映青林水
田秋鴈下山寺夜鐘深寂寞羣

動息風泉清道心石樓

誰識往來意孤雲長自閑風
寒未渡水日暮更看山木落衆

峰出龍宮蒼翠間山下

伊水搖鏡光纖鱗如不隔千
龕道傍古一鳥沙上白何事還

山雲能留向城客水西渡

日暮下山來千山暮鐘發不知
波上棹還弄山中月伊水連

白雲東南遠明滅水渡

潁陽東溪懷古崔曙

靈溪氛霧歇皎鏡清心顏空
色不映水秋聲多在山世人久
疎曠萬物皆自閑白鷺寒更浴
孤雲晴未還昔時讓王者此

地閉元關無以躡高步淒涼岑壑間全唐詩

聞風有寄灑翰遙贈李太白

一室凌青天三花含紫煙中有蓬海客宛疑麻姑仙道在喧
莫染跡高想已綿時餐金鷲藥屢讀青苔篇八極恣遊憩九
垓長周旋下瓢酌潁水舞鶴來伊川還歸空山上獨拂秋霞
眠蘿月挂朝鏡松風鳴夜弦潛光隱嵩嶽鍊魄棲雲幄霓裳
何飄飄風吹轉絲邈願同西王母下顧東方朔紫書儻可傳
銘骨誓相學

秋夜宿龍門香山寺奉寄王方城十七丈奉國瑩上人

從弟幼成令問李太白

朝發汝海東暮棲龍門中水寒夕波急木落秋山空望極九
霄迴賞幽萬壑通日皓沙上月心清松下風玉斗橫網戶銀
河耿花宮興在越方逸歡餘情未終鳳駕憶王子虎溪懷遠
公桂枝坐蕭瑟棣華不復同流恨寄伊水盈盈焉可窮

送裴十八圖南歸嵩山二首李太白

何處可為別長安青綺門胡姬招素手延客醉金樽臨當上
馬時我獨與君言風吹芳蘭折日沒鳥雀喧舉手指飛鴻此
情難具論同歸無蚤晚潁水有清源
君思潁水綠忽復歸嵩岑歸時莫洗耳為我洗其心洗心得
真情洗耳徒買名謝公終一起相與濟蒼生

送楊山人歸嵩山

李白

我有萬古宅嵩陽玉女峰長留一片月挂在東溪松爾去接
仙草萑蒲花紫茸歲晚或相訪青天騎白龍

送岑徵君歸鳴皋山

李白

岑公相門子雅望歸安石奕世皆夔龍中台竟三折至人達
機兆高揖九州伯奈何天地間而作隱淪客貴道能全真潛
輝臥幽鄰探元入窅默觀化游無垠光武有天下嚴陵為故
人雖登洛陽殿不屈巢由身余亦謝明主今稱偃蹇臣登高
覽萬古思與廣成鄰蹈海寧受賞還山非問津西來一搖扇
共拂元規塵

嵩山採萑蒲者

李白

神仙多古貌雙耳下垂肩嵩嶽逢漢武疑是九疑仙我來採
萑蒲服食可延年言終忽不見滅影入雲烟喻帝竟莫悟終

歸茂陵田

以上太白集

留別洛京親友

韋應物

握手出都門駕言適京師豈不懷舊廬惆悵與子辭麗日坐
高閣清觴醺華池昨遊倏已過後遇良未知念結路方永歲
陰野無暉單車我當前暮雪子獨歸臨流一相望零淚忽沾
衣

答河南李士與題香山寺

韋應物

詩三

洛都遊宦日少年攜手行投杯起芳席總轡振華纓關塞有
佳氣巖開伊水清攀林憇佛寺登高望都城蹉跎二十載世
務各所營茲賞長在夢故人安得并前歲守九江恩詔赴咸
京因塗再登歷山河屬晴明寂寞僧侶少蒼茫林木成牆宇
或崩剝不見舊題名舊遊况存歿獨此淚交橫交橫誰與同
書壁貽友生今茲守吳郡綿思方未平子復經陳迹一感我
深情遠蒙惻愴篇中有金玉聲反覆終難答金玉尚爲輕

登高望洛城作

韋應物

高臺造雲端遐瞰周四垠雄都定鼎地勢據萬國尊河岳出
雲雨土圭酌乾坤舟通南越貢城背北印原帝宅夾清洛丹

霞捧朝暎葱龍瑤臺榭竚窳雙闕門十載構屯難兵戈若雲
屯膏腴滿榛蕪比屋空毀垣聖主乃東眷俾賢拯元元熙熙
居守化泛泛太府恩至損當受益苦寒必生溫平明四城開
稍見市井喧坐感理亂迹永懷經濟言吾生自不達空鳥何
翩翩天高水流遠日晏城郭昏裴回訖旦夕聊用寫憂煩

遊龍門香山泉

韋應物

山水本自佳遊人已忘慮碧泉更幽絕賞愛未能去潺湲寫
幽磴繚繞帶嘉樹激轉忽殊流歸泓又同注羽觴自成翫永
日亦延趣靈草有時香仙源不知處還當候圓月攜手重遊

寓

龍門遊眺

韋應物

鑿山導伊流中斷若天闢都門遙相望佳氣生朝夕素懷出
塵意適有攜手客精舍遶層阿千龕鄰峭壁緣雲路猶緬憇
澗鐘已寂花樹發煙華淙流散石脈長嘯招遠風臨潭漱金
碧日落望都城人間何役役

洛都遊寓

韋應物

東風日已和元化亮無私草木同時植生條有高卑罷官守
園廬豈不懷渴飢窮通非所干跼促當何為佳辰幸可遊親
友亦相追朝從華林宴暮返東城期掇英出蘭皋翫月步川
坻軒冕誠可慕所憂在繁雜

再遊龍門懷舊侶

韋應物

兩山鬱相對晨策方上千靄靄眺都城悠悠俯清瀾邈矣二
三子茲焉屢遊盤良時忽已周獨往念前歡好鳥始云至衆
芳亦未闌遇物豈殊昔慨傷自有端

以上蘇州集

任洛陽丞請告

韋應物

方鑿不受圓直木不為輪揆材各有用反性生苦辛折腰非
吾事飲水非吾貧休告卧空館養病絕囂塵遊魚自成族野
鳥亦有羣家園杜陵下千歲心氛氲天晴嵩山高雪後河洛
春喬木猶未芳百草日已新著書復何為當去東臯耘

同上

過緱山王處士黑石谷隱居

岑參

舊居緱山下偏識緱山雲處士久不還見雲如見君別來逾
十秋兵馬日紛紛青谿開戰場黑谷屯行軍遂令巢由輩遠
逐麋鹿羣獨有南澗水潺湲如昔聞

緱山西峰草堂作

岑參

結廬對中嶽青翠常在門遂耽水木興盡作漁樵言頃來關
章句但欲閒心魂日色隱空谷蟬聲喧暮村曩聞道士語偶
見清淨源隱几閱吹葉乘秋眺歸根獨遊念求仲開徑招王
孫片雨下南澗孤峰出東原棲遲慮益澹脫略道彌敦野靄
晴拂枕客帆遙入軒尚平今何在此意誰與論佇立雲去盡
蒼蒼月闌圍

尋鞏縣南李處士別業

岑參

先生近南郭茅屋臨東川桑葉隱村戶蘆花映釣船有時著
書暇盡日牕中眠且喜閭井近灌田同一泉

自潘陵尖還少室居止秋夕憑眺

岑參

草堂近少室夜靜聞風松月出潘陵尖照見十六峰九月山
葉赤谿雲淡秋容火點伊陽村煙深嵩角鐘尚子不可見蔣
生難再逢勝愜只自知佳趣爲誰濃昨詣山僧期上到天壇
東向下望雷雨雲間見回龍夕與人羣疎轉愛邱壑中心澹
水木會與幽魚鳥通稀微了自釋出處乃不同況本無宦情

誓將依道風

以上嘉州集

伊水門

樓頰

朝涉伊水門伊水入門流愜心乃成興澹然汎孤舟霏微傍
青靄容與隨白鷗竹陰交前浦柳花媚中洲日落陰雲生彌
覺茲路幽聊以恣所適此外知何求

全唐詩

遊龍門奉先寺

杜甫

已從招提遊更宿招提境陰壑生虛籟月林散清影天闕象
緯逼雲卧衣裳冷欲覺聞晨鐘令人發深省

新安吏

杜甫

客行新安道喧呼聞點兵借問新安吏縣小更無丁府帖昨
夜下次選中男行中男絕短小何以守王城肥男有母送瘦

男獨伶俜白水暮東流青山猶哭聲莫自使眼枯收汝淚縱
橫眼枯即見骨天地終無情我軍取相州日夕望其平豈意
賊難料歸軍星散營就糧近故壘練卒依舊京掘壕不到水
牧馬役亦輕况乃王師順撫養甚分明送行勿泣血僕射如
父兄

石壕吏

杜甫

暮投石壕村有吏夜捉人老翁踰墻走老婦出看門吏呼一
何怒婦啼一何苦聽婦前致詞三男鄴城戍一男附書至二
男新戰死者且偷生死者長已矣室中更無人惟有乳下
孫有孫母未去出入無完裙老嫗力雖衰請從吏夜歸急應

河陽役猶得借晨炊夜久語聲絕如聞泣幽咽天明登前途

獨與老翁別

以上王部集

早渡伊川見舊鄰作

錢起

鷓鴣鳴早霜秋水寒旅涉漁人昔鄰舍相見具舟楫出浦興未盡向山心更愜村落通白雲茅茨隱紅葉東臯滿時稼歸

客欣復業

全唐詩

送陸渾主簿趙宗儒之任

姚合

山中眇然意此意乃平生常日望鳴臯遙對洛陽城故人吏為隱懷此若蓬瀛夕氣冒巖上晨流瀉岸明存亡區中事影響羽人情溪寂值援下雲歸聞鶴聲及茲春始暮花葛正明

榮會有攜手日悠悠去無程

全唐詩

經理輪地

蔣列

漢家張御史晉國綠珠樓時代邈已遠共謝洛陽秋洛陽大道邊舊地尚依然下馬獨太息擾擾城市喧時人欣綠珠詩滿金谷園千載埋輪地無人興一言正直死猶忌况乃未死前汨羅有翻浪恐是嫌屈原我聞太古水上與天相連如何一落地又作九曲泉萬古維高步可以旌我賢

題壽安南館

王建

明蒙竹間亭天暖幽桂碧雲生四面山水接當階石濕樹浴鳥痕破苔卧鹿蹟不綠塵駕觸堪作商皓宅

同上

東都遇春

韓愈

少年氣真狂有意與春競行逢二三月九州花相映川原曉
 服鮮桃李晨妝靚荒乘不知疲醉死豈辭病欲噉惟所便文
 章倚豪橫爾來曾幾時白髮忽滿鏡舊遊喜乖張新輩足嘲
 評心腸一變化羞見時節盛得閑無所作貴欲辭視聽深居
 避仇默卧如當暝朝曦入牖來鳥喚昏不醒為生計
 鹽米告屢罄坐疲者忘食側懶復正幸蒙東都官獲離機
 與穿乖慵遭傲僻漸染生弊性既去焉能追有來猶莫騁有
 船魏丑池往往縱孤泳水容與天色此處皆綠淨所樹共紛
 皮渚牙相緯經懷歸苦不果即事取幽迸貪求匪名利所得

亦已併悠悠度朝昏落落捐季孟羣公一何賢上戴天子聖
 謀謨收禹績四面出雄勁轉輸非不勤稽逋有軍令在庭百
 執事奉職各祇敬我獨胡為哉坐與億兆慶譬如籠中鳥仰
 給活性命為詩告友生負愧終究竟

昌黎集

和樂天洛城春齊梁體八韻

劉禹錫

帝城宜春人遊人喜意長草生季倫谷花出莫愁坊斷雲發
 山色輕風漾水光樓前戲馬地樹下鬪雞場白頭自為侶綠
 酒亦滿觴潘園觀種植謝墅闌池塘至閑似隱逸過老不悲
 傷相問焉功德銀黃遊故鄉

洛中早春贈樂天

劉禹錫

漠漠復靄靄半晴將半陰春來自何處無迹日以深韶嫩冰
後水輕盈煙際林藤生欲有託柳弱不自任花意已含蓄鳥
言尚沈吟期君當此時與我恣追尋翻愁爛熳後春暮却傷
心以上隨州集

嵩少

孟郊

沙彌舞袈裟走向躑躅飛閑步亦惺惺芳援相依依依噎春
咽喉蜂蝶事光輝羣嬉且已晚孤引將何歸流艷去不息朝
英亦疎微

旅次洛城東水亭

孟郊

水竹色相洗碧花動軒楹自然逍遙風蕩滌浮競情霜落葉

聲燥景寒人語清我來招隱亭衣上塵暫輕

訪嵩陽道士不遇

孟郊一作聶夷中

先生五岳遊文焰藏金鼎日下鶴過時人間空落影常言一
粒藥不墮生死境何當列禦寇去問仙人請

忽不貧喜盧仝書船歸洛

孟郊

貧孟忽不貧請問孟何如盧仝歸洛船崔嵬但載書江湖清
翻翻淮潮碧徐徐夜信為朝信朝信良卷舒江淮君子水相
送仁有餘我去官色彩衫肩經入君廬喃喃肩經郎言語傾琪
珞琪珞鏗好詞鳥鵲躍庭除書船平安歸喜報鄉里闔我願
拾遺柴巢經於空虛下免塵土侵上為雲霞居日月更相鎖

道義分明儲不願空岩堯但願實工夫實空三理微分別相
起予經書荒蕪多為君勉勉勉不敢專傳之方在諸

弔元魯山

孟郊

搏鷲有餘飽魯山長飢空豪人飫鮮肥魯山飯蒿蓬食名皆
窮官食力乃堯農君子耻新態魯山與古終天璞本平一人
巧生異同魯山不自剖全璞竟沒躬

自剖多是非流濫將何歸奔競立詭節凌侮爭怪輝五常坐
銷鑠萬類隨衰微以茲見魯山道蹇無所依

君子不自蹇魯山蹇有因苟含天地秀皆是天地身天地蹇
既甚魯山道莫伸天地氣不足魯山食更貧始知補元化竟

須得賢人

賢人多自竊道理與俗乖細功不敢言遠韻方始諸萬物飽
為飽萬人懷為懷一聲苟失所眾憾來桂排所以元魯山飢
衰難與偕

遠階無近級造次不可升賢人潔腸胃寒日空澄凝血誓竟
謊認膏明易煎蒸以之驅魯山疎迹去莫乘

言從魯山宮盡化堯時心豺狼耻狂噬齒牙閉霜金競來闕
田土相與畔欽岑當宵無關鎖竟歲饒歌吟善教復天術美
詞非俗箴精微自然事視聽不可尋因書魯山績庶合簫韶

音

詩三

藝文志

三

詩三

簫韶太平樂魯山不虛作千古若有知百年幸如昨誰能嗣
教化以此洗浮薄君臣貴深遇天地有靈橐力運既難難德
符方合漠名位苟虛曠聲明自銷鑠禮法雖相救與濃易糟
粕哀哀元魯山畢竟誰能度

哀孟雲卿嵩陽荒居

孟郊

戚戚抱幽獨宴宴沈荒居不聞新歡笑但觀舊詩書藝藥意
彌苦耕山食無餘定交昔何在至戚今或疎薄俗易銷歇淳
風難久舒秋燕上空堂寒槿落枯渠薶草恐傷蕙攝衣自理
鋤殘芳亦可餽遺秀誰忍除徘徊未能去為爾涕漣如

弔盧殷

孟郊

唧唧復唧唧千古一月色新新復新新千古一花春
唧唧風噫孟郊蒿秋墓盧殷北邙前後客相弔為埃塵北邙棘針草淚
根生苦辛煙火不自煖筋力早已貧幽薦一盃泣瀉之清洛
濱添為斷腸聲愁殺長別人

以上東野集

洛陽城外別皇甫湜

李賀

洛陽吹別風龍門起斷煙冬樹束生澀晚紫凝華天單身野
霜上疲馬飛蓬間凭軒一雙淚奉墜綠衣前

長吉集

洛下卜居

白居易

三年典郡歸所得非金帛天竺石兩片華亭鶴一隻飲啄供
稻梁苞裏用茵席誠知是勞費其柰心愛惜遠從餘杭郭同

到洛陽陌下擔拂雲根開籠展霜翮貞姿不可雜高性宜其
適遂就無塵坊仍求有水宅東南得幽境樹老寒泉碧池畔
多竹陰門前少人迹未請中庶祿且脫雙驂易豈獨為身謀

安吾鶴與石長慶集

洛中偶作

白居易

五年職翰林四年泣潯陽一年巴郡守半年南宮郎二年直
綸閣三年刺史堂凡此十五載有詩千餘章境興周萬象土
風備四方獨無洛中作能不小心恨恨今為春官長始來遊此
鄉徘徊伊澗上睥睨嵩少傍遇物輒一詠一詠傾一觴筆下
成釋憾卷中同補亡往往顧自哂眼昏鬢蒼蒼不知老將至

猶自放詩狂同上

題裴晉公女凡山刻石詩後并序

白居易

裴侍中晉公出討淮西時過女凡山下刻石題詩未
句云待平賊壘報天子莫指仙山示武夫果如所言
勉期平賊由是淮蔡迄今底寧始二十年人安生業
夫嗟歎不足則詠歌之故居易作詩二百言繼題公
之篇末欲使采詩者修史者後之往
來觀者知公之功德本末前後也

何處畫功業何處題詩篇麒麟高閣上女凡小山前爾後多
少時四朝二十年賊骨化為土賊壘犁為田一從賊壘平陳
蔡民晏然驃軍成牛戶鬼火變人煙生子以嫁娶種桑亦絲
絲皆云公之德欲報無由緣公今在何處守都鎮三川舊宅
留永樂新居開集賢公今在何官被袞珥貂蟬戰袍破猶在

髀肉生欲圓襟懷轉蕭灑氣力轉精堅登山不拄杖上馬能
掉鞭利澤浸入地福降自升天昔號天下將今稱地上仙勿
追赤松遊勿拍洪崖肩商山有遺老可以奉周旋同

洛陽有愚叟

白居易

洛陽有愚叟白黑無分別浪迹雖似狂謀身亦不拙點檢盤
中飯非精亦非糲點檢身上衣無餘亦無闕天時方得所不
寒復不熱體氣正調和不飢仍不渴閒將酒壺出醉向人家
歇野食或烹鮮寓眠多擁褐抱琴榮啓樂荷鋤劉伶達放眼
看青山任頭生白髮不知天地內更得幾年活從此到終身

盡為閒日月同上

香山寺石樓潭夜浴

白居易

炎光晝方熾暑氣宵彌毒搖扇風甚微褰裳汗霖霖起向月
下行來就潭中浴平石為浴牀窪石為浴斛綃巾薄露頂草
屨輕乘足清涼詠而歸歸上石樓宿同上

六年寒食洛下宴遊贈馮李二少尹

白居易

豐年寒食節美景洛陽城三尹皆強健七日盡晴明東郊蹋
青草南園攀紫荆風折海榴豔露墜木蘭英假開春未老宴
合日屢傾珠翠混花影管弦藏水聲佳會不易得良辰亦難
并聽吟歌暫輟看舞杯徐行米價賤如土酒味濃於餒此時
不盡醉但恐負平生殷勤二曹長各捧一銀觥同上

金谷園

蘇拯

積金累作山山高小於址栽花比綠珠花落還相似徒有敵國富不能買東市徒有絕世容不能樓上死祇此上高樓何如在平地

龍門敬善寺有紅桂獨秀伊川嘗於江南諸山訪之莫致陳侍御知予所好因訪得數株移植郊園乃知敬善所有是蜀道萑草徒得嘉名因賦是詩 李德裕

昔聞紅桂枝獨秀龍門側越叟遺數株周人未嘗識平生愛此樹攀翫無由得君子知我心因之為羽翼豈煩嘉客譽且就清陰息來自天姥岑長疑翠嵐色芬芳世所絕偃蹇枝漸

直瓊葉潤不凋珠英粲如織猶疑翡翠宿想待鷓鴣食寧止暫淹留終當更封植

四望樓

樓在洛陽東今廢秦時有貴公子買虛每日宴其上

曹鄴

背上見樓影應合與山齊座上日已出城中未鳴雞無限燕趙女吹笙上金梯風起洛陽東香過洛陽西公子長夜醉不聞子規啼

復觀三鄉題處留贈

賈馳

壁古字未滅聲長響不絕蕙質本如雲松心應耐雪耿耿離幽谷悠悠望甌越杞婦哭夫時城崩無此說

以上全唐詩

宋

遊龍門分題十五首

歐陽修

躡蹻上高山探險慕幽賞初驚澗芳早忽望巖扉敞林窮路
已迷但逐樵歌響上

行歌翠微裏共下山前路千峰返照外一鳥投巖去渡口晚

無人繫舸芳洲樹山下

高灘復下灘風急刺舟難不及樓中客徘徊川上山多陽洲

渚遠唯見白鷗翻石樓

聞鐘渡寒水共步尋雲嶂還隨孤鳥下卻望層林上清梵遠

猶聞日暮空山響上方閣

春谿漸生溜演漾迴舟小沙禽獨避人飛去青林杪伊川泛舟

橫槎渡深澗披露採香薇樵歌雜梵響共向松林歸日落寒

山慘浮雲隨客衣宿廣化寺

春巖瀑泉響夜久山已寂明月淨松林千峰同一色自菩提步月歸

廣化寺

亂石瀉溪流跳波濺如雪往來川上人朝暮愁灘澗更待浮

雲散孤舟弄明月八節灘

芳荃萼蘭酌共弔松林裏溪口望山椒但見浮雲起白傅墳

野色混晴嵐蒼茫辨烟樹行人下山道猶向都門去晚登菩提上方

古木卧山腰危根老磐石山中苦霜霰歲久無春色不如崑

下桂開花獨留客山棧

巨石何亭亭孤生此巖側白雲與翠霧誰見琅玕色惟應山鳥飛百轉時來息石

畫舫鳴兩槳日暮芳洲路泛泛風波鳥雙雙弄紋羽愛之欲

移舟漸近還飛去鴛鴦

春水弄春沙蕩漾流不極答答苦難滿終日沙頭客向暮卷

空層棹歌菱浦北魚

日色弄晴川時時錦鱗躍輕飛若下韝豈畏風灘惡人歸晚

渚靜獨傍漁舟落魚

答錢寺丞憶伊川

歐陽修

之子問伊川伊川已春色綠芷雜芳浦青溪含白石山阿昔

留賞屐齒無遺迹惟有崑桂花留芳待歸客

寄題洛陽致政張少卿靜居堂

歐陽修

洛人皆種花花發有時闌君家獨種玉種玉產琅玕子弟守家法名聲聳朝端歲時歸拜慶閭里亦相教西臺有道氣自少服靈丸春酒養脣壽童顏如渥丹清談不倦客妙思喜揮翰壯也已吏隱興餘方掛冠臨風想高誼懷祿愧盤桓

遊嵩十二首

歐陽修

路入石門見蒼蒼深靄間雲生石砌潤木老天風寒客來依晚照徒倚聽山蟬峻極寺

玉女不可邀蒼崖鬱岩直石乳滴空竇仰見次寥碧徒倚難

久留桂樹含春色

玉女窗

玉女搗仙衣夜下青松嶺山深風露寒月杵遙相應靈蹤杳

何尋片石秋光瑩

玉女搗衣石

高步登天池靈源湛然吐俯窺不可見淵默神龍護靜夜天

籟寒宿客疑風雨

天池

望望不可到行行何屈盤一逕林杪出于巖雲下看烟嵐半

明滅落照在峰端

登太室中峰

繫馬青松陰躡屐蒼崖路驚鳥動林花空山答人語雲霞不

可攬直入真真霧

自峻極院步登太室

石徑方盤紆雙峰忽中斷呀豁青冥間畜泄烟雲亂杉蘿試

舉手自可階天漢

天門

烟霞夫門深靈泉吐巖側雲濕顯氣寒石老林腴碧長松暫

休坐一酌煩心滌

天門泉

二室對岩堯羣峰聳嶠直雲隨高下起路轉參差碧春曉桂

叢深日下山烟白芝英已可茹悠然想泉石

二室道

昔聞王子晉把袂浮邱仙金駿於此墮吹笙不復還玉蹄無

跡久澗草但荒烟

拜馬澗

驅馬渡寒流斷澗橫荒堡槎危欲欹岸花落多依草擊波翫

游儵倒影看飛鳥留連愛芳杜漸下四峰照

公路澗

朝下黃蘆坂夕望箕山雲緬懷巢上客想彼巖中人弱歲慕

高節壯年嬰世紛
激流羨潁水振衣嗟洛塵
空祠亂驚鳥山
水含餘暉聊茲謝芝桂
歸月及新春

獨樂園七詠

司馬光

吾愛董仲舒窮經守幽獨
所居雖有園三年不遊目
邪說遠

去耳聖言飽充腹發策登漢庭
百家始消伏

讀書

吾愛嚴子陵羊裘釣石瀨
萬乘雖故人訪求失所在
三旌豈

非貴不足易其介奈何夸毗子
斗祿窮百態

釣魚

吾愛韓伯休采藥賣都市
有心安可欺所以價不二如何彼

女子已復知姓字驚逃入窮山
深畏名爲累

採藥

吾愛陶淵明拂衣遂長往
手辭梁主命犧牛憚金鞅
愛君心

豈忘居山神可養輕舉向千齡
高風猶尚想

見山

吾愛杜牧之氣調本高逸
結亭侵水際揮弄消永日
洗硯可

抄詩泛觴宜促膝莫取濯冠纓
紅塵汗清質

弄水

吾愛王子猷借宅亦種竹
一日不可無蕭灑常在日
雪霜徒

白白柯葉不改綠殊勝石季倫
珊瑚滿金谷

種竹

吾愛白樂天退身家履道
釀酒酒初熟澆花花正好
作詩邀

賓朋欄邊長醉倒至今傳畫圖
風流稱九老

澆花

登封龐國博元常字懋德年三十八
自云欲弃官隱嵩山作

吏隱庵於縣寺俾光賦詩司馬光

懋德負長才全牛不足割
纔爲百里宰驥足殊未展
齒髮方

盛彊趣尚已高遠結庵瞰二室志欲巢絕巘賢人心如雲無
迹有舒卷不須驚俗目卓犖乃求顯既知吏可隱何必遺軒
冕

龍門

司馬光

石樓臨晴空南眺出千里人憐山氣佳予歎禹功美想彼未
鑿時極目皆洪水誰知耕桑民幸免魴與鯉

伊川

梅堯臣

山斷瀉伊流灘聲朝暮急東渡馬將登西隄人已立日看東
西舟爭途不及誰見捕魚郎寒蓑雨中濕

石樓

梅堯臣

山腰古石樓香靄石梯上低窺巖際樹對見龕中像簷遮嵩
雲飛檻逼伊湍響同遊已零落歲月成俯仰

河南張應之東齋

梅堯臣

昔我居此時鑿池通竹圃池清少游魚林殘無棲羽至今寒
窻風靜送枯荷雨雨歇吏人稀知君獨吟苦

河南王尉西齋

梅堯臣

官舍古城隅西齋何寂寂種竹幽趣深開屏翠光滴青山露
南牆落日明東壁危臺起其傍平隰坐可覲歲暮野田空天
高霜隼擊更憐風月時幾弄林間笛

新安錢學士以近詩見貺短言敘悃

梅堯臣

早事太尉府謬以才見論身作邑中吏日陪丞相尊嵩山雲
外寺伊水渡頭村泉味入香茗松色開清罇題詩人半醉馬
上景已昏歸來屬後乘冠蓋迎國門悠悠失貧賤冉冉歷涼
溫而今處窮僻落莫思舊恩終日自鮮適終年長不言已覺
人事寡惟聞雞犬喧東風有來信滿幅蘭與蓀深知故人意
遺我滌真煩一章言卷畫谿好如日存何須到雲壑便若游
花源一一先造化可以輕瑤琨成誦今在口願將醒病魂

永叔內翰見索謝公游嵩書感歎希深師魯子聰幾道
皆爲異物獨公與余二人在

梅堯臣

日在洛陽時共游銅駝陌尋花不見人前代公侯宅深堂鎖

塵埃空壁鬪蜥蜴楸陰布苔綠野蔓纏石若池魚有偷釣林
鳥有巧射園隸見我來朱門暫開闢園婦見我還便掃車馬
跡何以掃馬跡實亦畏他客我輩唯適情一葉未嘗摘他人
或所至生菓不得惜又憶游嵩山勝趣無不索各具一壺酒
各蠟一雙屐登危相扶牽遇平相笑噓石搗雲衣輕巖裂天
窗窄上飲醒心泉高巔溜寒液下看峰半雨廣甸飛甘澤夜
宿岳頂寺明月入戶白分吟露氣冷猛酌面易赤明朝循歸
途兩脛痛苦刺日旰就馬乘香草路迤阨却望峻極居已與
天外隔薄暮投少林漱濯整冠幘碑觀巡幸僧指古定空壁
誓將新詠章燈前互詆譏楊生護已短一字不肯易明年移

河陽簿書日堆積忽得謝公書大夸遊覽劇自嵩歷石堂蘇
花題洞額其文曰神清固非人筆畫乃知二公貴逆告意可
蹟遂由龍門歸里埃環數驛我時詩已答或歌或辨責責我
不喜僧性實未所獲凡今三十年纍塚拱松栢唯公與菲才
同在不同昔昔日同少壯今且異肥瘠昔日同微祿今日異
烜赫昔同騎破羈今控銀轡草昔同自謳歌今執樂指百死
者誠可悲存者獨窮厄但比死者優貧存何所益

遊嵩十三首

梅堯臣

夕寢北窗下青山夢與尋相歡不異昔勝事却疑今風雨幽
林靜雲烟古寺深攬衣方有感還喜問來音

河陽秋夕夢
永叔游嵩

山高路已窮
修爾逢蘭若
落日老僧閒
支頤古松下
緩步入
禪庭蒼苔但瀟灑

峻極寺

玉洞倚雲壁
天窗露微明
驂鸞去不返
啼鳥空相驚
萬木自

虧蔽捫蘿空
復情

玉女
牕

有石稱搗衣
不見雲纓自
飄飄巖樹長
蔥蒨猶應寒
夜中

山月來鋪練

玉女搗
衣石

安知最高頂
清淺水池開
有時片雲出
倏忽生風雷
誰羨雙

黃鵠刷羽來
徘徊

天
池

日夕望蒼崖
嶮嶮在天外
及來步其巔
下見河如帶
半壁雲

霧昏山根已滂沛

登太室
中峰

稅駕緣巖前攀蘿不知倦人從樹杪來路向雲端轉忽覺在

烟霞回首峰嶺變

自峻極中院步登太室

古壁何蒼蒼穿雲玉梯出欵然起青冥却立觀少室前崑復

後峰陰晴狀非一門

冷冷雲外泉的的巖光入靜若仙鑑開寒疑玉龍蟄時應下

鹿羣印跡青苔濕

天門泉

曠哉嵩室陽神怪所棲宅蒼石不知年靈熊去無迹烟巖想

桂宮苔壁疑椒掖不學舜娥悲瀟湘竹枝碧

啓母石

車馬雲外來衣沾半山雨彌節扣真君捫蘿笑塵矩迴溪響

石松靈茹抽巖塢玉檻刻年華應無媿前古

天封觀

度嶺尖羣山千峰出天際方欣左右看屢改繁迴勢勝事與

誰同芬然有蘭蕙

道

雲洞古殿深少室羣峰碧行雨欲隨車望巖非化石常聞蘭

氣蒸誰奠椒香液寄謝洛川如凌波定何益

少姨廟

伏承留府太尉相公就敝居為耆年之會承命賦詩謹

錄上呈伏惟采覽

按是會詩以類相從故不分體

富

弼年七十九

西洛古帝都衣冠走集地豈惟名利場驟為耆德會大尹吾

舊相曠懷輕富貴日與退老遊臺閣并省寺予慙最衰老亦

許預其次遂欲省儀容爛然形繪事閩嶠訪精筆鮫綃布絕

藝今復崇宴衍聊以示慈惠幽居近銅駝荒弊仍湫底塞路

移君庖盈車載春醴獻酬互相趣觀處不知止商嶺有四翁
晉林惟七子較我集諸賢盛衰何遠邇並事實可矜傳之爲
干祀

耆英會詩

文彥博 年七十五

九老舊賢形繪事元豐今勝會昌春垂石素髮皆時彥揮麈
清談盡席珍染翰不停詩思健飛觴無算酒行頻蘭亭雅集
誇修襍洛社英遊賞序賓白媿空疎陪几杖更容欵密奉簪
紳當筵尚齒尤多幸十二人中第二人

耆英會

席汝言 年七十七

繫國安危唐土宰功成身退漢留侯二公閑暇開高宴九老

雍容奉勝流共接雅歡恩意洽不矜崇貴禮容優賞心樂事
人間盛豈謂今稀古莫儔

壯歲塵埃祿事牽老歸重到舊林泉曾無勲業書青史偶向
康寧養老年自分杜門居陋巷敢期序齒預公筵更慙形穢
才涼薄不稱圖真接鉅賢

耆英會

王尚恭 年七十六

端朝風望兩台星珪組參差又十人八百喬年餘總數一千
熙運遇良辰席閒韻語皆非俗圖上形容盡得真勝事主盟
開府盛誤容衰薄混清塵服許便衣更野逸坐從齒列似天
倫二公笑指增和氣夜久盤花旋發春

白注燭下盤花開公即指目焉

耆英會

劉日凡 年七十五

司徒碩德今無比太尉殊勲固絕倫偶以暮年陪盛宴喜將
白髮照青春八公有穢山空著四皓當衰心且伸元老相望
疎迹在不應此會媿前人
制舉省元推二相龍頭昔日屬宣猷人間盛事并遐算一席
幾盈九百籌 月注十二老共八百九十二歲

耆英會

馮行已 年七十五

書稱五福壽為先有德人方得壽延白媿樛櫟
齒髮亦遐年立身官
推老名陪
相賢每正哀容
吳德宇 無

筵從此洛城增勝槩又新重作畫圖傳

耆英會

趙丙 年七十五

新春鼎洛燕英髦主禮雍容下庶僚二相比肩官一品十人
華髮事三朝星階並列瞻台曜尊酒時行挹斗杓東顏庸夫
最無狀也將顏面趁嘉招

耆英會

王謹言 年七十三

相印貂冠粲六符華巔高會侍臣俱不將官職誇鄉里唯尚
年齡入畫圖履道清歡追故事竚瞻陰德見訐謨叨陪几席
真榮觀珪璧叢中問珉珠

耆英會

楚建中

自顧頹齡七十餘久慙頑鈍費洪鑪歸逢大老者年會衰朽
形骸媿畫圖

二相謨猷爛史編諸公才業過前賢好圖儀像傳來世何事
頑疎亦比肩

耆英會

張燾年七十一

洛城今昔衣冠盛韓國園林景物全功在三朝尊二相數逾
九老萃羣賢當時鄉社為高會此日居留口款延多幸不才
陪履烏更慙七十是新年

耆英會

王拱辰年七十一

西都山水天下奇神嵩景室環清伊自注上古太室山為景室山甫申開

氣秀不絕生賢會聖昌明時衣冠占數盛文雅台符鄉月光
離離魏京雄奧壓幽朔遊宮御府嚴天威膏田千里翳桑柘
犀甲萬旅馴熊羆公當緩帶名三鎮懸赤繼軫承保釐追推
契遇最深舊加復雍孟交旌麾仁皇一莊龍虎榜桂堂先後
攀高枝宦遊出處五十載鸞臺驥路俱騰夷三公極位固遼
隔五年以長猶肩隨公今復主鳳門鑰僕亦再撫銅臺圻二
京相望阻河廣三徑不克陪遊嬉忽聞幹步踵門至投我十
一耆英詩整冠肅貌諷章句若坐寶肆羅珠璣為言白傅有
高躅九君結社真可師欲令千載著風迹亟就僧館圖神姿
詞宗端殿序篇目滂灑大筆何淋漓眷言履道蓬克詘菟裘

近邑將營歸取云繪素得精筆願列霜壁如唐規退居舊相
 國元老十年還政灑之涯康寧富貴備五福靈寶盛氣如虹
 霓昔年大對繼晁董登科賜第同一期白注皆天聖八年紫垣步武
 既通接金沙里開還鄰比探禪論道劇訓對摩軋太古窮天
 機二賢勲業冠朝省爵齒官學誰依稀今將圖畫表來世詎
 可下客聯纓綉既蒙月品定人物不敢循避違風期況承開
 閣厚賓客富有景物佳園池銅駝坊西福善宅修竹萬箇籠
 清漪天光臺高未百尺下眺林嶺如屏帷花王千品盡殊勝
 風光繡畫三春暉六相街中潞公第碧瓦萬木煙參差左隅
 廟室本經禮右閣宸翰尊星奎婆娑青鳳舞松柏煥爛素錦

蒸醪醖石渠飛溜漱寒玉晝夜竿瑟鳴塔堦伊予陋宇治窮
 僻姑喜地廣為環溪樓名多景可曠望臺號風月延清暉四
 時花蘂不外假拏舟傲憤聊嬉怡懷歸撫事若飢渴恨無羽
 翼西南飛人生交舊貴倫輩情親意接心相知豈無晚秀負
 才蘊高談大笑拘禮儀洛中故事名義燕二毛第一年相推
 灑冠登仕荷天寵尊君報國當百為既嗟大耋盍知止納祿
 謝事皆所宜顧方北道倚煩劇未許解紱披荷衣長篇不令
 負花約白注公貽莫負花前約之句為指風什歌式微如羹甘露爽心骨
 似柄玉塵親顏眉蘭叢雖未長羅宅菊英似亦思陶籬子山
 已著小園賦彥倫猶媿鍾山移聊攄短引謝招隱可使猿鶴

常驚啼

耆英會

張

問年七

槐庭二老樂堯仁盛集高年洛水濱
 華裘具瞻雖禮絕白頭
 序齒卻情親清閑几席同
 禪院山野巾裘似隱淪
 尊酒椒香纔過節池塘草色已催春
 白公酣暢吟哦內衛武康強笑語
 頰豈獨丹青傳不朽潛欣風俗欲還淳
 芝田鶴戲調形健蓮葉龜遊納息勻
 商皓寂寥拘小隱漢疏局促止家人
 莫因氣貌疑丹竈自有光陰寄大椿
 復得兼謨為重客自注同馬志
 遺元爽在編民神仙可學今方信
 道術相忘久益真滿座交歡祝眉壽
 羣生五福託鴻鈞

遊嵩十一首

范仲淹

窈窕玉女牕想像玉女粧皎皎月為鑑
 飄飄霓作裳莫學陽臺夢無端惑楚王
玉女
 但見巖前砧語聞月下杵金文與鍊色
 璨璨知千古試問搗衣仙何如補天女
玉女搗衣石
 嶽頂見仙池神異安可度勿謂無波濤
 雲雷有時惡乘此澄清間吾纓亦可濯
天
 嵩山最高處逸客徧登臨回看日月影
 正得天地心念此非常游千載一披襟
登太室中峰
 白雲隨人來翩翩疾如馬洪崖與浮邱
 襟袂安足把不來峻

極游何能小天下

自峻極中院步登太室

徘徊峻極寺清意滿烟霞好風從天來吹落桂樹花高高人

物外猶屬梵王家

峻極寺

天門絕境游熙然揖灑氣下顧莽蒼間雲雷走平地天威不遠人孰起欺天意天

天門有龍泉塵埃未嘗至日月自高照煙霞亦輝如惟抱夷

齊心飲之可無媿

天門泉

太室何森聳少室欲飛動相對起雲霞恍如游仙夢何以寵

此行行歌降神頌二室道

博聞王子仙澗邊遺逸驥當時青雲路雞犬亦可致未必真

龍媒悠悠在平地

拜馬澗

嵩山發靈源北望洛陽注清流引河漢白氣橫雲霧英雄昔

此地百萬曾相拒近代無戰爭常人自來去

公路澗

登封縣宇觀少室

邵雍

天地始融結此山已高極羣峰擁旌幢巨石羅劒戟日出崖

先紅雨餘嵐更碧安知無神仙其間久遁迹

遊山二首

邵雍

洛川多好山伊川多美竹遊既各有時雖頻無倦目貪清非傷廉瀆幽不為辱麋鹿不害人心無害麋鹿

二室多好峰三川多好雲看之不知倦和氣潛生神一慮若

動盪萬事從紛紜人言無事實身為無事人

天津橋晚步

邵雍

芝蓋久稀疎暮雲空垓北千年舊都城一片閒宮闕禁鎖尚

連延觚稜猶熾噪橋勢橫雌霓隄形偃初月漣澗崖已深漢

唐時未歇危亭獨坐人浪把興亡閱

以上擊壤集

陸渾樂遊

程頤

東郊漸微綠驅馬欣獨往舟紫野渡時水樂春山響身閑愛

物外趣逸諧心賞歸路逐樵歌落日寒山上

獨樂園

蘇軾

青山在屋上流水在屋下中有五畝園花竹秀而野花香襲

杖屨竹色侵盃罇酒樂餘者相序長夏洛心初冬風

俗猶爾雅先生卧不出冠蓋傾洛社雖云與眾樂中有獨樂

者才全德不形所貴知我寡先生獨何事四海望陶冶兒童

誦君實走卒知司馬持此欲安歸造物不我舍名聲逐我輩

此病天所赅撫掌笑先生年來效喑啞

東坡集

同天隱少章遊嵩山懷元明

李彌遜

秦公我輩士早踏翰墨場萬言若投石十年猶枯囊苦欲泛

江海有親在高堂牢落京華春門無一壺漿長鞭策瘦馬送

我古道傍憐我值險艱赤心寫摧傷鏗鏘五字句勢與鵬鷲

翔感此坐矯首星星鬢成蒼西風小搖落雨洗烟嵐光晚暉

露孤秀野陰樓暗芳更攜鮑謝流履盡千巖霜搜奇得幽深
 訪古到森茫月落潭影空清吟殊未央緬懷紫芝宇百憂繞
 迴腸三歎已晡食十起中夜牀雲埋長安日魂夢不敢驤茂
 苑富山水結廬余所嘗我欲放船下卜鄰俯滄浪耦耕種秫
 田共掃三徑荒頭白青山裏長歌樂歲觴

鈞溪集

出長夏門

張耒

出郭心已清青山忽相對游人傷流水俯仰秀色內誰張蒼
 玉屏中斷神斧快清伊瀉其間銀漢曳天派參差樓觀出杳
 靄林麓邃巖聲答遠響水影弄空翠同遊得君子與與煙霞
 會逸勝雖自茲高懷已塵外

宛邱集

石樓

張耒

清溪若莽虬鎖束其頸絳騰去莫脫擺掣恣驍猛嘈嘈戰
 風霆萬鼓助其勁聲驅石崖動氣抱晴日冷我來怯初登注
 視久乃定悠悠山川濶寸目羅萬景平生林野趣疎放謝鞭
 警會期山月出一嘯清夜永

同上

金

雨後看竝玉所控諸峰

馮壁

竝玉如高人壁立九千仞一日不見之令人生鄙吝春深木
 葉敷秀色益濡潤結茅寄僧藍晴碧時相趨老宿諸孫峰隅
 侍列齟亂連延青一色枚數須諦認溟濛空翠間我亦疑未

信朝來雲氣昏埋沒瑜璣瑾如蒼梧政愁相如鬱思舜重陰
 後解駿靈澍夕暉襯娟娟忽層出歷歷分遠近雲峰互吞吐
 千狀纔一瞬出奇如孫吳相隆如廉藺如衆星拱辰如侯伯
 入覲接武如朋簪承迎如价償負固如吳楚爭長如齊晉怪
 詭如夷蠻駢羅貢琛贖窘蹙如擒獲繫纍將就繫如應龍神
 靈盤卧時奮迅如天駟超軼坳收稅羈勒如雄對改容失筋
 駭疾震如猛士無譁攢掣候嚴陣獨兩峰巍然魁傑儼崇峻
 光輔嶽柱天鬱爲中興鎮降生申與甫周室債復振詩傳配
 嵩高百世磨不磷

同裕之再過會善有懷希顏

馮璧

寺原魏離宮十日來凡兩前與
 髯卿偕齋奠少林往其時已
 薄暮諸勝不暇訪今同魏諸孫
 再到風烟上寺僧導升殿雄
 深肅瞻仰柱礎門限砧追琢成
 大壯不見磨琢痕堂滑明滉
 朗摩娑三歎息後世無此匠晚
 登西南亭碧玉對千丈如王
 官天柱如太華仙掌留宿贊公
 房秀色夢餘想夜靜耿不眠
 泉溜琴竇惜鬢吟不來聯詩共
 清賞

九日登少室絕頂同裕之

雷淵

閒居愛重九佳人重相過登高
 酬節物少室鬱嵯峨迺遷謝
 塵土夷猶出烟蘿欵如據鰲頭
 萬壑俯蜂窩浩浩跨積風瀾
 灑渺長河日車昃紅輪天宇凝
 蒼波指點數齊州如覺氛埃

多我無倚天劍有淚空滂沱驚鱗盼粵渚倦翼占危柯悔不
與家來結茅老巖阿歸途睠老阮廣武意如何

玉華山同裕之

雷淵

洗耳頰川水療饑西山薇山川得佳客草木生光輝末路風

薄此道日已微相期千載事非君誰與歸

會善寺怪松

雷淵

生自有常怪特物之病嗟嗟此老蒼怪怪生魁柄侏儒蹙

股宿瘤擁腮頸蜿蜒蛟龍戲騰擲驅虎競鬚髯喜張礫意

怒狂逆匠石求棟楹節目足識評芻蕘急薪樵堅悍空盼

靜言觀倚伏未易相吊慶雖遲時世用顧免斤斧橫陽秋

莫榮悴歲月何究竟盤盤曲則全挺挺獨也正小草悞掃迹

伏神還守性儻隨天中景廣宇共麻映以上中州集

箕山

元好問

幽林轉陰崖鳥道人迹絕許君棲隱地唯有太古雪人間黃

屋貴物外祇自潔尚厭一瓢喧重負寧所屑降衷均義稟泪

利忘智决得隴又望蜀有齊安用薛干戈幾蠻觸宇宙日流

血魯連蹈東海夷叔采薇蕨至今陽城山衡華兩邱埕古人

不可作百念肺肝熱浩歌北風前悠悠送孤月

緱山置酒

元好問

靈宮肅清曉細栢含古春人言王子喬鶴馭此上賓白雲山

蒼蒼平田木欣欣登高覽元化浩蕩融心神西望洛陽城大
路通平津行人細如蟻擾擾爭紅塵蓬萊風濤深鬢毛日夜
新殷勤一杯酒媿爾雲間人

同希顏再登箕山

元好問

千年箕山祠蘿逕深以梢桂樹不復見禿籛餘秋篠盤盤盡
絕頂石冢平木杪長風萬里來筋骸覺輕矯側身望岩竇解
衣憇林表是時夏春交野色亂青縹川光乍明滅地脉互縈
繞岡巒蟻垤出井邑蜂衙擾紅塵洛陽昏白雲太行曉元功
信冥漠一覽疑可了悟彼東山人胸中魯宜小

少林

元好問

雲林入清深禪房坐蕭爽澄泉潔餘習高鳥喚長往我無元
豹姿漫有紫霞想回首山中雲靈芝日應長

龍門雜詩二首

元好問

石樓繞清伊塵土天所限人言無僧久草滿不復剝灘聲激
悲壯山意出高蹇當年香山老掛冠遂忘返高情留詩軸清
話入禪版誰言海山去著散仍在眼溪寒不可涉倚杖西林
晚

不見木庵師胸中滿泥塵西窗一握手大笑傾冠巾青山有
佳招一游負因循老筇動高興萬景森前陳乾元先有期清
伊亦知津細看潛溪樹高卧香山雲學詩二十年鈍筆死不

神乞靈白少傅佳句儻能新遙遙洛陽城梅花千樹春山中
有忙事寄謝城中人

李道人崧陽歸隱圖

元好問

北山范寬筆老瘦無妍姿南山小平遠澹若韋郎詩崧陽古
仙邨佳處我所知長林連玉華細路入清微連延百餘家柴
門水之澗桑麻蔽朝日雞犬通垣籬媿我出山來京塵滿山
衣春風四十日夢與孤雲飛可笑李山人嗜好世所論逢人
覓詩句不恤怒與譏道人本無事何苦塵中為京師不易居
我癡君更癡山中酒應熟幾日是歸期

元

人以此詩與范寬筆老瘦無妍姿南山小平遠澹若韋郎詩崧陽古仙邨佳處我所知長林連玉華細路入清微連延百餘家柴門水之澗桑麻蔽朝日雞犬通垣籬媿我出山來京塵滿山衣春風四十日夢與孤雲飛可笑李山人嗜好世所論逢人覓詩句不恤怒與譏道人本無事何苦塵中為京師不易居我癡君更癡山中酒應熟幾日是歸期

中嶽投龍簡

吳全節

皇慶二年歲在癸丑四月甲子詔元教張留孫醮大
長春宮彌星芒禱雨澤也聖天子敬天愛民一誠之
發其答如響禮成命元教吳全節太常卿李允中奉
金龍玉節投諸嵩洞入山之初一兩端齋歲祀之際
輕陰護涼
作詩紀之

陽城天地中坤靈奠神嶽積翠千層霄元氣遠盤礴降神生
申甫形勢控伊洛猗猗虎豹蹲偃蹇蛟龍躍猛士橫戈矛奇
陣出幃幄簇簇羅旌旗巍巍聳臺閣玉鏡為誰開金櫃為誰
鑰遠近列畫圖週遭峙郭郭萬狀不可名起伏互連絡皇皇
聖帝居歷代重封爵老栢浮蒼烟古殿蝕丹雘天朝混華夏
秩禮特優渥皇慶二載春宵肝軫民瘼有旨醮長春玉簡命

新琢詔臣走登封香幣致虔恪邃洞藏寶符瓊音降笙鶴三
呼今復聞祥風度天樂小臣奉明祀三使陟雲臺箕山勝可
家潁水清可濯遐想飲牛人高風動寥廓賜玦知何時分我
雲半壑歌詩勒嵩珉用贊聖人作

元詩選

龍門

柳貫

一溪瓜蔓流渡者云可亂屢涉途已窮前臨波始漫巖巖龍
門峽石破兩崖半沙浪深尺餘灣洄觸垠岸它山或澍雨湍
漲輒廉悍頃刻漂車輪羈絡不能絆其源想非遠衆水自茲
濫濟淺抑何艱慮盈疑及患峰陰轉亭午出險馬蹄散草路
且勿驅烟開望前館

待制集

洛陽陌

錢惟善

驅車洛陽陌周道何逶遲玉帛走侯甸金湯固城池潘令好
桃李阮生多路岐銅駝卧荆棘索靖獨先知

洛陽道上次歐陽齊汲韻

揭祐民

中原七郡地氣厚風還淳天分澗瀍水路入河洛春聖賢所
經營繩準相平均六合昔有隔一觀恨無因懷哉此盛區理
者皆先民曾經龍虎啖重爲狼羊貧大若幹元化細物涵深
仁一士行其間鞍馬猶逡巡解帶思古道題詩清路塵望迷
黃河北欲度正愴神遺黎當道隅涕說青城瀆青城不可說
回首傷天津

以上元詩選

明

過黑石渡

程本立

印山障黃河洛水崩黑石方舟載車馬烟雨行人立我昔

王命北渡祠河伯茲來復輶傳觀者笑會識聖君禹功齊神

龜當復出

出洛陽城

程本立

輓輶上天津伊闕當我前連峰左右起奔走相後先古來五

嶽內嵩高極中天儀刑正四表襟帶流三川河山固王室豈

直金城堅漢業此中興周都竟東遷壯遊快一覽遺跡悲千

年頽垣舊誰築野蔓栖朝烟

以上吳隱集

觀啓母石

李昌祺

夙負山水癖苦乏幽討緣幸茲崧與少秀色當眼前公餘陟

峻岡忽覩石一卷特立四無鄰觚稜不相聯云是啓母身化

在郊墟嗚呼之乃擘裂啓出仍完全幻語本荒唐叻見淮南

篇遐想覆載間滄桑屢更遷安知運代移墜彼千仞巔厥理

誠可推賢達固釋然矢詩正妖譌昧者庶或悛後世有豪傑

爲我焚其篇

明詩綜

端午日游少林寺

李昌祺

少林聳岩堯有路達蔥嶺半生懷勝槩老乃踐真境緇流遠

見迓偏袒仍露頂升高縱遐觀頗覺癡緣屏蒲風翻卷帙艾

色侵衣領撥蔬僧具供飲騎童汲井自拈清淨香作禮燕古
鼎超超昔神師順寂同溟滓而於片石上留此不滅影竺夏
雖異轍皆貴能猛省寒巖許分坐禪定畢餘景

明詩綜

狄仁傑墓

厲仲章

嗟嗟狄梁公曠世不易得所會非其時妖氛極天意實
有在兢兢盡臣職逐子乃何心欲移唐社稷大統房陵還于
焉運籌策隻手拓青天廟堂鎮柱石出入三十年功名昭簡
冊下馬吊孤墳荒邱蔓荆棘感我一題詩悲風起蕭瑟

通志

銅駝巷

劉咸

古巷乃隘陋猶說銅駝名想當炎漢日冶工鑄始成首山化

金波棠谿泄金精洪爐氣磅礴裂火光晶熒煽鞫神力助鉗
椎鬼魄驚拱衛擊五雷呵護煩六丁猙獰異獸出繚繞長虹
縈千年鎮厚土留茲洛陽城摩挲幾嘆息會見荆棘生山海
有傾竭陵谷多變更詩人重紀述感激傷吾情茫茫付陳迹
餘憤何由平

同上

安樂窩

胡謚

中州擅靈秀毓此諸鉅儒兩程師友間巍然我堯夫學術兼
理數弄丸力恒餘飄飄長空雲吾心同卷舒茫茫鴻鈞化吾
道同盈虛才大不屑試斂焉退若愚睠茲天津側誅茅結爲
廬豕鹿伴我游木石鄰我居興來發高吟擊壤聊自娛憑誰

問且答有樵還有漁觀物漫成篇經世賸著書冥搜極萬類
天地窮終初猗嗟垂訓功乃與經籍俱累朝示崇報廟廷列
聖徒曷繫邦人思專祠當里閭遺像儼如生精英曾何徂唯
應伊洛水千古通泗洙上同

龍門龕

齊之鸞

伊水出龍門疏鑿惟禹績溪縈匯澄澗雲斷割絕壁泛舟巡
南厓諸龕空翠滴遠疑穴陶復近聽境寥闕黃冠一人來導
我縱幽覲何年驅鬼工深窟隱金狄頽然丈六身大小隨刊
別旁有鉦鼓鳴愚氓伺考擊自從拓跋來事佛轉成癖荒哉
魏王泰孝誠空爾激不知文德賢坤美符帝錫天堂無則已

有則必登歷何事石上災千古不可滌無乃託親名志祈潛
奪嫡欲爲生民主先被河神溺向使正儲位亦終貽伊感經
行謾誅心期使來者惕明詩
綜

渡伊洛

喬宇

入山復出山上下盡坡坂人云行路難我悔見道晚嵩少去
已遙伊洛來不遠二程軌轍存迷途會當返白嶽
集

渡伊洛次韻

薛蕙

夕陽入東浦白露滿秋坂孤鴻唼更悲芳草色已晚悠悠道
路迢杳嵩少遠寄語山中人旦夕吾將返西原
集

登鄂嶺望少室山

王堯弼

赤山登鄂嶺薰風自南來滌彼溽暑退吹我衣裳開我懷覺
清灑我行實徘徊節彼少室山峰巒鬱崔嵬白雲鎖其巔蒼
松盤其隈芙蓉接漢出罨畫倚天排不說神仙事雲霞亦奇
哉平生愛山水此興詎能灰仰止意不盡日夕還登臺何如
凌絕頂憑高瞰九垓說

登山登煉魔臺眺望

周夢暘

二祖巖旣竒鍊魔臺益矯石磴上盤雲曲逕羊腸迤捫蘿陟
其巔身入星辰表四壁勢削成巉巖礙飛鳥把盃矚遠天翻
覺神州小黃河崑崙來經過細如沼亦有伊洛流茫茫一綫
渺西華與東岱彷彿烟村杳中多白玉膏服之輕且褻清晨

如露溥飲此世絕少我志愛餐霞坐待天將曉說

游嵩山三首

區大相

名嶽宅中土生賢借竒巘圖爲風雨會地以揖讓顯崖壑雖
峻極崑阜亦平行憩麓果紆迴登崇更凌踐夙多遺世踪到
此塵慮遣箕頰信高蹈陽城道未貶揆迹有緇伸忘懷任舒
卷素風諒不遐幽意得所展欲去還復留低徊不能返
薄游吹笙嶺回憇擣衣石玉女不可遇青童似相識遺我一
廂藥金膏和玉液服之容色改自然生羽翼體輕若黃鵠一
舉凌八極顧視讓王人累累塚上石天地可齊年浮名竟何
得

二室麗中天三花落雲外遠勢浮河洛穹標掩華岱珍木自成陰瑤草何曾漑神膏沆瀣霏金沙碧潭碎風從箕山來思與逸駕會天路杳難即霞街久蕪穢獨見周王子吹笙游鶴背青宮生塵埃紫房絕情愛逍遙白雲間欲歸迷所在海日集

箕山

高河出

箕山於太室如岱有梁甫輔嶽並稱尊他山遑敢侮潁水源更清石流歷可數所以讓王人洗耳臨其澗一瓢棄陶唐飲牛愧巢父後代鮮若儔高風激千古緬懷瞻有遇嗟哉不復覩惟見波湛湛雲氣朝如雨褰裳行欲涉身上懸圭組孰云能廣覽徒羨翩翩雨茲意諒自解來者將何補說嵩

遊盧巖

崔萬仞

青山含素氣谷隱多真賢聞昔盧徵君結菴太室前策馬尋幽踪行行異山川林木悅我目流石契我偏峩峩削峻壁冷掛飛泉萬事自陵谷舊地列諸天吾友稱靜者歌吹列華筵客遊不知疲四座意悠然感慨有餘情含語俱未宣我為前致詞興盡且言旋廢興自有數喧寂亦有緣冉冉下夕陽歸路聽潺湲說嵩

崇福宮禱雨

李正

清曉戒徒御禱雨謁道宮焚香古像前拜跪肅以恭因之感與亡華構久已空尙有勅換碑狼籍蔓草中慨想宋金盛鑾

輿屢游從名臣領祠職列辟嚴眸容運往物隨改偉觀難再
逢登臨鴨烟霞頗愜眺望踪遲迴不能去樹杪來長風說嵩

搗帛石

傅梅

嶽頂一片石瑩潔平如砧玉女夜搗帛山中聞杵音霞衣何
用濯霓裳常如新天土無刀尺聲傳恐非真雉園稿

少陽河

傅梅

少陽峯下水宛轉流成河在山傳清瀨出山揚素波芳樹蔭
華渚白鳥行青莎欣此滄浪處不聞孺子歌同上

游玉黃峽

傅梅

入山旭光迎出山明月迨山氣兩岸青一罅豁天白眾水滙

中流四望千層碧遠煙含細浪水天去咫尺問津得漁郎深
入自決策清湍滌茂林冷然人境隔聞雲時來在每抱山中
石絕嶠立誰扶斷崖疑鬼坼雙屐數滯停雨餘苔蘚積始窺
貪幽竒久娛忘險窄舍杖捫修蘿縮縮驚魂魄歸路已更深
官燭遙相逆野人住巖阿夕火照空壁雞犬自成村駭見城
中客感此厭塵喧百念俱蕭瑟所欽古真隱終身樂山澤同上

赴洛留別華陽兄

皇甫濂

浮雲薄高山崇朝去還結遊子不憚煩悠悠復徂轍密親自
茲曠臨流何能發衰林動遠風寒江冒輕雪遇物隆所悲興
愁頓難絕無以赴洛人懷哉但吟越明詩綜

面壁石

王士崧

折蘆浮渡江震旦揭真諦心非轉法輪義不立文字九年面壁人寂寂緣底事石中一片影叅取西來意

登封志

遊嵩山

畢懋康

振衣陟蒼莽捫蘿登嶽巖靈崖隱煙霧絕巘摩穹霄泉聲灑飛瀑冷冷墮石橋涼燠異巖壑雨暘變昏朝結根比華岱幽邃逾中條遐矚發清曠溽暑生涼飈騁此物外觀聽彼雲中謠偃佺詎云遠浮邱猶可招

同上

北邙

張美含

行行上北邙山抱盤龍勢岡坡多崎嶇荆榛渺無際古塚何

纍纍新塚無虛地洛陽千萬家喪車挽相繼紉翠轉長揚霜風雜鼓吹天暮不復晨原野愁雲蔽黃金積金谷難挽流光逝獨憐塵海客不道身如寄送葬還城郭營營起甲第達矣

雍門周一言可垂涕

續通志

少林寺

顧絳

峩峩五乳峰奕奕少林寺海內昔橫流立功自隋季宏構類宸居天衣照金織清梵切雲霄禪燈晃蒼翠頗聞經律餘多亦諳武藝疆場有艱虞遣之扞王事今者何寂寥聞矣成蕪穢壞壁出游蜂空庭雉荒雉答言新令嚴括田任污吏增科及寺莊不問前朝賜山僧闕殮粥任守無一二百物有盛衰

回旋儻天意豈無材傑人發憤起顏廢寄語惠瑒流勉待秦

王至

亭林集

嵩高

傳作舟

名嶽如文人英華不可束秀旣與天齊富仍傲地獨覽者得
其庸謬云窮奧曲亦猶儉腹子未能窺多蓄我生嵩山下煙
霞看不足巾裁御若蓮飯飽箕山粟媿遲太室緣於今始具
襍思覓修月戶難逢素女屬樵夫狎石虎牧者騎田鹿是樹
老鴻濛有石皆金玉雨過廿四峯峰峰出新沐望九節草
遍尋不怒木宛聞盧君笑爾來何不速牀銚堪避亂漿髓勝
求祿煉師藥可就謨觴書可讀青童作役使玉女亦眷疾巢

許高樓後繼者相往復勿用一錢買勝處卽清福何事塵朱
顏終年苦趨趨聞之如解醒偕上中峰宿鷄犬出雲中夢與
八仙逐曙紅俯下城點烟迷曉旭恍悟長生旨瑤闕懸心目
邱壑語壯遊識者痛其俗試問筍輿客幾層及半麓能同伯
壽踪莫羨向平欲薄言婚嫁畢萬古宅終卜

通志

國朝

遊嵩嶽

楊思聖

乾坤結奧區灝氣宅靈元羣峰皆內向屹然成一尊混混烟
嵐合終古白雲屯彷彿鬼神朝愔恍肅心魂對面少室開拱
立如弟昆一栢自何代縱橫盤地根冷冷天風吹似有聲響

吞下馬別殘碑纏藤雜苔痕干戈頽金碧琳宮無一存怪石
當路伏攫拏虎豹蹲鳴泉聒暗壁綠崖被蕙蕪的皜野花明
鳥雀滿巖喧一僧峰頂來負擔行步夤誓竚詢所歷手指翠
微焚策杖望絕巘飄渺隔天門我欲從之遊徙倚已黃昏

景亭集

遊龍潭轉赴盧巖

王紫綬

雨歇探龍潭咫尺未能卽絕磴緬岩堯仄梯倚翠崱訪勝無
戒心振步先儔匹前趾二分垂後趾嗟將失窈窕俯盤渦側
下深不測仰陟脰莫回勇者寡定色紆道詣盧巖塗塗日猶
徑徑峴屢回復川潦互奔溢朱華冒崇岡白雲被廣隰迅流
無恬鱗幽窳有靜翼禽木皆自矜聲態詎能悉坐石挹飛泉

形瘁神逾逸鮮颺激珠紛寒烟曳練直始至晴雪霏久憩雨
溜急薄石空翠流厚石濕翠集蒼崖一以眺翳翳日將入乃
悟造化工山山致非一盧巖日落明龍潭日出黑遐哉古人
情於此託家室願言謝塵囂結伴采芝朮豈必向子平而待

婚嫁畢

知咫堂集

雲溪觀

董篤行

背坐瀝水頭面對龍門口三井透天光森若羅星斗鐘磬響
錚鏗夕陽半在柳深洞鎖寂寥丹砂煉已久嶺上多聞雲時
與白鶴偶舉世重黃金難易仙人守仙人去不還洞中復何

有舊志

廬巖觀瀑布

戚藩

天池伏流下玉液憑虛瀉千縷絲懸織萬斛珠紛射縱橫水
雪澌碎雷雨咤斜飛蛟舞狂倒濺鼉噴乍伏嵐浮澗底咽
溜酸石罅泉聲過人聲霾夜同星夜高賢飽餐霞野魅驚退
舍獨有優曇華對此無冬夏通志

登太室

馮樾

杖策遵交岐駕言討寥廓屯雲按遙岑餘暉澹穹壑密樹紛
蔽虧流泉瀉叢薄遐踪愜幽蹊賞心適真漠探阻既迴緬陟
椒復巉削和禽媚春條惠風披花萼周覽倦層阿會景啟丹
閣聿想緱山人風吹雨衣落眷志情彌深撫物探今昨翰飛

理空傳藉以脫塵縛通志

望少室

施閏章

晨興出東郭秋霽開心顏高阜一回首爽翠飛巉峴三花信
有無碧樹森琅玕前峰復中斷白雲時獨還巖戶深且阻峻
坂何險艱逝將凌玉巘騁轡追翔鸞延睇如藐姑綽約青霞
端

登太室中峰

施閏章

壯士貪名山如海吞百川東遊臥日觀羲和親比肩南使經
衡嶽霧雨悵遷延近思太華頂遠夢崑崙巔高高在肩曉振
策窮攀緣詰曲蛇逕緬幽陰熊館穿冉冉極天際舉頭觸星

躔宅中環四嶽一氣何盤旋風雨鬱交會蛟龍走連蜷樹杪
 忽橫練坐見黃河懸窈窕擣衣石淩清玉池泉引領眺箕頰
 巢許方陶然辛苦茂陵客壇時飛荒烟有為終滅沒瑤玉空
 雕鐫帝休昧珍木帝休木名服之使人怒見山海經石室闕誰傳長憐肉食
 者虛無求僮佺

嵩陽漢栢

施閏章

舊三株相傳漢武封三將軍大者圍三丈五尺次者
 三丈昔人謂在漢已封當是殷周時物丁未冬火其
 一矣怪時人無敬護者剝膚穿
 腹行就摧朽故作詩傳諸父老

海風折若木陰火炎崑崙天地幾反覆礪礪君獨存嵩高護
 勁幹河洛滋靈根昂立勢犄角缺積藏踵跟彭亨腹臃腫攪

擎枝騰鸞平岡溟鵬奮白晝蒼龍蹲韶濩時鏗憂日月為吐
 吞漢武昔封禪雷殷萬乘喧維時盛宮觀金碧被邱樊上撐
 珠殿黑下蔭翠華翻天子動顏色錫封匪濫恩陵谷改朝暮
 連薨無寸垣數千年碩舊惟爾留中原前有開元碑鳳矗立
 軒軒其辭出林甫穢瑣不足論典型爾獨古正氣司乾坤岱
 松大夫輩俯視成兒孫自非闕里檜不肯讓稱尊豚酒勤父
 老叫嘯來鸞猿其神長數丈建燾擁朱旛左手佩鉞斧右手
 垂囊韃出入衛中嶽自稱臣大藩古道日墮替瓦缶看璣璠
 我來肅長揖將軍向我言余已經百戰鎧甲攢癩痕近曾決
 劉項遠則從軒轅小人不解事黜恩羣攀援剝膚肆剝劓受

海南府志 卷之九 詩文志 三
侮心煩寃帝怒命祝融收一先燒燔吾儕逝當化蜿蜒升天
閻子頗識文字爲我紀混元杜韓不再出製筆誰飛鷗再拜
陳荒辭風起黃雲昏

過箕山

施閩章

四嶽薦有鰥歷試徵厥德許由何如人揖讓乃孔亟洗洋漆
園語後世爭耳食荒墳終茫茫萬古誰能識頽水今清冷箕
山多傲色擲瓢與洗耳音徽如可卽長嘯凌崇岡清風翔入
極

石淙

施閩章

谿訝交礪底箏瑟響林表誰使尋丈間彈茲開鑿巧水石相

盤紆眺聽忘昏曉清飛玉井寒綠割湘潭小始至賦噲吟靜
對歸窈眇飲流睇猿挂劃沙見虎爪靈異漏水經境幽來跡
少庶幾箕頽徒與共觀魚鳥以上愚山集

嵩陽三栢漢封之其來莫紀

王 鑑

嵩陽有古栢歲月莫可度虬屈幾千年氣宇生寥廓傳曰漢
所封或者得其略穆和章德厚體崇結盤錯大德必昌榮神
鬼不能攫無乃自爲政廣澤乎文學嶽靈裕滋息天命爲骨
格性情處所存俯仰而自若非散木之儔幸逃於斧鑿屯潛
納風雷聲響擘幽壑陰陽庇以善盤基匪云薄上不巢暮鳩
下當有大藥頡頏若昆季序次相錯落武帝加隆禮隆之以

圭爵萬世所瞻仰時見飛神爵閱盡古今人將以為木鐸愈集

登香山九老閣

吳宗孟

崇朝麗雲物緬懷山谷幽解佩趨郊莽願言山澤遊蠟屐登
絕巘碧苔斷碣搜所進境愈寂蕭然越林邱微雨過招提烟
靄淡沉浮憑虛履高閣指顧臨滄洲二龍自今古觴咏逸興
留新篁俯澗泉古栢列蒼蚪蓮社本非遙敢附樂天儔溯此
清靜理渙焉消百憂通志

海棠峪

傅而師

陰陽自闔闢造物工顯晦此峪孕何年無人窺外內入峪被
幽光肢體生煙靄風走曲徑長石根青冥大翳明日月黑鬪

力峰巒對層雲開卦爻一龍吟澹瀨撲面樹老醜經心烏細

碎帝殿占乾方高蘿蒙戶外雷公舍屋梁電母閃旌旆能施

旱後雨不竭花前瀨是日空耳目蒼天私我輩邱壑胸已多

詭閱斯為最濕翠靜不凋飛潛理無礙欲別難為別廓然太

始會枕烟亭集

偃師縣東三里王輔嗣墓下作

陳維崧

陸機昔入洛夜行次偃師我來經此地正值寒冬時蕭蕭王

弼墓省宵晨風吹

鞏雒道中書所見

陳維崧

鞏雒饒陂阨水土互蟠結抉幽布險勢鑿孔露奇節重險積

河南府志 卷之九十八
塵屣怪竅囊帶壞居民數百家伏處類巢穴村虛羸噴旣衡
宇補凹凸批亢架桷杗搗虛置樞椽玲瓏勝鬼工妥貼儼地
設乃知般僮外別自有巧拙東南一土巘壁若昆刃切居者
累彈丸縹緲詫竒絕重樓俯鳥道甕牖瞰蟻蛭盤旋萬螺紋
雕鏤百蟲齧盡室頗淳熙聚廬復精潔噉咷雜童穉僂僕半
耆耄嬌女曉塗抹瘦妻解補綴春秋放雞豚早晚閉門闌我
顧居者言此境堪咋舌一朝秋雨塌陵谷遭崩缺將毋愚公
移或者龍火掣居者啼向我長跪對余說前朝昔喪亂蛾賊
起作孽秦隴跳銅脛楚豫潛草竊我岷洛陽道千里大流血
白晝舞獠獠黃天恣饕餮妻孥飽刀鋸骸骨供蠹蝨詎料寰

宇清及見欃槍滅興亡祇轉瞬世事纔一瞥苟活幸至今枯
苑何區別我聞吳越間甲第金張列文椒塗不足更取都梁
蕪此疑太暴殄翻恐致蹉跌何如此間人任運無曲折飽飯
過殘年踏盡邗山雪

曉發洛陽

陳維崧

東風入潼關積雪映鞞維垂鞭陟修坂浩歌進叢薄回望北
邗山昔賢不可作

以上湖海樓集

中嶽廟

潘耒

嵩山無旁支傑立勢雄特一舍遠見之蒼然太古色漸近出
衆峰嵯峨不欻側峰前碧琉璃嶽神廟翼翼唐封制猶新漢

表闕未泐入門趨廣庭穹碑森則劣交陰古栢青對立金人
 黑殿敞如王居神尊分帝職嶽於天地間萬古有恒德端拱
 朝百靈屬民惟正直肯以萬歲呼滋彼驕主惑從官諂可嗤
 奉邑神豈食歷代侈褻封人爵非天則偉哉明高皇羣神號
 竝草嶽瀆用本名推崇此為極興朝肅明禋春秋祀不忒大
 事必告虔丹青炳嚴飾方今苦旱暘焦原神所惻急為鞭蛟
 龍甘霖救嘉稷更願滋黃中淑靈厚培植篤生甫與申直道
 屏王國

嵩陽書院

潘耒

嵩山高巖谷域中稱奧區舊為釋老擅棊布開精廬太室一

書院孤懸久為墟嵩陽今改築林泉占清疎地卽廢觀址人
 有先賢模當今耿先生洛下之醇儒強健謝簪紱躬修淑其
 徒買田構學舍勸士使羣居說說講禮讓濟濟談唐虞境方
 嶽麓勝規與鹿洞俱哲人既已沒斯路漸榛蕪堂館仍潔清
 寂寥絃誦虛珠官及梵宇久者千年餘人亡業不墜師弟如
 聯珠儒門何淡薄盛衰在須臾豈無敦龐士沿伊而溯洙庶
 其繼斯緒母令獨流淤

盧巖 是唐盧鴻隱處

潘耒

唐有東漢風寵禮巖谷士盧君隱嵩山三詔強之起荷衣至
 金門長揖見天子豈真昧時宜欲以迂放耳諫議官不卑辭

之如脫屣優禮送還山進退有終始遠勝樊英流虛聲爲世
恥竭來訪故居巖深路宛委空谷四無鄰山花爛紅紫峭壁
如崩雲空懸瀑布水溪清鳴珮環石淨疊錦綺草堂依巖開
占盡林壑美圖亡誌記存十勝可意擬俗流諒難居捨宅良
有以如何田衣人苦饑復捨此寺荒無殿堂佛坐荆榛裏安
得支遁流精廬重整榻我長松根鬪蒼烹石髓

測景臺

潘耒

唐虞命羲和測候窮四表中邦獨闕如古制今莫曉周公營
洛都土中乃推考陽城實地心天樞對臨照築臺奠坤維測
日析分秒世遠制不湮崇墉可登眺土圭仍端完石尺更精

巧恐此本古規元公非意造周官與考工義疏需細討九閏
旣淪亡東周跡如掃獨此彝器存天球可同寶安得明歷人
同遊洛南道洞窺古聖心豁眼對穹昊

箕山

潘耒

孔孟經世人汲汲稱舜禹莊列遺世人嚶嚶說巢許風尚雖
不同意義各有取世風日澆漓名利相煎煮細或競錐刀大
乃爭疆土達人教以讓榮貴等腐鼠巍巍黃屋尊辭之輕一
羽息爭而養恬風世非小補夷齊與臧札傳記載楚楚何獨
疑由光無人但空語遺塚徵馬遷流傳自上古至德豈無鄰
巢樊真逸侶洗耳及牽牛倡予聊和汝我來訪幽踪荒祠久

延佇巖高水清寒彷彿見眉宇世豈無逸民混迹漁樵伍龍
潛戢其鱗俗客焉得覩以上遂初堂集

嵩陽觀漢栢二株六首

田雯

一栢在觀前一栢在觀後我來坐披襟自朝輒至酉老人上
古槎又遇龐眉叟

其上有艾衲其下有茯苓知幾千百年未了嵩峯青吹笙上
栢巔天風何泠泠

只似雛松肥耻同老檜癯綠淨不可唾日與風雨俱上有餐
木人結巢道顛腴

嗚呼怡我情塊然如帝江烟霞成痼疾峯巒復春撞尤崒皆

凡株無此龍鱗雙

崑高來靈祇見之應相揖栢顧不重耶將軍有揖客可笑列

頭銜吾為老栢惜

諺云漢封將軍栢猶之東岱大夫松也其事不經

何年有此栢映帶於此山雄辭山水經雕搜奚以刪安得彫

與郭補註於其間

古歡堂集

少室

葉封

少室如蓮花舒萼容四望周遭恭回互奇秀難比狀十步一
易形懍怳眩方向杖策凌荒榛衝煙躋最上聳身浮雲表形
超覺神王太室誠峩峩雁行詎多讓黃河繞衣帶明滅睇混
漾東南紛異態鬱蒼靛羣嶂哀壑悄以深幽崖下嘗仰勝槩

具此間天險觀殊壯歎息懷古蹤臨風浩歌放東巖雖已迷
陳迹良可抗冷然披遐襟吾意亦寥曠

望嶽

景日珍

移榻得面山煙霞共昏旦縹緲飛白雲遙青望不斷似見謫
仙人騎雲度石岸我欲往從之惜無凌風翰吟成梁父詞雲
影忽飛散以上說嵩

香山泉上懷韋蘇州

湯右曾

韋郎昔著書暇從山水遊永日未能去愛茲泉上幽泉水至
今碧漾漾寒藻浮靈液冬不枯煦若春和柔夕潭激彩翠散
綴明珠稠涵虛本同源潤物或殊流感此悟物理喟焉思前

脩臨池兩嘉樹樹老枝相樛攀修為泣然斯人邈難求大海
粟一穎終古貉一邱不知後視今感歎有此不懷清堂集

遊陽巖

呂履恒

新安有陽巖者青要之一壑去邑五十里許人踪罕到石門東向朝暉揚彩其中因以得名詳山經所紀

茲山何所極來自青要巖巘岫鬱鬼竈徑蹊相糾纏石色寒
貝宇清氣游其間想見鴻濛初高深理已然朝曦自東隅萬
象生新鮮冥心獲所悅日夕不知還

過先文穆陶室

呂履恒

聖功世祿家一寒何至此乃公屏其兒深愛成終始宛轉陶
穴中大冶陰陽理文史三冬足聲名一朝起歷階極人臣烈

與周召比貧亦何負人天將試君子以上夢月巖集

輾轅踏雪

焦欽寵

射策京洛還恰逢上元節燈月黯無光但見少室雪侵晨上
粵嶺粵嶺白玉結冰花壑長林山高北風冽寒鴉凍不飛極
目人蹤滅攀躋仗短筇俯視空一切萬籟寂無聲頓覺天地
別翻身入畫圖心神兩澄澈樗林詩存

黑石渡

劉青藜

朝發上東門夕抵黑石渡川原何逶迤崗嶺莽回互伊洛與
瀍澗派別齊東赴滙流朝大河羣山夾北注側聞李郭儔當
年會此聚門龍舟亦仙御榮渡還暴名流矜氣節華士爭馳

驚惜哉標榜盛奇禍中黨錮羣小焉足尤諸公無乃固遂俾
國一空炎運以不祚我來千載下俯仰空自顧扣舷獨放歌
伊人不可晤

嵩岳

劉青藜

五岳環坤軸維嵩踞天中巋然俯萬象元氣鬱鴻蒙嘗疑高
匪天何物撐層空眺首一百盤呼吸信可通少室老突兀旁
睨敢爭雄何況崑嶠輩羅列如兒童羣峯二十四皦皦攢西
東天池玉女牕夙聞萃中峯黃蓋張雲際下覆萬歲宮迤邐
却北望峭壁削芙蓉忽驚銀河落千丈飛白虹盧鴻渺何許
岩壑尙留蹤悄然征塗裏雲卧愧無從夢想九節蒲眼穿五

粒松何年婚嫁畢翩然駕茅龍

箕山 劉青藜

我行陽城道南望箕山聳古廟時層巒亂石環孤塚夜來微
雨過蒼翠挹崿嶮潁水鴨頭綠東流日溶溶俯仰有餘適行
役迫塵冗緬懷岩中人魂動汗彌涌甘瓜與高林自足忘辱
寵嗟被終南山捷徑日相踵

以上高陽山人集

龍潭寺

顧嗣立

野雲蕩秋旻寒山入幽邃巖扉苔蘚滋中藏太古寺老栢纏
凌霄花露泣新淚小軒留清陰日華不到地九潭根虛無照
見羣龍睡殷殷聞輕雷孤雲向空墜碧峯顚氣凝路緬起遐

思還當候明月攀芳與躡翠何須杯酒將灑灑心已醉

嵩陽書院

顧嗣立

緬維書院始本在崇福宮其名曰太室草創周世宗景祐改
嵩陽經史細帙充元明歷兵燹棟宇委棘叢嘉靖乃移建故
趾仍天封俎豆祀二程學者曰漸隆逸菴耿宮詹吾道干城
功買田費家貨學舍開蒙茸厥裁雖不廣教育今無窮天下
書院四多與名山逢獨此秉清淑正位居天中潁水繞其南
講堂北背崧左箕右少室遠近青濛濛栢鬼神護石柱題
韓公穹碑壯巖巖林甫名磨礪古蹟觀不足摩挲日下春清
時盛文連萬國車書同中原首風氣華實須兼通研窮義理

細鍛鍊詞章工廊廟固淑世鄉黨亦潔躬山川產靈異人物多雍容長明孔孟學啟誓還披聾

崇福宮

顧嗣立

漢武老學仙方士請封禪空中萬歲聲峯下起臺殿真宗信天書製文親洗硯名賢司提舉御容五彩見中有太乙泉嵌竇流一線宛轉引流觴時仿蘭亭宴山風飄急雨野花落如霰道流多菜色仙壇草生遍人無金石固勝地易遷變安得從浮邱鶴背俯芳甸

大法王寺

顧嗣立

日雲層巒亂澗滴疎響中藏避暑宮清景發遐想石砌荒

金蓮織草萋以長山僧自鼓鐘絕境無人賞孤峽撐青天幽鳥日來往小雨滌煩蹕不知秋氣爽何當候明月香臺一偃仰

嵩岳寺

顧嗣立

孤塔立空濛蔥龍影交積鳴玉流涓涓摳衣踏澗石初入神覺疲稍深意始釋初祖從西歸禪扉少行迹山花自開落不問紅與白玉座歇金聲靈籟涼城城閉日苦無多何用感今昔

會善寺

顧嗣立

箕山臨其前潁水流其下佛寺鑿翠開軒窗獨瀟灑龍泉迸

石出滴瀝清池瀉風動白蓮花澹香消永夏老僧狀貌古愛
靜言詞寡太室塵招提此地頗精雅森森門前松古色照四
野歲寒老空山誰是賞心者

永泰寺

顧嗣立

公主乘雲去白雲滿空山松風吹秋月夜夜鳴珮環縹緲皇
姑塔隱見非人間御砦滴嵐翠池荒草徑閑宵來小雨過飛
鳥鳴關關

宿少林寺二首

顧嗣立

山游訪古剎荆棘苦蒙密入寺眼忽明當門拱少室老栢翠
參天疎影漏斜日碑版多唐宋斑駁映玉質廣庭嵐氣襲單

衣驟凜慄何處發鐘聲涼飈助蕭瑟

初祖從西來選勝乃得此九季不回頭神在石壁裏岩岩五
乳峰青蓮吐花蕊禪門承七祖宗支自茲始更有緊那羅金
身狀奇詭卓立張空拳見客色有喜

龍門四首

顧嗣立

龍門壅地脈伊流激飛瀑巨刃忽雷硯鑿開混沌竅東西分
兩巖古洞光窳窳佛髻擁千龕雕鏤必神肖中通水涓涓沙
礫金碧耀憑闌玩回轉澆濁卷行潦回望洛陽陌嵩邛遠繚
繞隔寺指荒原風來樵牧笑
日高流禽下山光遠迎客舟橫四無人灑灑一水碧緬懷葦

左司賞愛坐絕壁永日羽觴飛形神兩俱釋清吟見天真長
嘯適其適依稀涉澗路無復往來迹言尋香山泉杖策埽苔
石僂源不可窮佳游悵非昔

白傅愛香山老作香山主詩留香山藏骨壟香山土潤筆七
十萬勝緣自修舉元相有夙因功德施佛祖雲泉結社會白
髮聚儔侶一朝兜率歸風流散如雨茫茫菟裘地突兀寄宿
莽俯瞰清伊水八灘橫別浦石樓舊風月瀟灑自千古

山僧歸古渡波面清陰多坐久不能去奈此秋光何空祠八
九椽依傍青山阿野寺荒舊迹結構良非他詩人英靈聚千
秋名不磨踵事須增華作者迴顏波俾與闕塞山禹功共差

峨瓣香在長慶敢憚重來過

以上秀野草堂集

陽巖

呂謙恒

草木初節解巒岫亦岸嶺薄言遵幽塗相攜入寥廓崩石欹
遠天飛流奔巨壑臨崖藉風力俯眺飛鴻落嶮嶽自迴互石
室時隱約松巖吐日月山麓被杜若遲回未終已歸路但冥

漠集

杜工部故里

桑調元

青山入鞏洛秀色超塵寰鍾英產詩老悲歌成史編契稷輒
自許高李空隨肩東郊傷瘦馬西川拜杜鵑我行敬草樹式
此南瑤灣嗚呼斯人逝吟者無其賢

三田故里

桑調元

三田如荆樹本自權同株如何中離異頓使連枝枯離者歎
復合枯者仍榮敷遺風成雍睦足為鄉里模曠林不相能帝
遣各一區歷山憂未解于田泣嗚嗚周公與管蔡零雨涕淚
俱可堪粟布誥漢文心煩紆有生遇乖違飲痛無賢愚李樹
代桃僵交讓同悲歎相輝良不易華萼愁蕭疎精誠感草木
涕下沾衣襦

望宋陵作

桑調元

洛水春蕩潏卽山高崔嵬山水映終古人事多興衰陳橋黃
袍擁鼎業東京開羣軍不破碎靖康時災宋社旣南遷良

嶽生蒿萊盤回七陵氣蕭瑟蒼山隈皇亭飛白燕舟覆無遺
骸江東燐火冷鬼哭冬青哀升高睇珠邱潏泆隔風埃其誰
腸木石不識昆明灰

轅轅

桑調元

飛雲過轅轅山蹊翠曲折溪澗滙湍淙春流鳴泱泱迤度縮
嵩橋橫波卧雌蜺麥疇綠如染葱蒨藹可悅坦脩馳道通甫
隘錐嶸嶮沙平嶺嶺口石滅古車轍來往遵夷庚無復嚴關
設惟瞻少室峯青山粲行列

少室峯

桑調元

崢嶸少室峯支分三十六晴暉遠聯綿層嵐青簇簇近愛王

平峰瑤艸藹豐縟石泉泄陰竇涓涓清可掬透迤少陽源芝
田遍滲漉氤氳嶽有神晻曖雲成族冷翠少林飛穹圓鉢盂
覆深院午鐘清春山萬重綠

會善寺

桑調元

紆經翠柏原幽詰青蓮宇清暉恰可中煖景不常午石竇噴
龍泉香臺下鶴羽塔影照筠房雲氣生洞戶陰巖樹色寒廢
竈烟痕古欲坐戒壇西長廊聽春雨

啟母石和韻

桑調元

吁嗟啟母石嵬峩殆亦偶是物應星精寒光射珠斗氤氳連
雲根淋漓襲氣母驚砮秋雨滴銳挾雷霆走狀類劈斧斲元

工無好醜緬惟開闢初儀象元黃剖大擘巨靈掌細啣精衛
口海枯爛不免金流燂亦朽此屹黃室間跡著延光後鴻烈
比齊諧志怪標談藪碑銘紛傳疑宇宙無不有

黃蓋峯

桑調元

東岱比中嵩黃蓋爲梁父凌霄峰勢獨峩青照神宇靈通山
澤氣崇闢天地戶籠山霧作巾醺空雨如弩雲破青冥開風
回翠栢舞澹澹掃修嵐聯娟秀眉嫵

測景臺

桑調元

古臺聳崑崙土圭正日景入貢均六服中又遷九鼎苦荒石
表欹雨霽天星冷深春芳氣濃娟月寒輝靚垣竹長清聲階

桐散踈影升高睇烟嵐隱隱環嵩嶺

箕山

桑調元

箕山峻何極碧嵩讓岩堯許由聖之隱巢樊共超遙漠然視
萬乘棄之如一瓢默存性貞固早激風顏澆禪元非所安古
塚留嚴椒空山明月靜微風息煩囂

潁水

桑調元

一泓清可憐春繞箕山足鱗鱗映白雲瀟瀟滋翠竹煖戲泳
嘗沙輕浮追屬玉如聞洗耳人沂流牽我犢龍卧有青山蟬
蛻無更屋澄波流至今高士見不數

遊中岳六首

胡浚

應龍畫九有五岳蟠其根峻層太室聳獨冠天中尊肩輿藉
仙館歷險經輾轉嵐彩互閃爍巖谷交衍吞豁登神宮上俯
見扶桑暎城野杳莫辨一氣春烟昏惟有濁河影綫曲承崑
崙曠然渺六合直欲掀籠樊記得穴底虛予圃開雙門俯盼
極昏黑洞若壺蜂屯神書在何所渺茫難具論高卑顯異象
妙道已默存

峩峩天封宮瓊宇輝峻極穿樹披鴻濛已跨玉女眷渺然百
頃池蒼茫擎孤壁嵐髓或下融石腹時旁吸源分天漢流不
受衆溜滴僧言睡龍靈下枕明珠宅風雷晴薄人游窺戒喧
咳舊刻徵神奇請視廟柱石照影作大笑吾性真湛寂觀水

與空等焉受龔盡迥不如汲素縵淪此一泓碧日暮烟氣深

坐看空山色中天池

凌晨屏僕習捫蘿結帶屢言尋緱氏山遂得清吹處少室當

我心靈髻餘雙廡畫壁啼幽禽樵蹊露深樹山磬落萬壑

鬚鶴墜羽浮邱伊何人能令枯骨舉所吹本非

釜簧管具抽添活丹妙子午下土目如豆具篇高卑賜異

學仙晚腦後漏未補俯眺廬陵墳祖忍盡辛園開雙門仙

芭勝斲瑤斧嶺看歐香卦法或濕絲曲承真

少室多精廬少林尤絕出閃欒嶽谷交裕吞噤登輒宮上仙

靈柏龍蛇蛻遺挺聖其跡刻曾大室登躋天中尊真與龍

坐目正瞑客至從定起徧引導諸境壁觀古洞黑皺波捲重

溟葺禮貝多香臺攀卓雪冷旁看儀鳳碑誇予隨擿脛伊子

夙觀心有無既平等形忘詎見腰石破曷在影衝瀑斷溪深

孤月在東嶺少林寺

仙宮誇玉漿梵林輝寶燭不如草堂幽天然妙溪谷倒景凌

天門雲淙暢遊目巖瀑逞鬼工散珠鬪奇玉白訝飛蠓昏青

疑飲猿伏遙想授徒人金書此臥讀到處恒移時未忍遽前

躅盤迴撫曲欄遺像儼脩竹堂館非故基銘剝亦難續惟餘

金碧潭魚游仍淨綠石影誰狡獪雪濤皴細墨題詩和滌煩

翩然下鸞鶴廬巖

雨歇伊水寒春梁負輕裏亂流望龍門白雪尚婀娜夾岍崖
洞深竹栢交翠鎖誰悟化天身寶髻鏤粟顛山色妙清淨千
相本一觀堪笑題名人妄見分彼我前峰忽陡傑梵閣竦磊
柯一覽小中州千里收孤坐蕭森許由廬咫尺落襟左惜哉
潁口深欲往時未可名山信有緣終期結勝果稍待秋林霜
更泛潛溪舸千佛巖
蘿山莊集綠

逍遙谷

朱楓

霜葉忽飛紅西風撼疎木蕭然澹客心
盤迴流泉聲斷續屋留雲半間嶺連天一握
退思焦鍊師潛
光學辟穀

石淙三首

朱楓

清音響淙淙意想澗欲到疾趨轉絕岸方驚聞見好騰空石
森森爭峽水浩浩石激水潺湲水奔石排冑徘徊水石間宛
疑入蓬島留連斯游最津逮悔不早
石勢何龍從杖屨各雄長峰峰絕攀躋屹立不相讓突起立
波中扼此泉之吭巔有如砥平呼朋挈榼上雙崖鬪崢嶸石
氣青盎盎幽賞發長謠情志故滌蕩

關如崑高水暢茲平洛流振竒一林石水勢寒悠悠瀨淺若
相媚峽束奔趨稠三峰屹砥立激浪何其邁車轟雷震中巖
態紛相投晨夕水中央羨此灘前鷗以上排
山集

河南府志卷之九十九
藝文志二十三
詩四
七言古
龍門應制
宿雨霽氛埃流雲度城闕河堤柳新翠苑樹花先發洛陽花
柳此時濃山水樓臺映幾重羣公拂霧朝翔鳳天子乘春幸
鑿龍鑿龍近出王城外羽從琳琅擁軒蓋雲罕纔臨御水橋
天衣已入香山會山壁嶄巖斷復連清流澄澈俯伊川雁塔
遙遙綠波上星龕奕奕翠微邊層巒舊長干尋木遠壑初飛

河南府志卷之九十九
藝文志二十三

詩四 七言古

唐

龍門應制

宿雨霽氛埃流雲度城闕河堤柳新翠苑樹花先發洛陽花
柳此時濃山水樓臺映幾重羣公拂霧朝翔鳳天子乘春幸
鑿龍鑿龍近出王城外羽從琳琅擁軒蓋雲罕纔臨御水橋
天衣已入香山會山壁嶄巖斷復連清流澄澈俯伊川雁塔
遙遙綠波上星龕奕奕翠微邊層巒舊長干尋木遠壑初飛

百丈泉綵仗蜺旌遶香閣下輦登高望河洛東城宮闕擬昭
回南陌溝塍殊綺錯林下天香七寶臺山中春酒萬年杯微
風一起祥花落仙樂初鳴瑞鳥來鳥來花落紛無已稱觴獻
壽煙霞裏歌舞淹留景欲斜石關猶駐五雲車鳥旗翼翼留
芳草龍騎駸駸映晚花千乘萬騎鑾輿出水靜山空巖警蹕
郊外喧喧引看人傾都南望屬車塵囂聲引颺聞黃道佳氣
周迴入紫宸先王定鼎山河固寶命乘周萬物新吾皇不事
瑤池樂時雨來觀農扈春文苑英華

嵩山天門歌

宋之問

登天門兮坐盤石之磷磷前澁澁兮未半下漠漠兮無垠紛

窈窕兮巖倚披以鵬翅洞膠葛兮峰稜層以龍鱗松移岫轉
左變而右易風生雲起出鬼而入神吾亦不知其靈怪如此
願遊杳冥兮見羽人重曰天門兮穹崇回合兮攢藂松萬接
兮柱日石千尋兮倚空晚陰兮足風夕陽兮施紅試一望兮
奪魄况衆妙之無窮本集

寒食還陸渾別業

宋之問

洛陽城裏花如雪陸渾山中今始發旦別河橋楊柳風夕卧
伊川桃李月伊川桃李正芳新寒食山中酒復春野老不知
堯舜力酣歌一曲太平人文粹

綠珠篇

喬知之

可南詩志 藝文志 詩四

石家金谷重新聲明珠十斛買娉婷此日可憐君自許此時
可喜得人情君家閨閣不曾難常將歌舞借人看意氣雄豪
非分理驕矜勢力橫相干辭君去君終不忍徒勞掩袂傷鉛
粉百年離別在高樓一旦紅顏為君盡

文苑英華

公子行

劉希夷

天津橋下陽春水天津橋上繁華子馬聲迴合青雲外人影
動搖綠波裏綠波蕩漾玉為砂青雲離披錦作霞可憐楊柳
傷心樹可憐桃李斷腸花比日遨遊邀美女此時歌舞入娉
家美女鬱金香飛來飛去公子傍的的珠簾白日映娥娥玉
顏紅粉妝花際裴回雙蛺蝶池邊顧步兩鴛鴦傾國傾城漢

武帝為雲為雨楚襄王古來容光人所羨况復今日遥相見
願作輕羅著細腰願為明鏡分嬌面與君相向轉相親與君
雙棲共一身願作貞松千歲古誰論芳槿一朝新百年同謝

西山日千秋萬古北邙塵

文苑英華

代悲白頭翁

一作白頭吟

劉希夷

洛陽城東桃李花飛來飛去落誰家洛陽女兒好顏色坐見
落花長歎息今年花落顏色改明年花開復誰在已見松栢
摧為薪更聞桑田變成海古人無復洛城東今人還對落花
風年年歲歲花相似歲歲年年人不同寄言全盛紅顏子應
憐半死白頭翁此翁白頭真可憐伊昔紅顏美少年公子王

孫芳樹下清歌妙舞落花前光祿池臺開錦繡將軍樓閣畫
神仙一朝卧病無相識三春行樂在誰邊宛轉蛾眉能幾時
須臾鶴髮亂如絲但看古來歌舞地惟有黃昏鳥雀悲同上

同張員外譚訓荅之作

李頎

洛中高士日沈冥手自灌園方帶經王湛牀頭見周易長
傳裏好丹青鷓冠葛屨無名位博奕賦詩聊遣意清言只到
衛家兒用筆能誇鍾太尉東籬二月種蘭蓀窮巷人稀鳥雀
喧聞道郎官問生事肯令鬢髮老柴門文粹

洛陽女兒行

王維

洛陽女兒對門居纔可容顏十五餘良人玉勒乘驄馬侍女金

盤脰鯉魚畫閣朱樓盡相望紅桃綠柳垂簷向羅幃送上七香
車寶扇迎歸九華帳狂夫富貴在青春意氣驕奢劇季倫白
憐碧玉親教舞不惜珊瑚持與人春窗曙滅九微火九微片
片飛花璵戲罷曾無理曲時妝成祇是薰香坐城中相識盡
絲華日夜經過趙李家誰憐越女顏如玉貧賤江頭自浣紗

憶舊遊寄譙郡元參軍

李白

憶昔洛陽董糟邱爲余天津橋南造酒樓黃金白璧買歌笑
一醉累月輕王侯海內賢豪青雲客就中與君心莫逆迴山
轉海不作難傾情倒意無所惜我向淮南攀桂枝君留洛北
愁夢思不忍別還相隨相隨迢迢訪仙城三十六曲水迴縈

一溪初八千花明萬壑度盡松風聲銀鞍金絡倒平地漢東
太守來相迎紫陽之真以邀我吹玉笙餐霞樓上動仙樂嘈
然宛似鸞鳳鳴袖長管催欲輕舉漢中太守醉起舞手持錦
袍覆我身我醉橫眠枕其股當筵意氣凌九霄星離雨散不
終朝分飛楚關山水遙余既還山尋故巢君亦歸家渡渭橋
君家嚴君勇貔虎作尹并州遏戎虜五月相呼度太行摧輪
不道羊腸苦行來北涼歲月深感君貴義輕黃金瓊杯綺食
青玉案使我醉飽無歸心時時入喬城西曲晉祠流水如碧
玉浮舟弄水簫鼓鳴微波龍鱗莎草綠興來携妓恣經過其
若楊花似雪何紅粧欲醉宜斜日百尺清潭寫翠娥翠娥嬋

姬初日輝美人更唱舞羅衣清風吹歌入空去歌曲自繞行
雲飛此時行樂難再遇西遊因獻長楊賦北闕青雲不可期
東山白首還歸去渭橋南頭一遇君鄮臺之北又離羣問余
別恨知多少落花春暮爭紛紛言亦不可盡情亦不可極呼
兒長跪緘此辭寄君千里遙相憶

鳴臯歌送岑徵君

自註時梁園三尺
雪在清冷池作

李白

若有人兮思鳴臯阻積雪兮心煩勞洪河凌競不可以徑度
冰龍鱗兮難容舳邈仙山之峻極兮聞天籟之嘈嘈霜崖縞
皓以合沓兮若長風扇海湧滄溟之波濤元援綠罷舔舔崆
峩危柯振石駭膽慄魄羣呼而相號峯崢嶸以路絕挂星辰

於巖敷送君之歸兮動鳴臯之新作交鼓吹兮彈絲觴清冷
之池閣君不行兮何待若反顧之黃鶴掃梁園之羣英振大
雅於東洛巾征軒兮歷阻折尋幽居兮越嶽嶽盤白石兮坐
素月琴松風兮寂萬壑望不見兮心氛氲冥冥兮靈紛紛
水橫洞以下淥波小聲而上聞虎嘯谷而生風龍藏溪而吐
雲寡鶴清唳飢鸞嘯呻鳧獨處此幽默兮愀空山而愁人雞
聚族以爭食鳳孤飛而無隣蠃螟嘲龍魚目混珍嫫母衣錦
西施負薪若使巢由桎梏於軒冕兮亦奚異乎夔龍躡躡於
風塵哭何若而救楚笑何誇而却秦吾誠不能學二子沽名
矯飾以耀世兮固將棄天地而遺身白鷗兮飛來長與君兮

相親

同

鳴臯歌奉餞從翁清歸五厓山居

李白

憶昨鳴臯夢裏還手弄素月清潭間覺時枕席非碧山側身
西望阻秦關麒麟閣上春還早著書却憶伊陽好青松來風
吹古道綠蘿飛花覆烟草我家仙翁愛清真才雄草聖凌古
人欲卧鳴臯絕世塵鳴臯微茫在何處五厓峽水橫樵路身
披翠雲裘袖拂紫烟去去時應過嵩少間相思爲折三花樹

扶風豪士歌

李白

洛陽三月飛塵沙洛陽城中人怨嗟天津流水波赤血白骨
相撐如亂麻我亦東奔向吳國浮雲四塞道路賒東方日出

啼早鴉城門人開掃落花梧桐楊柳拂金井來醉扶風豪士
 家扶風豪士天下奇意氣相傾山可移作人不倚將軍勢飲
 酒豈顧尚書期雕盤綺食會眾客吳歌趙舞香風吹原嘗春
 陵六國時開心寫意君所知堂中各有三千士明日報恩知
 是誰撫長劍一揚眉清水白石何離離脫吾帽向君笑飲君
 酒為君吟張良未逐赤松去橋邊黃石知我心

同上

鳳吹笙曲

李白

仙人十五愛吹笙學得崑丘彩鳳鳴始聞鍊氣餐金液復道
 朝天赴玉京玉京迢迢幾千里鳳笙去去無邊已欲歎離聲
 發絳唇更嗟別調流纖指此時惜別詎堪聞此地相看未忍

分重吟真曲和清吹却奏仙歌響綠雲綠雲紫氣向函關訪
 道應尋緱氏山莫學吹笙王子晉一遇浮邱斷不還

同上

嵩山十志十首

盧鴻一

草堂

草堂者蓋因自然之谿阜前當墉洫資人力之締構
 後加茅茨將以避燥濕成棟宇之用昭簡易叶乾坤
 之德道可容膝休閑谷神同道此其所貴也
 及靡者居之則妄為剪飾失天理矣詞曰

山為宅兮草為堂芝蘭兮葑房羅薜蘿兮拍薜荔荃壁兮蘭
 砌薜蘿薜荔兮成草堂陰陰邃兮醲醲香中有人兮信宜常
 讀金書兮飲玉漿童顏幽操兮不易長

倒景臺

倒景臺者蓋太室南麓天門右崖傑峯如臺氣凌倒景登路有三處可憩或曰三休臺可以邀馭風之客會絕塵之子超逸真盪遐襟此其所絕也及世人登焉則魂散神越目極心傷矣詞曰

天門豁兮仙臺聳傑屹崒兮零瀕湧窮三休兮曠一觀忽若登崑崙兮中期汗漫仙僊天關兮倒景臺凌顯氣兮軼崑埃皎皎之子兮自獨立雲可朋兮霞可吸曾何榮辱之可及

樾館

樾館者蓋卽林取材基顛柘架茅茨居不期逸爲不至勞清談娛賓斯爲尚矣及盪者鄙其隘閭苟事宏洎乖其實矣詞曰

紫巖隈兮青磔側雲松煙蕙兮千古色芳蘿薜兮蔭蒙龍幽人構館兮在其中羅薜蒙龍兮開樾館卧風霄兮坐赧旦粵

有賓兮時戾止樵蘇不爨兮清談已永歲終朝兮常若此

枕煙庭

枕煙庭者蓋特峯秀起意若枕煙祕庭凝虛宵若仙會卽楊雄所謂爰靜神游之庭是也可以超絕紛世永潔精神矣及機士登焉則寥闐懔懔愁懷情累矣詞曰

臨泱泱兮背青熒吐雲煙兮合窅冥悅歛翁兮沓幽靄意縹緲兮羣仙會窅冥仙會兮枕煙庭竦魂形兮凝視聽聞夫至誠必感兮祈此巔契顯氣養丹田終彷彿兮觀靈仙

雲錦淙

雲錦淙者蓋激溜衝攢傾石叢倚鳴湍壘濯噴若雷風詭輝分麗煥若雲錦可以瑩發靈矚幽玩忘歸及匪士觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苔駮犖兮草萐綠芳囂
囂兮瀨濺濺石攢叢兮雲錦淙波連珠兮文沓絳有潔冥者
媚此幽漱靈液兮樂天休實獲我心兮夫何求

期仙磴

斯仙磴者蓋危磴穹窿迴接雲路靈仙髣髴若可期
及儒者毀所不見則黜之蓋疑水之談信矣詞曰

霏微陰壑兮氣騰虹迤邐危磴兮上凌空青霞杪兮紫雲垂
鸞歌鳳舞兮吹參差鸞歌鳳舞兮期仙磴鴻駕迎兮瑤華贈
出中人兮好神仙想像聞此兮欲升煙鑄月煉液兮詩還年

滌煩磯

滌煩磯者蓋窮谷峻崖發地盤石飛流攢激積漱成
渠燥性滌煩迥有幽致可為智者說難為俗人言詞曰

靈磯盤礴兮溜奔錯漱冷風兮鎮真壑研苔滋兮泉珠潔一
飲一憩兮氣想滅磷漣清滓兮滌煩磯靈仙境兮仁智歸中
有琴兮徽以玉峨峨湯湯兮彈此曲寄聲知音兮同所欲

羃翠庭

羃翠庭者蓋崖巘積陰林蘿沓翠其上絲羃其下深
湛可以王神可以真道矣及喧者遊之則酣謔永日
汨清薄厚詞曰

青崖陰兮月礪曲重幽疊邃兮隱淪躡草樹懸羃兮翠蒙籠
當其無兮庭在中當有用兮羃翠庭神可谷兮道可冥有幽
人兮張素琴皇徽兮綠水陰德之愔兮澹多心

洞元室

洞元室

洞元室者蓋因巖作室即理談元室返自然元斯洞
 矣及邪者居之則假容竊次妄作虛誕竟以盜言謂曰
 嵐氣肅兮巖翠冥空陰虛兮戶芳迎披蕙帳兮促蘿筵談空
 空兮覈元元蕙帳蘿筵兮洞元室祕而幽兮真可古返自然
 兮道可冥澤妙思兮草元經結幽門兮在黃庭

金碧潭

金碧潭者蓋水潔石鮮光涵金碧巖葩林蔦有助芳
 陰鑒空洞虛道斯勝矣而世生纏乎利害則未暇遊
 之詞

水碧色兮石金光灩熠熠兮澗湟湟泉葩映兮煙蕙臨紅灼
 灼翠陰陰翠相鮮兮金碧潭霜天洞兮煙景涵有幽人兮好
 冥絕炳其煥兮凝其潔悠悠千古兮長不滅

文苑英華

送楊山人歸嵩陽

高適

不到嵩陽動十年舊時心事已徒然
 一二人不復見三十六峰猶眼前
 夷門三月柳條色流鶯數聲淚沾臆
 鑿井耕田不我招知君以此忘帝力
 山人好去嵩陽路惟余眷眷長相

憶本集

同河南李少尹畢員外宅夜飲時洛陽告捷遂作春酒

歌

高適

故人美酒勝濁醪故人清詞合風騷
 長歌滿酌惟吾曹高談正可揮塵毛
 半醉忽然持蟹螯洛陽告捷傾前後
 武侯腰間印如斗郎官無事時飲酒
 栝中綠蟻吹轉來甕上飛花拂還

有前年持節將楚兵去年留司在東京今年復拜二千石盛
夏五月西南行彭門劍門蜀山裏昨逢軍人劫奪我到家
見妻與子賴得飲君春酒數十杯不然令我愁欲死

偃師東與韓尊詰景雲暉上人即事 岑 參

山陰老僧解楞伽頰陽歸客遠相過烟深草濕昨夜雨雨後
秋風渡漕河空山終日塵事少平郊遠見行人小尚書磧上

黃昏鐘別駕渡頭一歸鳥

三鄉驛樓伏觀元宗望女几山詩小臣斐然有感

開元天子萬事足唯惜當時光景促三鄉陌上望仙山歸作

霓裳羽衣曲仙心從此在瑤池三清八景相追隨天上忽乘

白雲去世間空有秋風詞

按明皇夢月宮事書載不一惟此詩云在女几山惜元宗詩失傳無由載入耳

灌池纔盈五六丈築臺不過七八尺欲將層級壓籬落未許

波瀾量斗碩古石字規摹雖巧何足誇景趣不遠真可惜長令

人吏遠趨走已有蛙黽助狼藉

河南令舍池臺 韓 愈

玉川先生洛城裏破屋數間而已矣一奴長鬚不裹頭一婢

赤腳老無齒辛勤奉養十餘人上有慈親下妻子先生結髮

寄盧仝 韓 愈

玉川先生洛城裏破屋數間而已矣一奴長鬚不裹頭一婢

赤腳老無齒辛勤奉養十餘人上有慈親下妻子先生結髮

寄盧仝 韓 愈

玉川先生洛城裏破屋數間而已矣一奴長鬚不裹頭一婢

赤腳老無齒辛勤奉養十餘人上有慈親下妻子先生結髮

寄盧仝 韓 愈

玉川先生洛城裏破屋數間而已矣一奴長鬚不裹頭一婢

赤腳老無齒辛勤奉養十餘人上有慈親下妻子先生結髮

海內所志 卷之六十九
憎俗徒閉門不出動一紀至今鄰僧乞米送僕忝縣尹能不
耻俸錢供給公私餘時致薄少助祭祀勸參留守謁大尹言
語纔及輒掩耳水北山人得名聲去年去作幕下士水南山
人又繼往鞍馬僕從塞閭里少室山人索價高兩以諫官徵
不起彼皆刺口論世事有力未免遭驅使先生事業不可量
惟用法律自繩己春秋三傳束高閣獨抱遺經究終始往年
弄筆嘲同異怪辭驚衆謗不已近來自說尋坦塗猶上虛空
跨綠駟去歲生兒名添丁意令與國充耘耔國家丁口連四
海豈無農夫親耒耜先生抱才終大用宰相未許終不仕假
如不在陳力列立言垂範亦足恃苗裔當蒙十世宥豈謂貽

歟無基趾故知忠孝生天性潔身亂倫安足擬昨晚長鬚來
下狀隔牆惡少惡難似每騎屋山下窺闕一作渾舍驚怕走
折趾憑依婚媾欺官吏不信令行能禁止先生受屈未曾語
忽此來告良有以嗟我身為赤縣令操權不用欲何俟立召
賊曹呼伍伯一作五百盡取鼠輩尸諸市先生又遣長鬚來如此
處置非所喜況又時當長養節都邑未可猛政理先生固是
余所畏度量不敢窺涯涘放縱是誰之過歟效尤戮僕媿前
史買羊沽酒謝不敏偶逢明月耀桃李先生有意許降臨更
遣長鬚致雙鯉同上

陸渾山火和皇甫湜用其韻

韓愈

皇甫補官古賁

音六又音年

渾時當元冬澤乾源山狂谷狼相吐

吞風怒不休何軒軒擺磨出火以自燔有聲夜中驚莫原天

跳地蹕顛乾坤赫赫上照窮崖垠截然高周燒四垣神焦鬼

爛無逃門三光弛隳不復噉虎熊麋豬逮猴猿水龍鼉龜魚

與龜鴉鴟鵙鷹雉鵠鴟燐魚煨燼於刀切孰飛奔祝融告休酌

卑尊錯陳齊政音枚闢華園芙蓉披猖塞鮮繁干鐘萬鼓咽耳

喧攢雜啾嘯胡伯切沸筦塤彤幢絳旃紫燾旛炎官熱屬朱冠

禪音休髹音休其肉皮通脞音脞臀頰胷坵腹車掀音軒轅緹音提顏韎

股豹兩韃居言切震車虹朝日轂輻音翻丹雘線七絹切蓋緋緋帑

音煩紅帷赤幕羅脹騰益音荒池波風肉陵屯音豚谿火含切呀許加切

切一鉅壑頗黎盆豆登五山瀉四鶴子音鮪醢同笑語

言雷公孽山海水翻齒牙嚼齧舌腭音平反音平電光礮先念切磔

徒念切頰日暖音喧頊真收威避元根斥棄輿馬背厥孫縮身潛

喘拳肩跟音根君臣相憐加愛恩命黑螭偵焚其元天關悠悠

不可援音袁夢通上帝血面論側身欲進叱於闐帝賜丸河漣

音箭涕痕又詔巫陽反其魂徐命之前問何冤火行於冬古所

存我如禁之絕其殮女杭本作夫丁婦王傳世婚一朝結讐奈後

昆時行當反慎藏蹲視桃著花可小騫一作騫月及申酉利復

怨助汝五龍從九鯢溺厥邑囚之崑崙皇甫作詩止睡昏辭

誇出真遂上焚要余和增怪又煩雖欲悔舌不可捫同上

連昌宮辭

按唐地理志河南府壽安縣有連昌宮顯慶二年置

元稹

連昌宮中滿宮竹歲久無人森似束又有牆頭千葉桃風動
落花紅軟軟宮邊老人爲予泣小年選進因曾入上皇正在
望仙樓太真同憑欄千立樓上樓前盡珠翠炫轉熒煌照天
地歸來如夢復如癡何暇備言宮裏事初過寒食一百六店
舍無煙宮樹綠夜半月高絃索鳴賀老琵琶定場屋力士傳
呼覓念奴念奴潛伴諸郎宿須臾覓得又連催特敕街中許
然燭春嬌滿眼睡紅綃掠削雲鬟旋粧束飛上九天歌一
二十五郎吹管逐逡巡大遍涼州徹色色龜茲轟錄續李暮
壓笛傍宮牆偷得新翻數般曲平明大駕發行宮萬人鼓舞

途中百官隊仗避岐薛楊氏諸姨車圍風明年十月東都
破御路猶存祿山過驅令供頓不敢藏萬姓無聲淚潛墮兩
京定後六七年却尋家舍行宮前莊園燒盡有枯井行宮門
闔樹宛然爾後相傳六皇帝不到離宮門久閉往來年少說
長安元武樓前花萼廢去年敕使因研竹偶值門開暫相逐
荆榛櫛比塞池塘狐兔嬌癡緣樹木舞榭欹傾基尚存文窻
窈窕紗猶綠塵埋粉壁舊花鈿鳥啄風箏碎珠玉上皇偏愛
臨砌花依然御榻臨堦斜蛇出燕窠盤鬪拱菌生香案正當
衙寢殿相連端正樓太真梳洗樓上頭晨光未出簾影黑至
今反掛珊瑚鉤指似傍人因慟哭却出宮門淚相續自從此

詩四

後還閉門夜夜狐狸上門屋我聞此語心骨悲太平誰致亂
 者誰翁言野父何分別耳聞眼見為君說姚崇宋璟作相公
 勸諫上皇言語切變理陰陽禾黍豐調和中外無兵戎長官
 清平太守好揀選皆言由相公開元之末姚宋死朝廷漸漸
 由妃子祿山宮裏養作兒號國門前鬧如市弄權宰相不記
 名依稀憶得楊與李廟謨顛倒四海搖五十年來作瘡痍今
 皇神聖丞相明詔書纔下吳蜀平官軍又取淮西賊此賊亦
 除天下寧年年耕種宮前稻今年不遣子孫耕老翁此意深
 望幸努力廟謨休用兵

按昌水在三鄉東栢坂村西其宮在昌水之濱故曰連昌邵子連昌故宮詩曰昌水來西北又曰正對三鄉驛則三鄉為連昌遺址無疑也

金谷園歌

韋應物

石氏滅金谷園中水流絕當時
 豪右爭驕侈錦為步障四十
 里東風吹花雪滿川紫氣凝
 朝景妍洛陽陌上人迴首綠
 竹飄飄入青天晉武平吳恣
 無餘風靡靡朝廷變嗣世衰
 微誰肯憂二十四友日已空
 遊遊詎可足共惜年華促
 禍端一發埋恨長百草無情春
 自綠

北山行

王建

北山山頭少閑土盡是洛陽
 舊墓舊墓人家歸墓多堆著
 黃金無買處天涯悠悠葬日
 岡坂崎嶇不停轂高張素幙
 繞銘旌夜唱挽歌山下宿洛
 城北復城東魂車襯馬長相

逢車轍廣若長安路蒿草少
松柏樹澗底盤陀石漸稀盡
向墳前作羊虎誰家石碑文
子滅後人重取書年月朝朝車
馬送葬回還起大宅與高臺

北印行

張籍

洛陽北門北印道喪車麟麟
入秋草車前齊唱薤露歌高墳
新起白錢衰朝朝暮暮人洋
墓洛陽城中人更冬千金立碑
高百尺終作誰家柱下石出
頭松柏半無主地下白骨多於
土寒食家家送紙錢烏鳶作
巢街上樹人居朝市未解愁請
君暫向北印遊

洛陽行

張籍

洛陽宮闕當中州城上我我
十二樓翠華西去幾時返梟巢
乳鳥藏蟄鷺御門空鎖五十年
稅彼農夫修玉殿六街朝暮
鼓鼙禁兵持戟守空宮百官月
拜章表驛使相續長安
道上陽宮樹黃復綠野豺入苑
食麋鹿陌上老翁雙淚垂共
說武皇巡幸時

北印行

張碧

風昏晝色飛斜雨冤骨千堆
骷髏語入絃牢落人物悲是箇
田園荒廢主悲絕自古爭天下
幾度乾坤復如此秦皇矻矻
築長城漢祖區區自忙死野
骨兮又成塵樓閣風煙還復
新願得華山長歸馬野田無
夜堆冤者

全唐詩四

秋日與張賓客舒著作同遊龍門醉中狂歌凡二百三
詩句共十八字

白居易

秋天高高秋光清秋風颭颭
蟲鳴嵩峯餘霞錦綺卷伊水
細浪鱗甲生洛陽閑客知無
少出遊山多在城商嶺老人
自追逐蓬邱逸士相逢迎南
開門十八里莊店邈邈橋道
平不寒不熱好時節鞍馬穩
快衣衫輕並轡脚躡下西岸扣
舷容與繞中汀開懷曠達無
所繫觸目勝絕不可吝荷衰欲
黃荇猶綠魚樂自躍鷗不驚
藻萼長孔雀尾彩船櫓急寒
雁聲家醞一壺白玉液野花
點點黃金英畫遊四看西日暮
夜話三及東方明暫停杯觴
吟咏我有狂言君試聽丈夫

一生有二志兼濟獨善難得并不能救療生民病即須先

塵土纓况吾頭白眼已闔終日戚促何所成不如展眉開且

笑龍門醉卧香山行

香山集

池土篇

并序

白居易

都城風土水木之勝在東南偏東南之
里之勝在西北隅西開北垣第一第即白氏
退老之地地方十七畝屋室三之一水五之一
之一而島樹橋道間之初樂天既為主喜且
臺無粟不能守也乃作池東粟廩又曰雖有
書不能訓也乃作池北書庫又曰雖有賓朋
不能娛也乃作池西琴亭加石樽焉樂天罷
史時得天竺石一華亭鶴二以歸始作西平
池路罷蘇州刺史時得太湖石白蓮折腰菱
以歸又作中高橋通三島徑罷刑部侍郎時
斛書一車泊城獲之習筦磬弦歌者指百以
賴川陳孝山與釀法酒味甚佳博陵崔晦叔
與琴韻

甚清蜀客姜發授秋思聲甚淡宏農楊貞一與青石
三方長平滑可以坐卧太和三年夏樂天始得請為
太子賓客分秩於洛下息躬於池上凡三任所得四
人所與泊吾不才身今率為池中物矣每至池風春
池月秋水香蓮開之且露清鶴唳之夕拂楊石舉陳
酒援崔琴彈姜秋思類然自適不知其他酒酣琴罷
又命樂童登中島亭合奏霓裳散序聲隨風飄而散
悠揚於竹烟波月之間者久之曲未竟而樂天陶然
已醉睡於石上矣睡起偶咏非詩非賦阿龜握
筆因題石間視其粗成韻章命為池上篇云爾

十畝之宅五畝之園有水一池有竹千竿勿謂土狹勿謂地
偏足以容膝足以息肩有堂有庭有橋有船有書有酒有歌
有弦有叟在中白鬚飄然識分知足外無求焉如鳥擇木姑
務巢安如龜居坎不知海寬靈鶴石紫菱白蓮皆吾所好
盡在吾前時飲一杯或吟一篇妻孥熙熙雞犬閑閑優哉游

哉吾將終老乎其間

同上

送張山人歸嵩陽

白居易

黃昏慘慘天微雪修竹坊西鼓聲絕張生馬瘦衣且單夜扣
柴門與我別媿君冒寒來別我為君沽酒張燈火酒酣火煖
與君言何事入關又出關答云前年偶下山四十餘月客長
安長安古來名利地空手無金行路難朝遊九城陌肥馬輕
裘欺殺客暮宿五侯門殘茶冷酒愁殺人春明門門前便是
嵩山路幸有雲泉容此身明日辭君且歸去

同上

白居易

香山石樓倚天開翠屏壁立波環迴黃菊繡時好客到碧雲
合處佳人來酡顏一笑天桃綻清吟數聲寒玉哀軒騎透遲
權容與留連三日不能迴頭老尹府中坐早衙纔退暮衙
催庭前塔上何所有纍囚成貫案成堆豈無池塘長秋草亦
有絲竹生塵埃今日清光昨夜月竟無人來勸一杯同上

再過錦屏

呂巖

半空豁然雷雨收洗出一片瀟湘秋長虹倒掛碧天外白雲
走上青山頭誰家綠樹正啼鳥何處夕陽斜斜向樓道人醉卧
巖下石不管人間萬事愁

天津橋

劉義

洛陽宮闕照天地四面山川無毒氣誰令漢祖都秦關從此
姦雄轉相熾洛陽宮闕照天地四面山川無毒氣誰令漢祖都秦關從此

洛陽塵

釋貫休

昔時昔時洛城人今作茫茫洛城塵我聞富有石季倫樓臺
五色千星辰樂如天樂日夜聞錦妹繡妾何紛紛真珠簾中
姑射神金線玉香成暮雲孫秀若不殺晉室應更貧伊水削
行路塚石花磷磷蒼茫金谷園牛羊斃荆榛飛鳥好羽毛疑
是綠珠身以上全唐詩

宋

洛陽牡丹圖

歐陽修

詩四

洛陽地脉花最宜牡丹尤爲天下奇我昔所記數十種於今
十年半忘之開圖若見故人面其間數種昔未窺客言近歲
花特異往往變出呈新枝洛人驚誇立名字買種不復論家
貴比新較舊難優劣爭先擅價各一時當時絕品或數者魏
紅窈窕姚黃妃壽安細葉開尚少朱砂玉版人未知傳聞
葉昔未有只從左紫各初馳四十年間花百變最後最好潛
溪緝今花雖新我未識未信與舊誰妍媸當時所見已云絕
豈有更好此可疑古稱天下無正色但恐世好隨時移紅
鶴翎豈不美歛色如避新來姬何況遠說蘇與賀有類異世
誇嬌施造化無情宜一槩偏此著意何其私又擬人心愈巧

僞各欲鬪巧窮精微不然元化朴散久豈特近歲尤澆漓爭
新鬪麗若不已更後百載知何爲但應新花日愈好惟有我
老年年衰

送徐無黨之澠池

歐陽修

河南地望雄西京相公好賢天下稱吹噓死灰生氣談談笑
暖律回嚴凝曾陪樽俎被顧盼羅列臺閣皆名卿徐生南國
後來秀得官古縣依峭陵脚靴手板實卑賤賢雋未可吏事
繩攜文百篇赴知己西望未到氣已增我昔初官便伊洛當
時意氣尤驕矜主人樂士喜文學幕府最盛多交朋園林相
映花百種都邑四顧山千層朝行綠槐聽流水夜飲翠幙張

紅燈爾來飄流二十載髮髮蕭索垂霜水同時並遊在者幾
舊事欲說無人應文章無用等畫虎名譽過耳如飛蠅榮華
萬事不入眼憂患百慮來填膺羨子年少正得路有如扶桑
初日昇各高場屋已得雋世有龍門今復登出門相送親與
友何異籬鷓鴣瞻雲鵬嗟吾筆硯久已格感激短章因子興

送張屯田歸洛歌

歐陽修

昔年洛浦見花落曾作悲歌歌落花愁來欲遣何可奈時向
金河尋杜家杜家花雖非絕品猶可開顏爲之飲少年意氣
易成懽醉不還家伴花寢一來京國兩傷春憔悴窮愁九陌
塵紅芳紫蒼處處有騎馬欲尋無故人黃河三月入隋河河

水多時悵望多爲憐此水來何處中有伊疏與洛波忽問君
至自西京洗眼相看眼暫明心衰面老畏來問驚我瘦骨清
如冰今年七月妹喪夫稚兒孀女啼呱呱尋秋九月予喪婦
十月厭厭成病軀端居移病新城下日不出門無過者獨行
時欲強高歌一曲未終雙涕灑可憐明月與春風歲歲年年
事不同暫別已嗟非舊態再來應是作衰翁感時惜別情無
已無酒送君空有淚西歸必有問君人爲道別來今若此本集

憶同尋上陽故宮路

司馬光

上陽門外雲連草車馬遙遙往來道昔王遊豫幾何年今人
豈識當時好明珠翠羽已成塵道上行人幾番老當時秋天

河南府志 卷之九
落宮槐今此婆娑皆合抱

同府尹李給事遊上清宮

司馬光

洛城二月春搖蕩桃李盛開如步障高花下花紅相連垂楊更出高花上閒陪大尹出都門却阜真宮共尋訪不見翠華西幸時臨風盡日獨惆悵

王君貺宣徽睡示嵩山祈雪詩十章合爲一篇以酬之

司馬光

今秋少雨冬不雪麥寄浮埃根欲絕聖主焦心憫萬民負展不怡常膳撤詔書朝下徧九州岳瀆百神俱禱求西都留守虞君命促駕不敢須臾留嵩高萬仞蟠地中海內衆山無與

雄前驅大旆擁千騎波騰雲涌來祠宮牲肥酒香籩豆潔盛服齋明薦毛血有司執事皆肅然寶帳神來風宰屑公心猶畏九闈遙丹誠不得通青霄分留導從屯林麓別張醮真登山椒山椒迢遞峻無極行挽枯藤踟危石萬室嗷嗷愁死飢敢憚劬勞愛餘力天門上出俄坦平下視一世塵香冥焚香拜手傾懇惻左右前後皆列星公今三守三川地咫尺嵩高未嘗至詰朝既畢祠事嚴暫轉鳴珂歷諸寺少林昔爲達摩居達摩英靈今有無庾辭流散滿天下競以兩手捫空虛法王魏氏離宮舊玉刻狡狴彘猶有子孫宗廟皆塵灰止見伽藍存不朽會善庭隅千歲松一根二股凌寒空勢如鼎足爭

秀出冷冷永夜吟霜風少憇先生樂閑暇棄官來家玉峯下
昔爲浪泊據鞍人今結束陵賣瓜舍溪上有堂名掛冠四垣
重複皆林巒呼兒掃地喜公到隨分絃歌留盡歡周王太子
名聞久相傳羽化縵山首鶴飛笙遠窅無迹遺廟今人空瀝
酒公來本不事邀嬉周流閭里詢疲羸親呼令長囑赤子勿
貪榮利窮鞭笞境中羣望無不走回轡仍過鑿龍口奉先暮
投林日曛澗澗晨征轍冰厚歸來新詩盈一編明珠大貝相
屬聯此行雖不從公後歷歷勝遊皆目前

噴玉泉

遊壽安詩十首之一
原集缺九首

蒼崖雙起秋雲齊亂峯迸出如攢犀石稜澁不容馬蹄下馬

步人荆榛蹊瀑泉沃雪拖白霓落潭橫引成清溪老木長藤
咫尺迷興闌欲出忘東西

遊神林谷寄邵堯夫

司馬光

山人有山未嘗遊俗客遠來仍久留白雲滿眼望不見可惜
宜陽一片秋

神林谷

選一

司馬光

石下泉聲蔓草深石上露濃蒼蘚徧山禽驚起飛且鳴葉墜
空林人不見

遊壽安靈山寺

司馬光

神林興盡謀早歸草間露裊行徑微忽思靈山去不遠馬首

欲東還向西垂鞭縱轡尋山足洛水逶迤過數曲漸聞林下
飛泉鳴未到已覺神骨清入門拂去衣上土先愛娑羅陰滿
庭庭下雙渠走清澈羅縠成紋日光徹寒聲淅瀝入肝髓亂
影飄蕭動手髮寺僧引我觀泉源堂東周廻百步寬碧玻璃
色湛無底想像必有虬龍蟠泉南高山名鳳翅宛轉抱泉張
遠勢岸廣修竹踰萬竿颯颯長含風雨氣寺門下望情豁然
桑柘紛披滿一川高高女几列左右王屋太行來掌前昔爲
孔氏懸泉莊巖洞猶存荆棘荒到今其下多怪石熊蹲豹攫
爭軒昂嗟予歸來苦不早汨沒朝市行欲老捫蘿躡屣須數
遊筋力支離難自保

緱山引

按是詩縣志作宋之間說嵩作鮑照今據温公集改正

司馬光

王子吹笙去不還當時舊物唯緱山山深樹老藏遺廟春月
秋風空自閑轆轤左界連商雒碧瓦朱欄露華薄經時掩戶
庭草深永晝無人澗花落徘徊未下日將西遙望嵩陽煙景
微鶴馭飄飄向何許林間空見白雲飛

康定中予過洛橋南得詩兩句於今三十二年矣再過

其處足成一章

司馬光

銅駝陌上桃花紅洛陽無處無春風重來羞見水中影鬢毛
蕭颯如秋蓬

以上温公集

出鞏縣

王安石

昭陵落月煙霧昏篝火度谷行山根投鞭委轡涉數村寤出
鞏縣城東門向來宮闕不可見但有洛水流渾渾

書任村馬鋪

王安石

兒童繫馬黃河曲近岸河流如可掬任村炊米朝食魚日暮
滎陽驛中宿投老經過身獨在當時洲渚今平陸林黍冥冥
十數家仰視荒蹊但喬木水盤鱸美客自知起看白水還東
馳爾來百口皆年少歸與何人共此悲

以上臨川集

龍門

界

范純仁

皇圖經野臨中天北有大河南陸渾陸渾之下伊之源直走
關塞侵山根此山不斷亘坤軸逆爲汝海波濤翻忽焉天意

有不測臨開峽口流如吞長波萬練捲空過貫都會洛風霆
奔崖岸崎嶇竦天闕此號鑿龍爲禹門石道盤紆入幽邃杉
松隱映皆祇園下窺朝市但塵土不與人世同囂喧天章閣
老真相嗣詔委北陲嚴國藩前騶驅駟聊盤桓憑高置酒臨
巖軒是月嘉平臘將盡春風料峭烟霾昏圭陰表日景漸正
玉沙透水波光温杳杳端闈照宸極壯以峭函周轘轅超然
宴覽動咨歎坐預國論慚真頑乃知公且卜洛意根本繫時
亡與存法宮在今宜有制上憲太微奠至尊乘杓布政朝萬
玉莫如洛宅當乾坤三陵氣象貫星野慶雲祚百雲來孫豈
惟設險御諸夏亦以捍患安元元爲於可爲事乃濟器大重

遷咸有言賤臣幽退冒及此願對上前圖籍論

忠宣集

韓欽聖問洛陽牡丹之感

梅堯臣

韓君問我洛陽花爭新較舊無窮已今年誇好方絕倫明年好更還相比君疑造化特着意果乃區區可羞耻嘗聞都邑有勝意既不鍾人必鍾此由是其中立品名紅紫葉繁幹色美萌芽始見長蒿萊氣焰旋看壓桃李乃知得地偶增異遂出羣葩號奇偉亦如廣園多芍藥閭井荒殘無可齒淮山濠秀付草樹不產髦英產佳卉人於天地亦一物固與萬類同生死天意無私任自然損益推遷寧有彼彼盛此衰皆一時豈關覆燾為偏委呼兒持紙書此說為我緘之報韓子

宛陵集

丙申歲余在京師鄉人陳景回自南來棄其官得太

中允景回舊有地在蔡令將治園囿於其間以自老

余嘗有意於嵩山之下洛水之上買地築室以為休

息之館而未果今景回欲余詩遂道此意景回志余

言異日可以知余之非戲云爾

蘇洵

岷山之陽土良腴江水清滑多鯉魚古人居之富者眾我獨

厭倦思移居平川如手山水感恐我後世鄙且愚經行天下

愛嵩嶽遂欲買地居妻孥晴原漫漫望不盡山色照野光如

濡民生舒緩無天札衣冠堂堂偉丈夫吾今隱居未有所更

後寸載不可無聞君厭蜀樂上蔡占地百頃無邊隅草深野

濶足狐兔冰種陸取身不効誰如李斯顧秦寵不獲牽犬追

黃狐今君南去已足老行看嵩少當吾廬

嘉祐集

別子由

自黃遷汝

蘇軾

先君昔愛洛城居我今亦過嵩山麓水南卜居吾豈敢試向

伊川買修竹又聞緱山好泉眼傍市穿林瀉水玉想見茅簷

照水開兩翁相對清如鶴

文忠集

獨樂園

蘇轍

子嗟邱中親執麻邵平東陵親種瓜公今東去事農圃亦種

洛陽干本花修篁繞屋韻寒玉平泉入畦紆卧蛇錦屏奇種

鬪巖竇嵩高靈藥移萌芽城中二月花事起肩輿逼入公侯

家淺紅深紫相媚好重樓多葉爭矜誇一枝盈尺不輸價士

千斗酒那須賒歸來曳履苔迳滑醉倒閉門春日斜車輪班

班走金轂印綬若若趨朝衙世人不顧病楊縮弟子獨有窮

侯芭終年著書未曾厭一身獨樂誰復加宦遊嗟我久塵土

流轉海角如浮槎歸心每日自投劾孺子漸長能扶車過門

有意奉談笑幅巾懷刺無袍韉

樂州集

女几祠下

張耒

山邊白雲閑不掃山下松花龍甲老東風古栢吹暖香廟前

土馬荒春草朝霞為裳水為珮守廟千年老龍在清風掃堂

神暮還山頭月出溪潺潺

宛邱詩鈔

福昌北秋日村行

張耒

秋野無人秋日白禾黍登場秋索索豆田黃時霜已多桑蟲
食葉留空柯小蝶翩翩晚花紫野鶉啄粟驚人起洛陽西原
君莫行秋光處處傷人情

黃桑蕭蕭新雨晴田中日午村雞鳴場頭九月禾黍熟空原
雉飛飽新穀棘籬蟲鳴村路曲路邊古墳生野菊人稀田澗
草茫茫洛陽秋深能斷腸

以上宛
邱集

香山示孔處厚

晁冲之

我來南經幾山過馬行似衝山色破風烟席卷崑穴開澗花
縈迴水流左懸崖彷彿聞松聲下瞰幽深鳥飛墮老夫宅年

有所歸定結白茅依紫邏日高下馬古寺門魚鼓欣聞脫清
餓道人碧眼照川谷雲起盤陀藉高坐殷勤勸我更莫歸嘆
鶴啼猿亦相和窻前笑喚神孔賓世間安用招魂些

具茨
集

洛春謠

司馬標

洛陽春水揚春風銅駝陌上桃花紅高樓疊柳綠相向綃帳
金鸞香霧濃錦裝公子五陵客拳毛赤兔雙蹄白金鈎寶玦
逐飛香醉入花叢惱花魄青蛾皓齒別吳倡梅粉妝成半額
黃羅屏繡幕圍寒玉帳裏吹笙學鳳皇細綠圍紅曉煙涇車
馬駢駢雲櫛櫛瓊簾深琥珀濃鴛鴦枕冷珊瑚澀吹龍笛
歌白紵蘭席淋漓日將暮君不見灞陵岸上楊柳枝青青送

詩四

別傷南浦

夏陽集

遊獨樂園

宗澤

范公之樂後天下維師温公乃獨樂二老致意出處間殊塗
同歸兩不惡鄙夫杖藜訪公隱步無石砌登無閣堂卑不受
有美奪地僻寧遭景華拓始知前輩稽古力晏子蕭何非妄
作細讀隸碑增慷慨端正似之宜再拜種藥作畦醫國手澆
花成林膏澤大見山臺上飛塵多高山仰止如公在

宗簡集

金

金谷行

楊奐

洛陽園池天下無金谷近在西城隈晉時花草不復見野人

猶解談齊奴齊奴豪奢誰比數酒酣愛擊珊瑚株後堂春風
滿桃李中有一妓名綠珠千金買步障百金買鬢髻時時吹
笛替郎語雲窗窸戶常歡娛層階欲下須人扶豈料一日能
捐軀紅飛玉碎頃刻裏空使行客悲躊躇樓頭小婦感恩死

君臣大義當何如

還山遺稿

雪中自洛陽還嵩山

元好問

道人薄有塵外緣迫入塵埃私自憐三十六峯一茅屋夢裏
西家掠社錢津津喜色見眉宇峩我青城當眼前蹇驢徑入
風煙去恰是梅花欲雪天

遺山集

嵩山玉鏡

元好問

玉鏡見何許今日東山陞積雨洗昏霾旭日發光輝光輝奪
 人目灩灩如動移初如秋月圓漸如曙星微曙星不能久併
 與晨露晞此鏡何從來造化秘莫窺山精或寶氣恍惚令人
 疑誰為問岳祇山川英秀會有歸不能生申與甫瑞玉國萬
 丈光芒徒爾為同上

送郝講師任崇福宮

元好問

大方之家幾知津郝君七十老斲輪書文五車喙三尺劇談
 混沌今猶神太元博士為絕倒君言夸矣天公嗔長安冠蓋
 羅青雲洛陽車馬爭紅塵怪君掉頭不肯住寂寞來作由東
 隣崧高維岳古所秩三十六帝有外臣元都石壇待鸞馭宮

殿突兀松輪囷上界僊人鄧雲山洞天治所名可真蓬萊方
 丈去不遠明星玉女時相親瑤華可擷蘭可紉煙霞永隔塵
 中人黃鵠一去不復返白鷗萬里誰能馴為我殷勤謝鄧君

玉華歲晚當平分同上

李道人嵩陽歸隱圖

雷淵

我家嵩前凡再期詩僧騷客相追隨春葩繽紛香澗谷夏泉
 噴薄清心脾霜林置酒曳錦障雪嶺探梅登玉鷗重陽夜宿
 太平頂天雞夜半鳴喔咻整冠東望見日出金輪湧海光陸
 離神州赤縣入指顧風埃未靖空歔歛窮探極覽不知老泉
 石住處多留題簡書驅出踏朝市期會迫窄愁鞭笞襟懷塵

土少清夢齒頰棘荆真自癡叩門剝啄者誰子道人面有熊
 豹姿披圖二室忽當眼貫咏編貝多文辭我離山人詩筆退
 摹寫豈復能清音再三要索不忍扣依依但記經行時道人
 愛山復愛詩嗜好成癖未易醫山中詩友莫相厭遠勝薰酣
 聲利兒

中州集

題元裕之家山圖

趙元

繫舟盤盤連石嶺牧馬澄澄倒山影山光水氣相混涵中有
 元家舊廬井鴈門一開豺虎場鴛言投迹嵩之陽青山偃蹇
 不可將十年竟墮兵塵黃東巖風物如猶在說與寄庵神已
 會一揮淡墨能似之清輝遠寄形骸外元家故山吾與鄰夢

見不如圖畫真舊會行處聊經眼未得歸時亦可人

中州集

天津橋同李之純待月

高廷玉

驂鸞追散仙乘槎抵銀潢跳上玉龍背抱得銀蟾光素娥愁
 不歸再拜捧瑤觴問以天上事玉色儼以莊爾能為我歌白
 雪我亦為爾搗元霜不然借我廣寒殿與我長作無何鄉傍
 有蒲仙人拍手笑我狂天風忽吹散人月兩茫茫

中州集

次田若虛遊龍門寶應

魏搏霄

少室右臂禹所鑿開排清伊來高寒土肉養石自古秀山腰
 流泉無時乾佛髻滴滴染濕翠松風颼颼鳴驚湍白傅已矣
 不可見予誰從之投歸鞍

中州集

嵩山怪松謠

李純甫

阿誰栽汝經幾時輪困擁腫蒼虬姿鱗皴百怪雄牙髭擎空
天矯蟠枯枝疑是秘魔巖中老慵物旱火燒天鞭不出睡中
失却照海珠羞入黃泉蛻其骨石鉗沙錮汗且僵埋頭卧角
政摧藏試與摩娑定何似怒我根觸鬚鬣張壯士囚縛不得
住神物世間無著處隄防夜半雷破山尾血淋漓飛却去

中州集

元

金谷步障歌

楊維禎

金谷水派銀河流金谷峙據三神邱太僕卿君十二樓花草
不識人間秋蜀江染絲紅五色紫鳳銜絲終夜織剪斷鯨濤

三萬匹天女江妃不敢惜明珠量斛買蛾眉時時玉笛障中
吹紅鸞翠鵲飛在地香塵蹋蹋凝流脂野鷹西來歌吹歇踏
錦未收風雨裂樓前甲士屯如雲樓上佳人墜如雪於乎董
家郿塢金成泥鬼燈一點燃空臍齊州奴何用爾只須豆粥
與萍蘆不見祗今金谷底野花作障山禽啼

鐵崖集

綠珠行

楊維禎

王家高樓起金谷買妾不惜千金斛美人買得一片心不買
青眉與明目手持玉笛吹鳳凰誓與蕭史雙頡頏樓頭侍宴
宴未徹甲光一片樓前雪神珠一點擲畫欄花作流星火不
滅於乎珊瑚步障裂行人弔珠在古井井中照得青天月石

家妾石家妾二十四人金谷友入趨道傍方拜覆

同上

題王子晉

童童

屍棄萬乘追浮邱仙成駕鶴緱山頭碧桃千樹鎖金洞玉笙
嘹唳天風秋回眸下笑蜉蝣輩蝸角爭戰汚濁世何當高氣
凌雲霄願隨環珮聯雲騎

元詩選

洛陽劍客歌為程景陽作

趙汭

洛陽古稱豪傑窟奇才劍客尤超忽漢家三十六將軍劇孟
歸來如敵國爭誇玉貝高挂頤曼胡短後供兒嬉平生耻學
一人敵胷中耿耿誰能知功名何必慚廉蔣排難解紛聲愈
振白頭恨不當單于誤身竟坐封侯印長安卿相真庸奴鬼

妾鬼馬窮歡娛一朝萬事成瓦裂金錢果為何人輸君不見
洛陽劍客藏名久好盡中山千石酒精靈變化會有時莫遣

光芒射牛斗

元詩選

北邙山歌

白樂天賜第履道坊既葬北邙命遊人至墳所者必酌酒至今墓前隙地泥潦

迺賢

北邙山高雲嵯峨山前日日聞輓歌千金買穴望卿相不道
洛陽人葬多長安歸來錦衣客昨日城南起新宅雕闌華礎
滿前楹盡是當年墓邊石墓邊野老鬢如絲自言曾見築墳
時轉頭石馬卧荆棘白楊蕭瑟秋風悲白日西流水東逝眼
見君家葬三世舊時隧道盡為田新墳苦作千年計寄語洛

陽諸少年對酒莫惜黃金錢縱有穹碑勒勲業文章誇靡誰
能傳君不見履道坊中白太傅留客高堂醉歌舞至今三月
看花人載酒去澆墳上土

金臺集

題石崇錦障圍

朱德潤

洛陽金谷園中花雕玉為闌繡作遮琉璃器多出珍饌瑪瑙
街長行鈿車椒房塗香貯歌舞曳珠珥翠籠輕紗珊瑚扶疎
三四尺王羊貴戚爭豪奢那知花濛風雨始古來山澤生龍
蛇嬋娟墜樓寶玳碎月明夜半啼鶯鴉

存復齋集

明

咏王子喬

劉基

王子喬乃是髭王之子皇王之孫深宮洞房不稱意却駕白
鶴尋軒轅虹霓為旗雲為旛飄然乘風上岷崙王子喬去何
之朝發暘谷暮崦嵫六龍九鳳相追隨穆王西上不得王母
訣胡為元氣獨爾私王子喬去不還后稷功業巍如山猶有
九鼎知神奸王城日久生茆菅爾獨胡為白雲間王子喬空

長嘆

青田集

灑池縣王丞君驅虎歌

王禕

灑池之境最多虎道路行人共愁苦狂風吼怒振塵沙落日
驚魂慘烟雨王侯承詔來作丞民有瘡痍手摩撫下車走謁
城隍廟親寫文移對神語為言幽顯雖有分我與爾神均守

土猛虎今茲實害人責不在予遷在汝早遣惡類離境中爾
 神無愧為民主精誠一念既感字陰逐潛驅固其所驛使郵
 夫中夜馳畊農賈客凌晨聚前時出戶即畏塗今日連村皆
 安堵童謠藉藉相謂言孰使吾人樂居處我侯之德與神通
 故令孽沴成銷沮豈不見古來循吏美蹟多虎有渡江及渡
 河澗池之事同不磨王侯王侯奈爾何

忠文集

洛中有感

方孝孺

前年停車汴水陽鄭公延我政事堂是時梁園花亂發遊蜂
 乳燕春滿牆綠酒浮觴白玉白綉衣耀座腰金黃豈知造化
 不容物俊傑俄為土中骨重來訪舊無一存冠蓋年華兩飄

忽堂中遺跡劇人意粉圖素壁銀鈎麗道廣常懷濟物心數
 竒竟負匡君志文章爛熳空自苦政術廉平索誰繼官僚薦
 書嗟我遲妻子思家歸未遂感此臨風涕淚垂出門上道風
 塵翳西行境內五百家到處逢人稱善治洛陽城中迎歲新
 正思昔日梁園春河南忽過張少府意氣遂同鄭老真臘梅
 盈庭花璀璨銀燭照夜光璘珣登高訪古隘八極勸酒笑談
 驚四隣我被虛名浪羈束奔走煌煌炊不熟明朝又渡灑水
 西行李再經燒棧北丈夫會合當有時各展忠貞報王國

通志

北邙行

北邙行
 纍纍北邙墳鑿石為虎羊憶昔墓此初爵封侯與王導以方

相氏飄飄銘旌揚紫車雜編騎鑣鼓喧周行執紼人如蟻哭
聲動穹蒼相送至窀穸日暮下黃腸生既享華榮死亦增輝
光焉知千載後無人奠穀漿寶氣夜忽露大盜發所藏不見
馬鬣封但見白骨荒空留一斷碑龜趺卧夕陽遂令往來者
過此生感傷感傷亦何為生死人之常陰陽有晝夜誰云無
興亡萬物終消盡天地復渾茫何史垂功名何世存文章金
石且不堅豈獨人久長

明詩
綜

問雞行

李夢陽

城頭雞鳴聲不惡祖生夜舞司州即河南府幕南來擊楫向中流
殺氣橫秋盡幽朔手提一劍馴兩龍黃河以南無戰鋒十州

父老皆部曲誰遣吳兒作都督宋元未清壯士死遺恨吳江

半江水

空同
集

洛南伯馮將軍歌

何景明

都督猛氣世不多一日百戰千里過殺賊累累十萬馱東至
滄海南黃河宋門西平傳凱歌洛水轉鬪風揚波敵營晝雨
淋漓沱面貫雙箭猶揮戈君不見諸將歸來金滿室生封萬
戶食千邑都督河頭死為伯

大復
集

新安行贈王廣文

薛瑄

西通崤澗東洛陽澗流曲折波浪浪連峰巒巘互低昂溪橋
野店遙相望函關開豁地一方新安老樹浮高隍山迴川合

鬱蒼蒼儲精孕秀不可當錢君若水慎行藏急流勇退何徜徉
 韓侯擒虎智力強高勲亦可銘太常其餘豪傑皆軒藏弱
 毫未易俱談揚王喬古洞南山陽世傳鐵斧殊荒唐洪鑪烈
 焰徒煌煌百煉不改纖毫鋼古來雷斧墜宵皇陰陽搏結成
 鋒鏃鐵斧無乃類此行胡為末俗相驚惶我行愛此山水鄉
 往來屢宿芹蘋堂芹蘋廣文情慨慷時能取樂行華觴諸生
 羅列芝蘭香爭持斗酒澆我腸醉來意氣何揚揚為之放筆
 掃秕糠掇拾故迹百十忘頗勝熱石為琳琅欲行不行意徊
 徨明朝別思俱茫茫

文清集

題龍門石像

彭綱

龍門兩山相對峙龍門河水流山裏龍門天造非禹功獨向
 中州擅山水憶昔周公營洛都陰陽險阻歸謀謨炎劉典午
 御區宇來此闕塞陳基圖跋陀元魏擅中國豔妻媚佛禍山
 石洞中大象高幾筭山間小者無半尺當時鎚鑿斲民脂萬
 金不恤窮妖竒誰知佛死無靈氣諸魔依託猿夜啼右擊疑
 鼓左疑鑼神州漸見交兵戈梁皇餓死誰不見魏國分崩石
 佛多我來問俗偶登眺坐觀今古資一笑東山寂寞西山開
 忽聽漁舟崖下叫

雲田集

函谷關歌

朱應登

朝出洛陽城暮投函關道函關日落行人稀滿目黃雲暗秋

草此地古來西屬秦崩城敗壁猶嶙峋牛車冉冉行不盡更
愁怪石摧車輪關門老子去已遠吾生學道嗟何晚紫氣猶
經舊路迷青牛不見當時返只今豺虎正縱橫羽檄星馳大
點兵徼巡司隸督責苦關下居民旦夕驚疎林漸指新安麓
夜火人歸茅店宿雞鳴客起四散分令人忽憶孟嘗君

明詩
綜

嵩山高

吳三樂

望嵩嶽兮乃在伊洛之浦箕頽之隈龍從萬仞何奇哉盤礴
中原橫九垓陰陽昏曉多變態吐吞日月相縈迴翠雲孤聳
排丹嶂二室東西宛相向諸峯却立如欲摧削出芙蓉千萬
狀紫峯高處從中起瑤臺紺宇白雲裏古松偃蹇不知年溪

流惟見石齒齒遙接崑崙巔下看扶桑水天際長河一線來
鯨掀鰲掣勢難止日觀蓮峰稱最高鬼乎泰華未足恃有峰
六十信挿天森森劍戟自蜿蜒玉女青童遞隱見紫微黃蓋
生雲烟上有三花之古樹下有百丈之飛泉晴空片片灑寒
雪飛蘿懸瀉如珠連我欲乘風到絕頂恨無羽翰愁攀緣策
仗徘徊日將午倏忽陰雷散輕雨長風爲我捲浮雲飛來倒
掛巖前樹振衣宛轉陟層巔四顧茫茫小寰宇神僧面壁人
不知仙子吹笙鶴自舞卽欲舉手探月窟廣寒彷彿見銀闕
醉把金壺餐綺霞坐看玉鏡邀明月入石室卧雲門那知身
外有乾坤劃然長嘯如雷奔萬壑雲霧虎豹蹲山鬼倚巖笑

山鳥繞樹喧靈怪恍惚不可測更從何處問真源君不見周
家申甫元非偶詩云嶽降理或有又不見盧鴻巖下草木春
卜居偏傍洗耳人吁嗟乎靈山自是毓精英古來高士留其
名秀色攬結真堪把而我豈終軒冕者紅塵白馬竟何爲不
如棲息此山下出山日落迷烟霧回首恐失桃源路他年儻
得伴松筠買山還許留詞賦說高

澠池會盟臺

趙貞吉

天弧夜射青麟死天下諸侯慶牛耳完璧城邊走趙人擊缶
臺畔聞秦聲池中夜浸一片月年年艸綠春風發猛將健腰
取豹韜牧童扣角來狐窟列朝詩選

題金谷園障子歌

李攀龍

誰將金谷傳毫素座上無人不自顧乍展旋驚澗水流纔開
已識河陽路四壁真看片錦圍中庭如見雙鬟度移席休臨
墜妓樓解衣欲掛沙棠樹彷彿明如出塞吟聽來未必梁塵
誤詩成酌我我豈辭便過三斗無論數綠珠安在恰當壚似
留且往勢可呼意慄崑崙紫窳篠色寒滄海紅珊瑚君家富
貴合如此此時那知有障子縱然客散掩空堂猶聞夜夜春

風起

滄溟集

石季倫金谷園同于鱗賦

王世貞

石家金谷鬪繁華春風占盡洛陽花連雲錦帳五十里壓角

流蘇玉辟邪瑩蹄快犢夜光脚平頭小奴火浣衫君王珊瑚
 敵不得七尺神柯產日南回巒別起清涼臺綺楯交䟽面面
 開芙蓉千頃映朝日日炙風掀香氣來楊柳低織姪女支琵琶
 小按明君辭九齊芳塵驗履跡舞罷珍珠第賞遲急管繁
 絃響清漢酒闌金鈿自凌亂小婢收將處仲衣胡姬解拾安
 仁彈翹風退房泣秋草綠珠轉眩青春好回眸一盼光形生
 八百蛾眉盡如掃長安使者白鼻駒升堂左顧何矜誇連枝
 分折秋霜手不入侯門映絳紗何人白首吟同歸倏忽豪華
 事已非惟有殘霞零落處至今猶似墜樓時

四部稿

曉發孟津渡黃河寒甚

張瑄

北風吹面如刀利黃河流奔突騎公家事多無了期鼓枻
 衝寒復宵濟河陽古城岸河北基址尚存樓櫓廢繁華已逐
 時變遷井邑盡為耕牧地七國封疆東接韓九州分野西連
 冀武王經此弔殷民八百諸侯不期會聖明德化遍九垓草
 木魚蟲亦沾被巡行到處市恩威不詠賢勞歌既醉

通志

書香山九老圖

王恭

唐家名臣白居易暮年脫略青雲器抗節羞趨當路門拂衣
 起謝人間事以茲疎散愛香山路下羣公亦遂閑玉堂金馬
 俱殘夢流水孤雲同去還石樓烟樹隴隴見八節迴灘瀉秋
 練雲衣落落古松姿鶴髮皤皤凍梨面人生宦達應如此豈

必浮名結青史楚國三生少見機竹林七子徒爲爾名遂身
閒古所稀洛陽山水又清暉青山何處無佳賞白首湮沉空
布衣

洛陽志

送人遊嵩山

趙南星

我昔騎龍游嵩山三十六峯飛紫烟元鳥化爲白玉童爲報
子晉來翩翩道我何事久不至共傾金液長松前子晉爲我
歌鳳凰爲我鳴妙音不可辨隨風滿太清慙慙留我住瑤闕
雲中揮手風前發徑須身致宇宙平然後於此鍊真骨石上
空留紫茸花林中長掛青天月誰知世事多錯迂塵沙空短
英雄髮時望嵩山雙涕流逢君今向嵩山游贈爾破山之寶

劍服食石髓延千秋爲我致聲山中客明當歸來卧雲石

嵩山

游嵩少酌廬巖

黃輝

太室少室蓮花巾大熊小熊巢父鄰喜從黃社逢賢含笑共

青山闕過人茶竈著來秋月苦芝盤提去夕陽貧廬巖已不

知鴻一名姓何勞着片珉

石刻

少室行

傅梅

鴻濛下墜元氣結巨靈劈天天柱折大禹安所施神功五丁
蜀道翻疑拙寒玉削成萬仞高森森畫戟排天闕游人多在
側背行誰識此出真竒絕前日我從臨汝來方知山面西南
開百里巔峴看九頂蓮花一朵誰爲栽四下羣山低若水丹

海內府志 卷之六十九
崖翠嶂凌波起鞞鞞正如茵苔舒亭亭直上雲霄裏端整巍
峩若冕旒宋人所以稱冠子近山步步漸易形三十六峯插
青冥疑神駭鬼紛難狀吐霧吞霞了不停似獅似象似奔馬
如笏如几如張屏看山到此愜幽賞雙眼生饞雙足癢脫却
青袍著短衣捫蘿捋葛披榛莽絕嶠谿衍斷忽連幽崖磔礪
窄還廣同遊二客俱好奇穆君翩翩戚君爽絳綃十丈代藍
輿百夫更挽作前驅凌險狎危賈勇進十里五里纔須臾麋
鹿豺狼俱逃遁惟有騰猿飛鳥相追呼絕頂振衣何所見石
粼粼兮雲片片京洛依稀幾縷烟黃河彷彿一條練西天門
內鐵窻遙玉膏神霧時時變帝休貝樹生何所萬壑千巖目

欲眩三定思過眼界空全山一副羅心曾向背參差不必問
根枝脉落遙相通錦繡臺中猶爛熳光明月裏露玲瓏來仙
靈隱羣真府寶勝清涼列梵宮龍從石笋暎瓊壁白鹿金牛
堪共櫪歌山舞水能娛人昔日雲鐘聲未寂檀香紫薇原有
種雲母丹砂亦可覓石室無主石床寒玉笈琅函空歷歷連
天高接紫霄分白道洞邊多白雲此間便好尋仙去緜嶺吹
笙咫尺聞藥堂藥草多難識神芝甘果長芳芬一丈鐘乳千
歲穀冥搜未遘西日曛二君勸我觀且止歸來黯澹思無已
隱士惟知索價高緡紳絕無濟勝趾方今領畧屬何人揮毫
一雪名山耻吁嗟乎樓異之賦二千言描畫色澤都且美後

來揚魚十字詩分明寫出神共髓予懷正與昔賢同萬古山

靈有知己雉園稿

嵩陽宮三栢歌

傅梅

突兀三栢挿天中碧鱗剝脫如蒼龍
拘雪裘寒關日月掣雲攬雨吼雷風
旁蔭嵩陽一千畝爭雄二十四高峯
山中之人相傳聞漢武曾封三將軍
御蹕巡遊幾千載斷碑磨滅無完文
從幸諸臣知多少人人先此將軍老
隋唐戰骨久成灰矍鑠三君獨矯矯
人言不死是神仙子晉吹笙去不還
煮石蒸霞何地覓琪花瑤草空蒼烟
滄海桑田變朝墓種樹者誰今何處
閱盡遊人誰復來日見新墳高古墓
吾聞太山有松今

未枯秦皇亦封五大夫後凋皆與山同壽
斤時虛爵何為乎政也徹也俱多事
松兮栢兮蒙其汚我來幸作名山主
每過遺宮悲稷黍徘徊樹下不能歸
有懷欲向將軍語此間箕穎有天人
傲屣曾輕萬乘主況與衛霍同一流
人奴齷齪何足數三君果受漢家封
萬古高風讓巢許雉園稿

北却

袁宏道

蒼松老鬣風掀舞壘壘孤烟問無主
銅駝陌上舊王侯吹作行人面上土
山頭白楊化為嫖夜夜田中驅石虎
衣冠北向拜壽陵樹上烏鴉作人語

錦屏山歌

劉敏寬

河南府志
卷之九
瞻彼嵩嶽地之軸西北錦屏當其麓羣峰高併入烟霄鬱鬱
森森匝萬木俯瞰洛流澄且清印山在下如伏鯨右連伊闕
漫逶迤左盤函谷何崢嶸一盤一旋自邱壑攢管連帙自天
削樹杪憑虛嘯一聲萬竅齊鳴天籟作孤亭獨出廣寒宮雙
塔巍巍插碧空登臨但覺天地濶嵐嵐萬里來長風思叔祠
前栢陰陰陶公洞畔煙霞深白鹿踏破黃花坂青牛騎過玉
峰林岩穴玲瓏春先着深紅嫩柳任絡錯朝來獨坐向南軒
鳥語花香遍城郭雲擁山晦山欲浮蛟龍携雨傾山頭片時
躍出十尋碧蕭颯真成六月秋一夜崑崙幻霜容如丹楓葉
隔蒼松野雀橋邊會牛女七襄施巧爲錦峰朔風嚴寒萬草

零後凋顏色常青青報到六月滿瓊樹錢塘濤怒只無聲千
仞崗橫白鷺洲萬里源通鐵藻溝時一振衣與濯足頓令胸
次真悠悠我來對此六禩逾千熊萬狀屬絕殊但媿無能爲
增價端如仰止來嵩呼韓侯宮闕空草際當日雄圖自壯麗
盛朝卜世應無期惟願山河恒帶礪

宜陽志

印山古鏡行

崔 譽

洛陽市頭多古鏡斑生翡翠形圓瑩多出印山古墓中猶存
鑪冶人名姓貴人買得更礪磨還向粧臺伴綺羅家家珍重
湧高價遂令掘發年年多古人一去不復見可憐却照今人
面寧知今人卽古人堆着黃金苦貪羨虞淵日落誰可持水

波到海無回期莫道紛紛好容鬢鏡裏青春能幾時通志

綠珠行 并序

温秀

暮秋夜讀石崇傳得所謂綠珠者意頗憐之明日放舟南河過季倫舊居則高臺頽岸儼然在目舟人指曰此綠珠粧樓也悵陳迹而莫迴感行樂之可憐乃作綠珠行

夜讀綠珠傳朝過綠珠臺綠珠風流不可見朱簾畫棟空塵埃石家富貴傾今古雲鬢花顏儼分伍五斛明珠買麗人一
曲千金教歌舞壘金疊玉起粧樓盤雲結霧臨清流豈知千載後寂寞成荒邱隋宮在其西漢闕在其東朝市繁華幾更變唯有草樹吹秋風天地風雲亦反覆何惜紅粧與金屋吹簫擊鼓且放船舉酒一醉傾萬斛日暮迴舟天津橋雲臺南

望埋蓬蒿王喬李白俱在眼神仙酒徒皆我曹吁嗟乎男兒莫恨功無成功成身樂得高名通志

國朝

雒陽行

吳偉業

詔書早洗雒陽塵叔父如王有幾人先帝玉符分愛子西京銅狄泣王孫白頭官監鋤荆棘曾在華清內承直遭亂城頭烏夜啼四十年來事堪憶神皇倚瑟楚歌時百子池邊嫋柳絲早見鴻飛四海翼可憐花發萬年枝銅扉未啓牽衣諫銀箭初殘淚如霰幾年不省公車章後來數罷昭陽宴骨肉終全異母恩功名徒付上書人貴疆無取諸侯相調護何關老

大臣萬歲千秋相訣絕青雀投懷玉魚別昭邱烟草自蒼茫
湯殿香泉暗嗚咽析圭分土上東門寶轂雕輪九陌塵驪山
西去辭溫室渭水東流別任城少宰峰頭寫桐漆靈光殿就
張琴瑟願王保此黃髮期誰料遭逢黑山賊嗟乎龍種誠足
憐母愛子抱非徒然江夏漫裁修栢賦東阿徒詠豆萁篇我
朝家法踰前制兩官父子無遺議廷論繇來責佞夫國恩自
是優如意萬家湯沐啓周京千騎旌旗給羽林總爲先朝憐
白象豈知今日誤黃巾鄒枚客館傷狐兔燕趙歌樓散烟霧
茂陵西築望思臺日落青楓不知路今皇興念總帷哀流涕
黃封手自裁殿內遂停三部伎宮中爲設八關齋束薪流水

王人戍太牢加璧通侯祭帝子魂歸南浦雲玉妃淚灑東平
樹北風吹雨故宮寒重見新王受詔還唯有千尋舊松枯照

人落落嵩高山

松村集

過連昌宮遺址

王鐸

君不見昔行宮荒邱漫衍今人耕陵谷高下滿榛楚車前突
然過田鼠憶昔開元重娥眉太真妖艷鬪容儀檻中竹葉多
輕落墻外桃花却倒吹力士銅綬五文章錦瑟龍巾百和香
芙蓉平吐銀屏彩鴛鴦斜飛金瑤光玉輦一去金門鎖戰塵
迷螢山葉墮舊苑吹殘牧篋風故墟半入獵人火不見楊李
諸兒回二十五郎罷酒杯白猿聞嘯下山角蛇老精靈引衆

虺麗景雄圖那可恃鸞鏡無色虬鐘死美人幻為馬嵬塵新
聲變作洛河水霞飛水逝去不還雕房瑤榭亦可憐荒原芳
草生新地函關古月照晴川野人告我不欲去蕪窟老鴉觸
情絮試問姚宋及祿山烟雨濛濛不知處

宜陽志

潁陽三月雨雪歌贈丁元父

王鐸

潁陽山中三月雪拂石點苔映春月行人三日嵩峰游欲行
不行心斷絕古稱洛邑天地中三月胡為尚朔風巖前看竹
微微翠澗底尋花悄悄紅登封主人有異政去國憂讒時卧
病無乃此事干天和不然何以乖時令世途反覆那可知把
酒且唱游仙詞雪晴驅馬朝雲爾對三花採寄誰

登封志

哀洛陽故宮

王鐸

洛陽三月春不新惱殺洛陽看花人舊時池館今不識暮鴉
啼破楊柳春憶昔歌舞滿宮闕結風裊雲不飛月晴鶯曉樹
春相引錦幙流蘇香未歇玉笙吹夜小星稀蘭膏晚照靚粧
衣芙蓉寶幄金條脫翡翠之裙蝴蝶飛傾彩流光蕙為質稱
觥手捧半邊日醉倒春聲傾銀河夜來不放星星出壬午賊
來破洛陽殺戮劫奪如虎狼血漬鑿輅埋灰燼刀卷陰風入
掖廊土人拾得碎玻璃寶釵金鳳霑黃泥觚稜燒玉真龍死
榮楯裂錯鬼馬啼曲徑猶傳碧梧宮遺墟但見狐狸蹤日暮
悲歌傷懷抱拔劍欲砍斷春風春風無復人倚樓灑水泱泱

繞宮流唼咽嗚嗚不忍聽日夕麋鹿上城頭

春初同傅叔甘公定遊石淙

王鑑

石淙壁開一天水瑠璃卷瀟噴紫藟源泉直下嵩峰巔
 半浴澄潭裏春冷石淙水不飛正月二月遊人稀
 聯鑣踏碎頽川雲斜轉山腰入翠微山中雜石吐雲煙
 珍木瓊英覆其顛翫岫飛銜滄海日芙蓉倒插蔚藍天
 紅蘿素月鋪春柔碧涓丹泉瀉通幽水盤白若深無極
 壁削青蓮欲倒流武后昔年同此遊君臣賦詩鑿清秋
 我今同遊有數君栗君張君與不羣傅家伯仲稱妙阮
 二子隨我攀綠雲舒情忽放莽畏側飾心不掩少室色
 文章從此變虎豹日月不敢頓傾仄一谿

吹來龍母風千巖滴碎淥玲瓏桃花閉口不成笑杜鵑
 迎春放小紅大淙小淙聳雲壑飛珠連珠相錯落翠娥
 鼓瑟馮夷舞少姨吹笙嫁海若大白且浮干頃波漱石
 洗耳放高歌許由呼來濯我足醉後倒騎金波羅回首
 西山頭半白讀書飲酒時已迫且枕石淙眠千日不然
 終身慙懼齷齪富貴亦何益

以上大愚集

九龍潭歌

施閏章

翠屏倒削寒谷重坎靈湫連碧玉鞭靈作雨龍歸來縮角攢
 鱗此中宿密林夾石石髮青崩崖割磔陰風腥下有菖蒲寸
 九節潭幽磴滑雲冥冥浣纓屐杖人嘯語困嬾九龍眠不醒

君不見才雄膽大昌黎子石記猶傳雷震耳

愚山集

三栢行

沈荃

太室山前三古栢屹然開峙倚絕壁黛色成陰數十畝霜柯
蔽日百千尺挺生不知自何年森梢巨榦排蒼烟得地能逃
斧斤厄摩空直據造化先凌冬蕭颯色葱蒨過客欷歔但增
羨枝間往往出蛟龍巖下時時起雷電漢家天子事登封鸞
輿忽駐三花宮此栢特賜將軍號草木恩榮誰與同羽林車
騎今何有武帝雄圖消歇久古樹寧隨時代更含風溜雨渾
難朽將軍作鎮嵩之陽肅如劍佩儼成行空山魑魅皆竄伏
白日狐狸亦走藏年來對碧嶂此栢之壽安可量木槿

朝榮祇足悲靈椿大算何容抗君不見五松大夫在岱宗毒
流海內祖龍寧為漢帝壇前栢莫作秦王嶺上松

釋堂集

盧巖行

傅作霖

大甕飛懸誰割半珠花倒瀉結素幔遊風抽碎鮫鮓絲滴入
枯石蠹紋亂久因烽火障幽岑物我重逢興不禁穿窟野魅
踏鼉舞啣嵐嬌鳥贈好音音歌婉轉暑氣清灑酒呼雲訊山
伴英雄削迹知幾許何事獨傳隱士名此情無限欲何之妬
歡狂雨來催詩闢蘿尋徑蒼烟晚今後明月繫相思

通志

嵩山漢栢

耿介

山之石何嶙峋水之洞何逡巡中有大樹鬪足分云是漢封

三將軍力拔地軸勢掠雲盤薄川嶽氣氤氳枝如蒼虬扶幹似青嵯裂雷電之所焮轟陰陽之所醪結魍魎遁踪狐兔莫穴爾乃高秋夜半悲風急鞭打貔貅生霹靂細者蹂躪堅者摧迅掃中原無鋒鏑君不見衛霍功貳師績英雄千古空寂歷惟有嵩陽此物矍鑠真罕敵鍊骨撐撐凌峭壁

賦得嵩山爲比隣

耿介

我生嵩山下荏苒六十春始而流離瑣尾之艱辛旣而宦海風波之浮沉繼而疾病藥餌之侵尋邇來結廬嵩山盡得與嵩山爲比隣朝夕相與情最真我去兮山黯澹我來兮山精神二十四峯峯峯秀環列皆我之同人有時嵐氣正氤氳有

時谷口多閒雲有時清風響萬籟有時晚霞對夕曛有時皓月映虛巖有時積雪戴層岑有樹兮巢白鶴有水兮游素鱗客至兮澄泉可煮布席兮綠莎成茵溪邊可以談道石上可以垂綸丹崖碧澗幽壑深林不論早暮不擇晴陰不拘寒暑不分主賓磅礴終日相對忘言而莫逆于心其端方正直之槩特立不撓儼然示我以行道先立身而長育羣彙萬物欣欣又隱然示我以造化生物之仁我豈樂山而得山之性情兮相與或默或語或往或來而或屈或伸抑優游養拙木石爲侶兮麋鹿爲羣自同于聖世之逸民恐後來者嘆問津之無路聊以此詩持贈君

以上敬恕堂

同郭渭石

冉觀祖

大造產奇石鎮古植於此如何好事者指為塗山氏禹也神
聖啟也賢事蹟分明垂經史異說紛紛徒浪傳堪供一笑而
已矣我來盤膝坐石陰石上題名難徧視白石斑駁成蒼
立臥合看應相似聞說前峯洞壑幽逸興飄飄振衣起北上
層巒一縱目莽莽山川自流峙

鐵梁峽

冉觀祖

攢峯老樹排千章驅除炎熱來清涼汲泉旋煮勝天漿襍花
異狀各含芳鳴禽睨眈恣翱翔石墜礮聲琅琅下窺萬仞
何真茫直北兩崖忽分張隔林隱隱逗天光我欲度峽無鐵

梁焉能振衣凌高岡

以上
嵩吟

栢樹將軍歌

傅而師

君不見嵩陽老栢身崢嶸堦口磨霞天之楹漢皇曾此賜弓
矢實亦不知何代生恐是混沌之質萬卉之母幸遇知己之
主受恩于漢而得其名吁嗟將軍何縱橫毋論骨體之奇色
貌之古皮留雪霜榦排雷雨匝厚地以無垠盪長空而傲舞
凡鳥不敢巢其巔樵蕪不敢試其斧兄若弟兮連營亘天樞
而鎮中土卽其忠心浩氣力任折衝鶴髮虬髯長鍛短矐立
則如山岳鳴則如鍾鏞功成分茅于此處罔闡圖象避其鋒
其上誰鑿千百孔詢之士人皆曰相傳雲霧瞋冥日此中曾

出幾千幾百大小之神龍夫亦疇測其始于何始而終于何
 終吁嗟將軍何縱橫已矣哉酌金罍日車將翻地軸摧大樹
 將軍已塵埃漢家又歷唐與宋愴然懷古空徘徊如今老將
 無人識鵝鸛壁壘長蒿萊况逢亂後多翦伐恐君難保救時
 才我欲起爾誅荆棘誰其叩闔天門開

枕煙亭集

北邙山歌

田雯

黃河之北孟津野土石何礫山之下千年伐盡漢諸陵可憐
 故物無石馬温洛東流翻日車洛神何處烟波斜行人日暮
 轘轅道春風吹落北邙花

轘轅關放歌

田雯

五丁神力齊鬪彊二室鑿破森開張空窅洞壑立門戶下疏
 洛水奔洛陽車馬不從此地入途迷化聖風沙黃轘轅關自
 何代始崎嶇犖角迴羊腸石子大者似石困小者彈丸如珠
 光禹行治水錯伐鼓塗山氏女來相將野語創自淮南子搜
 神述異何譎狂五乳峯嵐但咫尺山椒神漢紛低昂三素雲
 涌駭霞漏吹笙王子摩青蒼天邪桃花路側塞翠坑天棘排
 兩行驚瀧聲搖緱氏嶺匹練飛下金牛岡白髭老子游嵩客
 八風四扈來徜徉春山淡冶迎人笑燕子戴勝鳴村旁便與
 洪崖採藥去手抄木序長生方雲駢一駕羣靈接上朝三十
 六玉皇

盧巖瀑布

田雯

兩山忽張匹練垂欲斷不斷天風吹下注澗壑如奔馬山根
搖動駭鼓椎泉石膏肓那可假須尋佳處結茅舍為語吾家
老游巖同來觀此瀑布者以上古歡堂集

洛陽女兒行

陳維崧

朝登洛陽城暮出洛陽道洛陽城中多女兒洛陽道上春風
吹陸機詞賦成名日王濬樓船得意時陸機王濬才華盛少
年游俠誇名姓金谷園開玳瑁樓銅駝巷掛珊瑚鏡女兒矜
服惜娉婷但願春醒不願醒挾彈只經宣曲觀吹簫常坐夕
陽亭六街三市連青瑣洛下何知有江左賈克閣內慣薰香

潘岳車前爭擲果永嘉名士正風流典午驕奢百不愁頃刻
南朝成六季須臾西晉已千秋桑田滄海難相待疇昔韶光
竟誰在朝內潛悲青蓋非城中暗泣紅顏改轅轅伊闕一番
新寂寂風光愁殺人只有北邙山下路蘼蕪還作洛陽春

雪後從偃師至登封度少室山嶠嶺

陳維崧

已酉首春月十七渡洛曉發楊林東嶙峋負黍忽拔地湧出
齒蒼攢蒼穹我行弭節躡絕頂歎欲灑氣蒸鴻濛是時萬山
正積雪砭岬鐵縞光玲瓏白踏中原莽浩浩紅摸暘谷光熊
熊恭聞嵩山壓天下五嶽異秩茲當中百王燔瘞誌昭報列
聖柴望彰尊崇我生江表若培塿何異斥鷃棲樊籠昨年驅

車走燕趙亦復羸馬經山東北恒東岱掉臂過探奇未獲登
 寵崑惟茲我更有夙契嶽靈憶昔叨幘幪前朝熹廟歲乙丑
 余祖六表孫得雄含飴摩弄感神貺嘉名肇錫云維崑此行
 詎料陟山麓禮合膜拜酬神功何為過廟不敢入爾與童殺
 將無同嗚呼此亦大有故貧賤自恨無終窮短衣蔽髀泥沒
 深見此轉使山靈恫依人奔走覓衣食似爾豈得誇桑蓬揮
 鞭掩面凌絕險矯若鸞鳥搏天風趁人山勢似相捕遮莫失
 脚愁虛空

以上湖海樓集

入少林書事

毛奇齡

嵩陽宮前山翠濃西行繫馬金牛峯新鶯啼歇綠楊裏潦水

倒入清溪中春寒衣袖晚來薄細雨濛濛灑幽壑林杪高穿
 雙樹行巖前時見三花落崔嵬糾宇本金布上界鐘聲出雲
 霧殘碑萬堦讀未成暝色空廊坐來暮山深寂靜鮮人語松
 頂微聞住春雨深厨野藿供晚餐竹牕新月明前塢老僧跌
 坐為我言北朝舊是祇陀園精藍洛下總稠穰此中絕壁無
 攀援嵩邱相峙藏貝葉列祖持衣寡言說阿闍翻經降露華
 中亭斷臂飛寒雪聞言憬然動我心恍對秋潭卧冰冽夜夢
 胡僧折予指不記前身迦葉子難尋澗底三昧泉且飲當前
 八功水蘧蘧却枕蝴蝶飛晨光養樹看熹微滄滄赤日上瓊
 壁太室少室爭光暉出門欲問來時路策馬悠悠何處歸

游石淙

毛奇齡

游石淙石淙不可渡倚翠屏兮有雲躡流泉而無路流泉激
 激上有臺叢崑巖石嶂中開崑前合沓流霞起石上玲瓏瀉
 水來玲瓏細水瀉危石絕壁參差望來隔觸溜微牽莎草紅
 翻漚似覆蘋花白當年侍宴碧澗隅金輿玉漏開雲衢離宮
 祕苑游仙女石畔崑邊到帝妹儼流泉之調瑟比鳴鳥于吹
 竽今來獨上雲錦闕俯瞰長河跳流沫碧草薰開帳殿烟青
 蘿捫待珠宮月珠宮帳殿不復留青蘿碧草綠溪流望美人
 兮何處悵獨立兮山之幽山之幽兮水之曲春色芊眠兮水
 波漾看蝶舞兮中林聽鶯啼兮深谷鶯啼深谷柳暗催銜衣

蛺蝶及春來只有流泉無旦暮年年石上自潑洞

以上西河文集

永寧程母節烈詩

潘耒

熊耳山頭賊如蟻磨牙殺人血流水千金白璧不受污哀哀
 節婦投崖死節婦死孤兒悲投劍走馬東西馳興安將軍目
 如電竒兒骨相封侯姿移師擊賊賊瓦裂懸頭牙門兒仇雪
 行求母骸母有神身死不腐經六旬土人葬之七尺墳孤兒
 求歸墳草新手提仇頭酌仇血母貞子孝垂千春草蕭蕭松
 瑟瑟四十年來土化碧興安將軍紫騮馬故是當年報仇者

漢封栢

潘耒

世間之木誰最古嵩陽三栢無與伍一株火焚一半枯枯者

河南府志 卷之九十一
鮮枝猶楚楚一株獨完大百圍堅如金銅怪龍虎老幹駢立
直不欹孤根中蟠厚而無磊砢節目凍凝霜蒼鬱枝條潤含
雨苔色黯淡追蠹鐘篆文班駁岐陽鼓童童雲外聳危幢嶽
嶽天中標一柱不知栽植自何年但說褒封經漢武夏后隨
山或顧瞻周公卜洛應摩撫明堂清廟用孫枝福地仙山留
鼻祖我行天下多壯觀但恨古樹多摧殘大夫松亡剩枯枿
七星檜朽留空欄怪松不見天台頂社橘無復湘江干孔庭
之檜亦半死菩提樹短無花看幸得觀此太古物氣象渾樸
神堅完商彝周鼎詎足竝如獲璧經字不刊金人辭漢茂陵
此此栢無恙青檀藥所嗟人壽不如木 蟪蛄朝菌良可嘆人

身亦有不朽物後天而老先天安但能洞徹見本性豈必膠

擾求還丹

遂初
堂集

讀葉司城封嵩游草賦贈

朱彝尊

客居通路春復冬有如飢鳥仍投籠平生夢寐在五岳垂老
未覩嵩陽峰峰頭玉女定笑我那不控鶴鞭癡龍瓊漿勿飲
良可惜白髮滿鏡徒愁容葉君昔年宰登封莓苔洗字尋石
涼霞梯高高八百丈筍鞵踏遍青芙蓉 盧巖瀑飛一匹布鐵
梁峽偃千年松仙人十六時相逢問吹鷺管向明月有時鬢
插三花穠漸川俞叟與君往來熟言君愛奇恒未足開筵爲
蒸玉面狸行藥曾騎雪色鹿測景還登測景臺道遙宛在道

遙谷偶然長嘯百里聞每遇殘碑三日讀不見囊中金石編
 何殊集古歐陽錄崇文門西車轂擊十里黃塵眯人目下馬
 尋君道名姓一笑情親為鄉曲投我嵩陽詠百篇勝聽哀絃
 與豪竹近來海內工詩格新城王君最雄獨一見君詩許絕
 倫同調由來賞心速君今司城名籍甚栗果少年齊足踞入
 門廳事半栽花插架圖書尚連屋作吏如君良不俗閒從巷
 北期王君更許高齋醉醴醪金箱圖畫恣卧遊豈必盧鴻草
 堂宿

曝書亭集

鐵梁峽

葉封

我聞高山曰如卧得坤之體直方大以擬其巔或坦平不知

巖壑殊縱橫緣岡陟磴路或狹小大稱名鐵梁峽崖崩礮絕
 天地懸欲斷不斷如絲聯此謂蠡腰度山脈亦如劍脊分中
 邊小峽欹傾勢偏仄斗然劈破千尋直大峽豁豁乃更奇凌
 空巨石相撐枝宿雨常侵紫苔澀霾雲暗度煙蘿垂是時秋
 盡天瀟灑俯瞰寒光射村野若走驚泉倒壑流從知積雪留
 厓下峽上巉巖開翠屏其陽可憇無茅亭下看絕壁臨寥廓
 萬丈青蒼鬼斧削却顧疑身倚絳霄徒虛假羽騎黃鶴

黑石渡

湯右曾

昨從邛山來今從邛山去邛山朽骨萬萬古惟有行人朝復
 暮黃金蝕盡白石爛螻蟻三泉尚知處我來欲酌酒一盃落

日荒荒下前渡

懷清堂集

關門行

新安一名鐵門

呂履恒

哀陳公也公諱顯元楚之蘄州人崇正壬午令新安以滑稽息民為治時洛郡失守屬城邑皆隳公率民登鐵門砦日夜守陴不為動賊檄公公碎其檄大罵賊怒并力攻之砦啟無少長皆屠公走且呼曰糾民守死者縣令也宜殺某勿苦我民賊不顧公持其刃呼益急遂殲焉其子某亦與難遺民五十六人為之負土成墳予聞諸父老云

澗水奔山齧石根逆流百折趨鐵門
鐵門山上壘培在居民
曰是陳公屯瓦礫崩翻燒黔黑荒塚草白天黃昏猶傳壬午
世反側函谷關潰無完邑我公陟巘關巉石率民守死勿降
賊賊覘睥睨聲方怒謂若區區何自苦公笑不答揮礮石搥

碎檄移詈狗鼠黃巾萬眾并牛力飛鏃滿眼天地黑累卵難
支巢樹傾蒼顛黃口遭剗礫更張空券無所懼鬪血頸身
不仆同時哲嗣亦遭坑遺民負土營雙墓已矣哉天柱地維
昔崩摧金城鐵甕空崔嵬北門鎖鑰墮燕薊上東門亦軍延
開翻城倒戈皆如此嗟公為此一何哀春來杜宇猶啼血瓦
棺不朽常山舌落落青松三尺堆常照嵩峰萬古月

伊闕行

呂履恒

秋原何瑟瑟西風吹巷陌我行伊闕道俛仰感今昔伊闕由
來地勢雄屯雲嚙水倒長空澗灑卜宅仍周甸伊洛安流溯
禹功周甸荒蕪那可問禹功磨滅巖厓盡秦漢而還多戰爭

六朝元魏東西晉此時天下無安土高原血草民荼苦羅什
西來釋教興鑿山鑿石棲神宇方丈宏開地十洲浮圖高及
天尺五楊白花飛南渡江空王真力願相降已出帑金鏤鐵
像還將宮錦繡珠幢鈴鐸聲聞十里餘白毫光照月生初朱
門玉粲僧徒餒餓殍枯骨填空渠吁嗟乎重華之世民鼓腹
其時穀貴於珠玉絕地天通厭鬼謀枕席蒼黎日不足如之
何輕用民力至此極使民饑弗食勞弗息吞聲向天不敢泣
紛糜血肉塗巉石瓊宮金地今何在陰厓惟見幽燐碧如之
何輕用民力至此極

後伊闕行

呂履恒

青山忽破飛流洩吞吐天光互明滅東走嵩山西下秦中原
萬里開天闕天闕高高盡碧空中原漠漠見飛鴻山鳥聲移
紅樹外行人影在綠波中兩龕石佛多無數面對城中歌舞
處當年歌舞已成塵惟有鐘聲敲白露

石淙歌

呂履恒

噫歛歛石淙之水絕不類沱與瀦天根地軸相盤紆其下蛟
龍之所宅鼇鼉之所居其上高高入太虛或爲伏獸或爲飛
鳧使非良久睇觀之安知鬱鬱者松蒼蒼者石乎噫歛歛彼
造物者誠有無剖裂元氣矜寰區橐籥一鼓扇衆竅爭號呼
女媧鍊石不可補中有大小石室藏靈書靈書之中何言辭

沐日浴月人不知有客宛轉欲探奇恨無謝朓驚人詩割然
 長嘯山谷間恍如子晉清簫吹百靈躩踞一時至雲車風馬
 不可追三川自綿亘二室徒參差回首叫周且定鼎幾何時
 奈何風雨會和地竟使妖墨駐蹕於其間銘穢功而鏡淫辭
 惜哉石淙蒙此耻願比山霧一洗之須臾峽中雷雨作吞山
 倒石翻盆惡厖喧宇宙相迴薄此時耳目無所寄猿蹲蝟縮
 驚靈異始知天地秘其實不使冥搜遐覽無餘意返而登高
 青天沈瀟日出當心萬象烈燒但聞林木聲窸窣低洪濤又
 見瀾瀾白雲濕芙蓉翠落人煙出陰陽多變化萬事安可測
 噫歎石淙之水其奇也如此彼造物者有之矣我為佯狂

躑躅作此歌不獨紀登臨而已

青要山行

山經云是惟帝之密都
有黃花赤實服之延壽

呂履恒

黃河南岸臨山巔青要名山山經傳亂石驚濤一綫路羣峰
 東走如飛仙是惟上帝之都會胡為乎陰陽輾轉爭天權亭
 午不能見日月魑魅晝行無人煙其下蒙茸裏人足其上豺
 虎摩人肩我欲杖策闕此道手無斧柯心茫然巖前松栢鬱
 不發奇峰麗石皆淪沒不見黃花赤實仙但見荒煙古戍天
 寥澗南村有吏橫索錢手弓步歛量石田僕夫恐懼趨馬還
 波聲漸小鳴潺湲嗚呼何時比屋安眠無吏過使我登山臨
 水開心顏

以上夢
月巖集

夾馬營

查慎行

櫪馬驚嘶嘶不止紅光夜半熊熊起男兒墮地稱英雄檢校
 還朝作天子陳橋草草被冕旒版籍不登十六州却將玉斧
 畫大渡肯遣金戈踰白溝隔河便是遠家地鄉社粉榆委邊
 鄙當時已少廟清功莫怪虜孫主和議君不見蛇分鹿死闕
 西京豐沛歸來燕代平至今芒碭連雲氣不似蕭蕭夾馬營

游石淙

呂謙恒

亂山硯矸疑無路披盡蒙茸向烟霧澗水淙淙忽有聲崩崖
 石罅相迴互其下深潭一千尺俯視蒼黑不敢立夜半時聞
 雷雨鳴潛虬跋浪閒出入激湍噴薄結輪風虛洞盤回若履

空靈怪應從天地闢欽崎不與斧鑿同捫壁穿雲歎奇絕古
 碑剝落苔蘚色妖石當年駐翠華詞臣扈從爭珥筆嗟乎石
 淙多此名箕山頽水空相惜十年負海嶽志徒倚高天生
 遠思歸來月照松窻明夢魂猶遶雙峯翠

栢樹將軍歌

呂謙恒

嶽麓南偏三古栢迸根遙浸前溪石劈面蒼崖忽倒垂眼前
 突兀驚山坼大者徑可七人圍次亦五人勢相埒象風象雨
 肖厥形枝葉攪拏互杌隄其一傳聞圍三人火餘金剗封萌
 蘖錯倚離立狀不同鐵膚剝盡青銅齒二十四峰濕翠灑沐
 日浴月盪精魄雲來氣擁天門青月出光連少室白六月扇

風暑欲盡森森毛骨寒生劇白日雷雨爭晦明變化陰陽在
倏忽吁嗟乎軒皇鑄鼎自何年秦帝鞭石傳怪跡大夫之松
既朽蠹天仙孤幹全崩若密縣天仙宮
白松今枯神物豈受雷火劫榮
枯無乃因天厄呼吸閭闔帝座通輪囷倒壓山楹窄飽經雪
霜閱歲寒翻憶輿境初開闢天使獄靈成邁會人因賜爵爭
咄惜武帝陵闕松栢盡秦川何處空碑碣以上青
要集

田橫墓

劉青黎

洛陽城東三十里道北有塚巋然起殘碑剝落字依稀云齊
田橫墓於是旁一小邱耐東偏想是從來之二士陳詞薦酒
憶昌黎四顧慨然嘆不止雄心不受北面辱乘傳胡爲乎至

此一旅一成自可王五百人况如虎兇海島焉知非沛上長
驅逐鹿中原壘不然割據伯一方尉佗南越亦其比縱事不
成葬魚腹猶愈勿身尸鄉裏吁嗟成敗亦偶然龍準翁特僥
倖耳箕倨嫚罵溺儒冠從遊者誰知潦耻假令三尺劍不靈
鴻門不死彭城死蕭曹豈是仗節人子房早從赤松子得士
雖未免劍鋸擾擾終能殉知己

宋陵行

劉青黎

前有崧高後北邙伊洛縱橫盤中央青龍掉尾紫金接天水
遺冢紛低昂殿宇灰飛松楸盡殘碑斷碣橫夕陽伊昔東都
全盛日朝陵儀制何煒煌金吾百里罷傳呼黃麾仗絡鼎湖

傍素衣步入司馬門百官鱗次鳴璆琅歲時二仲奠宗正冬
 衣捧獻來嬪嬙七世相沿成故事青城禍起殊淒涼懷感蒙
 塵瑯琊南翠微不守熊羆亾驪山銀海九嶼匣摸金何代無
 中郎神臺墜裂特諱辭南山雖錮得無戕十二金牌棄兩河
 護陵劉湛空相償澗水盈涸亦偶然可憐父老夸貞祥五國
 遊魂置腦後含桃那問金粟岡轉眼厓山颶風起蘭亭真帖
 尤堪傷冬青樹上靈禽飛法惠寺名遥祀復何望雪晴日暖西
 京道昨朝夾馬今隋倉歷歷興亡在眼底臨風三嘆獨傍徨
 回頭却憶陳橋驛黃袍擁戴日無光以上高陽集

中岳廟

顧嗣立

五岳作鎮爭神臯中央獨秀維嵩高三公祭秩萬古昭牲璧
 致敬乘星輅憶從漢武來旌旂黃雲如蓋垂山椒唐宗隆禮
 薦血幣加封王爵示不祧門開闔闔吹清飈就中樓觀連雲
 霄複房閣道結構牢古栢森立青不彫鐵幹正直抽新條寶
 藏堆積縱火燒金人對立如相招耽耽正殿除煩歎冕旒龍
 袞象簡朝文臣武將分羣僚闕干白石襄瓊瑤後宮翟茀懸
 輕綃竹簾花影搖深宵倒身甘寢忘昏朝婦女拜叩福可徼
 毋乃褻慢神明嘲陽城遺跡傳唐堯詩咏峻極歌且謠申甫
 下降精神交中原清氣鍾吾曹褒崇僭越末俗囂黃冠廟令
 徒矜驕自從明祖排喧呶釐正封號煩文消

聖皇混一宵旰勞五風十雨時序調遣官絡繹包菁茅金泥
玉檢升嶠嶢峰頭玉女鳴仙璫縵山騎鶴吹玉簫石生九節
菖蒲苗慶雲鬢隸二室飄遙呼萬歲聲啣嘈

漢封栢歌

顧嗣立

吾聞天三生木渾沌開疑結元氣成胚胎青帝茫茫下視
中土一聲霹靂三栢迸出嵩山隈三代之前自太古傳說稟
封始漢武禺足亭亭莫與京號以將軍稱大樹其一化去隨
祝融至今畫圖貌入青濛濛其一海鵬風起乍摧折半死半
生僵卧龍就中一株獨駢植林立庭前森森正且直彭亨巨
腹百千圍如石如銅變奇色滿身剝落錯綺紋中心空洞通

煙雲嚴霜凍雨侵不壞螻蟻退避噴氤氳憶從堯季甲子至
元明天下紛紛幾戰爭南遷北渡陵谷換地坼天分荆棘生
山石爛為灰桑田變作海虎倒龍顛靜不知獨力支撐千萬
載闕盡興亡三十朝盤踞峰前色不改當季仙觀集黃冠羣
真珮響棲鳳鸞於今絃誦方濟濟諸生講解供盤桓我來獨
繞百匝久顧影摩挲傷白首王侯將相一去不復還巧拙賢
愚總何有豈如此栢車蓋狀童童雲為幕風為帚二室中間
萬古青應與六十之峰長不朽

北邙山

顧嗣立

北邙山山突起綿亘連延一千里中有王侯將相墳松栢悲

風吹不已道旁高下何纍纍古人試問存者誰野夫耕田得
寶玉白骨委地眠狐狸北邙山漢陵始唐宋英靈半來此郊
原浩蕩四時宜可惜風光盡屬鬼以上嵩
岱集

華蓋峯歌

聖製元韻
恭和

錢陳羣

未聽海客瀛洲談

李白詩海
客談瀛洲

尋竒攬異休與南山經嵩山
在休與南吾

皇時邁典禮叅雲罕拂拂飄風縝百神呵護民心忭禮成陟

巘留清探茲峯高大冠中岳中次十九無不函

邢昺云嵩山
在中之次以

高大昭嶢嶭屹勢欲添霞擁樹絡標晴嵐惟

聖靜壽樂且耽山與仁遇山無慙解以怡然會以恬元氣蓬
勃惟所堪如企如翼如削巉圖經註編皆不凡宅中毓秀六

合成以土配德非森嚴仰尊一人弟子男

聖母停輿香淨拈神光似簇浮圖尖瑞靄郁郁萬木含散作

芝篆襲衣襟

叶

曰頌曰洞曰衍谿縈繞河洛中仍窅實者布

濩空者嵌每於勝處藏精藍變見融結百草穉四時佳氣景

物兼况感德意溥旣覃如以袈紫被瞿曇昭回所及伏怪險

叶陋彼天柱稱皖潛篤生申甫調梅鹽涼秋新寒肅千巖霜

楓露榭顏欲酣竒松古檜垂氤氳六龍北指回天驂驕黃

駝駱驪駉驪轅轅坂峻迴層岷豈惟天孫魯是瞻天中式序

秩可規東西朔南同列三

香樹
齋集

香山寺

桑調元

龍門香山夾大川左右飛翠衝波漩交流伊洛嚙頑堅朝陽
夕陽精鐵然賓陽黝洞伊闕連一根筇竹豁衒穿渡河一葉
輕澗沿白公剏寺涯東偏清閑微之引勝緣梵王巨剏標危
巔十寺強半陳跡湮此獨兀突撐中天時巡

聖主臨澗灑罕蹕縹緲靈山前樓臺吼起金碧鮮 奎文煥
爛照坤乾銀鉤勒石蛟龍纏紫氛騰騰護雕檮琳宮增耀垂
千年王城邑子頂禮虔桃花仕女來珠軒衆香寶地肅芊芊
孤園隨喜何駢闐暗人覽古踏蒼烟亭臺高下行躡躑醉吟
翁草翻遺編紗巾草履思古仙乘化歸去留荒阡山川陵谷
縱變遷清文不沒清光延序文持比金谷賢俗塵侶得犀辟

蠲西厓

湯公右曾

風雅藹孤鶩栽培封樹清墓田退谷

汪公士鉉筆勢

尤翩翩擘窠大字精雕鐫重之不異珍珠船晚春光景飛榆
錢攢鋪一徑楊花瓊悠然倚樹聽流泉坐看長河落日圓平
沙宿鷺紛聯拳薄衣白袷聳吟肩詩成揮在銀光箋好事或
作蝮蛇憐清遊不用姓名傳形模高穎濶兩顴濟勝未覺腰
脚孱去矣疾若箭離弦一彎明月松間懸

漢栢

桑調元

元氣盤鬱嵩之陽有栢離立參天長問年直在彭聃上羸劉
何足論興亡一株鐵幹蟠蒼昊蒼皮鱗皴白骨老東頭飛柯
百尺枯巨斧斫斷虬龍爪佳哉生氣何婆娑枝條蓊蔚形嵯

峨半人喜得習鑿齒全人疑視哀駘它其一磅礴更奇絕周
遭七圍蘚皮裂輪囷空腹雷火燒風雨濤奔穿洞穴是中廓
落可容人盤根不動何嶙峋空明豁達透日月正直昂藏驚
鬼神古來英君稱漢武封禪會經過中土猥加封號大將軍
千載猶錄羣芳譜通天臺上新仙靈金盤承露凌高曼劉郎
亦是秋風客茂陵松柏摧爲薪巍然此樹形模久螭篆龍文
互轉紐仙宮梵宮幾劫灰人生安得如汝壽汝邀天幸更堪
論三株僅有兩株存君不見書院空階餘石壘當時共拂蒼
烟痕

放歌行登峻極峯作

桑調元

崑崙祖派青龍從兩戒巖嶽爭豪雄河山環拱此隩宅崧高
拔起天當中灑氣呵噓對噴薄離合太少分西東華蓋童童
赤霄上旂旒瓔珞垂高空霞氛輝赫照帝所瀛寰萬嶺齊朝
宗神房白晝起烟霧嵌竇騰湧陽光紅岱衡恒華儼列笏天
門詖蕩開鴻龍石樓千尋駕紫翠丹梯逕絕風雲通菖蒲九
節雜瑤艸繽紛石上香茸茸神仙恍惚善狡獪風袂難把浮
邱公漢武登封集靈瑞茂陵烟樹薶蒿蓬金繩玉檢復自誑
若呼萬歲驚愚蒙

今皇睿識高萬古陋彼封禪誇神功稽古典禮時巡狩燔柴
秩祀臨中嵩乘凌周道至峻極飛龍直上第一峯乾坤磅

礪發 天藻穹碑鑄鑿厓磨礪野人夙願遍五嶽發軔此地
標遊蹤青鞋布襪便登陟半空巒磴盤孤筇二十四峯羅鳥
底咫尺少室雲嵐重放眼層空周八表齊州極覽烟濛濛飛
光倒影射絕壁日車弭節踰高春芙蓉萬朶金明滅一披帝
觀排心胸默禱神靈毓申甫永贊鴻號熙無窮烟庭樾館
結構草堂作計棲盧鴻以上張甫集

華蓋峯歌

聖製元韻 恭和

劉綸

神鼇八柱非妄談中權今見河之南密耶崧耶說互參鈞鈐
垂芒紛纒繆會朝烏奕羣靈快虞書四巡牒可探中央虛位
成幽崑緘滕孰啓靈威函元圭告功註腳添外方名僅儕煙

嵐七十二世彌文耽金泥玉檢徒滋慙生逢

聖時樂遂恬富媪爲輿泰壹堪銘德豈待刊青嶢祠官廟謁
紀太凡將陽謾或調莖咸祀以其秩禮數嚴上公領侯伯子
男修廊變相森難拈刀輪軋軋劍樹尖沆漑凌晨仙蹠含山
河滿眼宜披襟叶

飛龍引鞚忘訝谿下者不舉上不滾地維包絡迷空嵌天極
低昂辨蔚藍囊荷蓄草香醞醜礫雲忽起罡風兼真形欲獻
精畢覃九區一蓋如鉢曇象外得句驚鑿險叶朔圖劭儀同
表潛骨骼媿弗勝車鹽跛牂況當九曲巖宵中邱壑撐婪酣
胎僊開籠去璣珍伊尼出檻來騰驂豪駭敢自誇有驪芒鞵

黃緣厓與岷高高日觀前仰瞻深深玉井後竊覘臣以丙辰赴

試經秦岱辛酉奉使過華陰五嶽何幸遊其三繩庵內集

杜工部祠在鞏縣張月槎太史嘗題曰詩聖故里呂守曾

却嶺東來勢不齊殘碑屹立河之西金蘇剝落字難捫空來繫馬綠楊枝雞皮野老相邀坐淡水濃陰憇少時指點路東新廟堂建自周南張太史額曰詩聖杜工部當年篤生在此里天地間氣鍾一身穆然詩思含真宰一鉢不敢忘君國可但區區驚神鬼新安石壕恣苦吟西去北征徒憂死後世詩人皆師承契合非詩以性始太史名集傳河洛為聖者徒應如此有唐到今已千年請為太史屈一指松坪詩州

少室

朱 楓

昔年汝海看少室九葉蓮花漾翠律駐屐渾忘百里遙峯峯翠聳雲中出今年杖策少溪橋六六峯高早見招情如會面權何極空林吹袂風蕭蕭排山集

補遺

洛陵

宋 程忘吾

日射石虬鱗甲開草色又換青春回精靈聚散豈拘束山鬼叫呼松栢哀當時沸天簫鼓動今日悲風陵上來忽忽古今成傳舍人生有清淚盈把乾坤誤落腐儒手只遣空言當汗馬西晉風流絕可人悵望千秋共瀟灑忠義集

天津橋東旬宴得歌字韻

張九齡

清洛象天河東流形勝多朝來逢宴喜春盡却妍和泉鮪歡
時躍林鸞醉裏歌賜恩頗若此為樂奈人何同上

送蘇主簿赴偃師

張九齡

我與文雄別胡然邑吏歸賢人安下位鷺鳥欲卑飛激節輕
華冕移官徇綵衣羨君行樂處從此拜庭闈同上

幸少林寺應制

宋之問

紺宇橫天室回鑿指帝休曙陰迎日盡春氣抱巖流空樂繁
行漏香烟薄綵旂玉膏從此泛仙馭接浮邱本集

扈從登封途中作

宋之問

帳殿鬱崔嵬仙遊實壯哉曉雲連幕捲夜火雜星回谷暗千
旗出山鳴萬乘來扈從良可賦終乏揆天才同上

扈從登封告成頌

宋之問

復道開行殿鉤陳列禁兵和風吹鼓角佳氣動旗旌後騎迴
天苑前山入御營萬方俱下拜相與樂昇平同上

崧山嶺應制

宋之問

翼翼高旌轉鏘鏘鳳輦飛塵銷清蹕路雲濕從臣衣白羽揮
丹壑天營逼翠微芳聲耀今古四海警宸威同上

緱山廟

宋之問

王子賓仙去飄飄笙鶴飛徒聞滄海變不見白雲歸天路何

其遠人間此會稀空歌日云暮霜月漸微微同

陸渾山莊

宋之問

歸來物外情負杖閑巖耕源水看花入幽林採藥行野人相問姓山鳥自呼名去去獨吾樂無然愧此生同

故洛陽城侍宴應制

姚崇

遊豫停仙蹕登臨對晚晴川鳧連倒影巖鳥應虛聲野奏風成曲山居雲作纓今朝邱壑上高興小蓬瀛文苑英華

春日洛陽城侍宴

姚崇

南山開寶歷北渚對芳蹊的歷風梅度參差露草低堯樽臨上席舜樂下前溪任重由來醉乘酣志轉迷同

奉和洛陽翫雪應制

沈佺期

周王甲子旦漢后德陽宮灑瑞天庭裏驚春御苑中氛氲生浩氣颯沓舞回風宸藻光盈尺賡歌樂歲豐本集

嶽館

沈佺期

洞壑仙人館孤峰玉女臺空濛朝氣合窈窕夕陽開流澗含輕雨虛巖應薄雷正逢鸞與鶴歌舞出天來同

遊少林寺

沈佺期

長歌遊寶地徙倚對珠林雁塔風霜古龍池歲月深紺園澄夕霽碧殿下秋陰歸路煙霞晚山蟬處處吟同

進船泛洛水應制

孫逖

禁園紆睿覽仙權叶時游洛北風花樹江南彩畫舟芳生蘭
蕙草春入鳳凰樓興盡離宮暮煙光起夕流本集

洛

李嶠

九洛韶光媚三川物候新花明丹鳳浦日映玉雞津元禮期
仙客陳王觀麗人神龜方錫瑞綠字重來臻文粹

歸嵩山作

王維

清川帶長薄車馬去閑閑流水如有意暮禽相與還荒城臨
古渡落日滿秋山迢遞高高下歸來且閉右丞集

陸渾水亭

祖詠

晝眺伊川曲巖間霽色明淺沙平有路流水漫無聲浴鳥沿

波聚潛魚觸釣驚更憐春岸綠幽意滿前楹文粹

洛陽東門送別

儲光義

東城別故人臘月遲芳辰不惜孤舟去其如兩地春花明洛
陽苑赤緣小平津是日不相見鶯聲徒自新文粹

上巳洛中寄王九迥

孟浩然

卜洛成周地浮杯上巳筵鬪雞寒食下走馬射堂前垂柳金
堤合平沙翠幙連不知王逸少何處會羣賢襄陽集

陪張丞相登嵩陽樓

孟浩然

獨步人何在嵩陽有故樓歲寒問耆舊行縣擁諸侯林莽北
彌望沮漳東會流客中遇知己無復越鄉憂同上

贈蕭河南

韋應物

厭劇辭京縣，褒賢待詔書。鄧侯方繼業，潘令且閑居。霽後三川冷，秋深萬木疎。對琴無一事，新興復何如。

蘇州集

示從子河南尉班

并序

韋應物

永泰中，余任洛陽丞，以撲扶軍騎時，從子河南尉班亦以剛直為政，俱見訟於居守，因詩示意，府縣好我者，豈曠斯文。

拙直余恒守，公方爾所存。同占朱鳥剋，俱起小人言。立政思懸棒，謀身類觸藩。不能林下去，祇戀府廷恩。

同上

送澠池崔主簿

韋應物

邑帶洛陽道，年年應此行。當時匹馬客，今日縣人迎。暮雨投

關郡春風別，帝城東西殊。不遠朝夕待，佳聲同上

任洛陽丞答前長安田少府問

韋應物

相逢且對酒，相問欲何如。數歲猶卑吏，家人笑著書。告歸應未得，榮宦又知疎。日日生春草，空令憶舊居。

同上

送陳子歸陸渾別業

岑參

雖不舊相識，知君丞相家。故園伊川上，夜夢方山花。種藥畏春過，出關愁路賒。青門酒壚別，日暮東城鴉。

嘉州集

送故房相公靈輓歸東都

杜甫

遠聞房太守，歸葬陸渾山。一德興王後，孤魂久客間。孔明多故事，安石竟崇班。他日嘉陵涕，仍沾楚水還。

工部集

重題鄭氏東亭

杜甫

華亭入翠微，秋日亂清暉。崩石歛山樹，清漣曳水衣。紫鱗衝岸躍，蒼隼護巢歸。向晚尋征路，殘雲傍馬飛。

龍門

杜甫

龍門橫野斷，驛樹出城來。氣色皇居近，金銀佛寺開。往還時屢改，川水日悠哉。相閱征途士，生涯盡幾迴。

過宋員外之問舊莊

杜甫

宋公舊池館，零落首陽阿。枉道祇從入，吟詩更過淹。留問老君寂，莫向山河更識將軍樹。悲風日暮多。

洛陽

杜甫

洛陽昔陷沒，胡馬犯潼關。天子初愁思，都人慘別顏。清笳去

宮闕，翠蓋出關山。故老仍流涕，龍髯幸再攀。

送孟十二倉曹赴東京選

杜甫

君行別老親，此去苦家貧。藻鏡留連客，江山顛頓人。秋風楚竹冷，夜雪顰梅春。朝夕高堂念，應宜綵服新。

憑孟倉曹將書覓土婁舊莊

杜甫

平居喪亂後，不到洛陽岑。為歷雲山間，無辭荆棘深。北風黃葉下，南浦白頭吟。十載江湖客，茫茫遲暮心。

洛陽作

張繼

洛陽天子縣，金谷石崇鄉。草色侵官道，花枝出苑牆。書成休

逐客賦罷遂為郎貧賤非吾事西遊思自強全唐詩

歸渡洛水

皇甫冉

暝色赴春愁歸人南渡頭渚煙空翠合灘月碎光流澧浦饒
芳草滄浪有釣舟誰知放歌客此意正悠悠同上

洛陽早春

顧況

何地避春愁終年憶舊遊一家千里外百舌五更頭客路偏
逢雨鄉山不入樓故園桃李月伊水向東流同上

送李員外院長分司東都

韓愈

去年秋露下羈旅逐東征今歲春光動驅馳別上京飲中相
顧色送後獨歸情兩地無千里因風數寄聲文公集

遊少林寺

戴叔倫

步入招提路因之訪道林石龕苔蘚積香徑白雲深雙樹含
秋色孤峰起夕陰屢廊行欲遍回首一長吟全唐詩

洛陽河亭奉酬留守羣公追送

李益

離亭餞落暉臘酒減春衣歲晚煙霞重川寒雲樹微戎裝千
里至舊路十年歸還似汀洲雁相逢又背飛同上

送友人還洛

李端

去國渡關河蟬鳴占樹多平原正超忽行子復蹉跎去事不
可想舊遊難再過何當嵩岳下相見在煙蘿同上

送太易上人赴東洛

司空曙

遙見登山處青蕪雪後春雲深岳廟火寺宿洛陽人餌藥將
齋折唯詩與道親凡經幾回別塵尾不離身同上

洛陽清明日雨霽

李正封

曉日清明天夜來嵩少雨千門尚煙火九陌無塵土酒綠河
橋春漏閑宮殿午遊人戀芳草半犯嚴城鼓同上

送盧處士歸嵩山別業

劉禹錫

世業嵩山隱雲深無四鄰藥爐燒姪女酒甕貯賢人晚日華
陰霧秋風函谷塵送君從此去鈴閣少談賓隨州集

罷郡歸洛陽閑居

劉禹錫

十年江海守旦夕有歸心及此西還日空成東武吟花間數

杯酒月下一張琴聞說功名事依前惜寸陰同上

酬李相公喜歸鄉國自鞏縣夜泛洛水見寄

劉禹錫

鞏樹煙月上清光含碧流正無三已色猶泛五湖舟鵬息風
還起鳳歸林正秋雖攀小山桂此地不淹留同上

和李相公初歸平泉過龍門南嶺遙望山居即事

劉禹錫

暫別明庭去初隨優詔還曾為鵬鳥賦喜過鑿龍山新墅煙
火起野程泉石間嚴廊人望在只得片時閑同上

河南府試贖帖賦得鄉飲酒詩

呂溫

勸言修舊典刈楚始登堂百拜賓儀盡三終樂奏長想同鶯
出谷看似雁成行禮罷知何適隨雲入帝鄉全唐詩

授太子賓客歸洛

白居易

南省去拂衣東都來掩扉病將老齊至心與身同歸白首外
緣少紅塵前事非懷哉紫芝叟千載心相依長慶集

履道春居

白居易

微雨灑園林新晴好一尋低風洗池面斜日拆花心
陰重春添水色深不如陶省事猶抱有弦琴同上

歸履道宅

白居易

驛吏引藤輦家童開竹扉往時多暫住今日是長歸
眼下有

衣食耳邊無是非不論貧與富飲水亦應肥同上

夜從法王寺下歸嶽寺

白居易

雙刹夾虛空綠雲一徑通似從初利下如過劔門中
初合笙歌曲未終可憐獅子座昇出淨名翁同上

香山下卜居

白居易

老須為老計老計在抽簪山下初投足人間久息心
亂藤遮石壁絕澗護雲林若要深藏處無如此處深同上

西還壽安路西歇馬

白居易

槐陰歇鞍馬柳絮惹衣巾日晚獨歸路春深多思人
去家纔百里為客只三旬已念紗窗下應生寶瑟塵同上

初歸平泉過龍門南嶺遙望山居卽事 李德裕

初歸故鄉陌極望且徐輪近野樵蒸至平泉煙火新農夫饋
雞黍漁子薦霜鱗惆悵懷楊僕慚為關外人 會昌一品集

洛中士君子多以平泉見呼愧獲方外之名因以此詩

為報奉寄劉賓客

李德裕

非高柳下逸自愛竹林閑才異居東里愚因在北山徑荒寒
未掃門設晝長關不及鴟夷子悠悠煙水間 同上

春暮思平泉雜詠

選十一首中有五古以類相從故併附入

李德裕

遠村寒食後細雨度川來芳草連谿合梨花映墅開
籬籬懸落照松徑長新苔向夕亭臯望遊禽幾處回 望伊川

幽居人世外久厭市朝喧蒼翠連雙闕微茫認九原
殘紅映

鞏樹斜日照轅轅薄暮柴扉掩誰知仲蔚園

書樓晴望

高秋對涼野四望何蕭瑟遠見鳴臯山青峰原上出
晨興採

薇蕨向慕歸蓬葦詎假數揮金餐和養餘日

西嶺望鳴臯山

向老多悲恨悽然念一邱巖泉終古在風月幾年遊
菌閣饒

佳樹菱潭有釣舟不如羊叔子各與觀山留

瀑泉亭

激水自山椒析波分淺瀨回環疑古篆詰曲如縈帶
寧翹羽

觴遲惟歡親友會欲知中聖處皓月臨松蓋

流盃亭

近蓄東谿水悠悠起淥波綵鴛留不去芳草日應多
夾岸生

竒篠綠巖覆女蘿蘭橈思無限為感濯纓歌

東谿

西園最多趣永日自忘歸石瀨流清淺風岑澹翠微曉翻紅

藥豔晴曩碧潭輝獨望娟娟月宵分半掩扉西園

清剡與巖湍潺湲皆可憶適來玩山水無此秋潭色莫辨幽

蘭叢難分翠禽翼遲遲洲渚步臨眺忘餐食雙碧潭

野竹自成徑繞溪三里餘檀欒被層阜蕭瑟蔭清渠日落見

林靜風行知谷虛田家故人少誰肯共焚魚竹徑

蕙草春已碧蘭花秋更紅四時發英豔三徑滿芳叢秀色濯

清露鮮輝搖惠風王孫未知返幽賞竟誰同花藥欄

五嶽徑雖深遍遊心已蕩苟能知止足所遇皆清曠七十難

可期一邱乃微尚遙懷少室山常恐非吾望白敘

懷伊川郊居

李德裕

衰疾常懷土郊園欲掩扉雖知明日地不及有身歸鞏樹秋

陰遍伊原霽色微此生看白首良願已應違同上

寄陞運縣尉李景先

姚合

微俸還同請唯君獨自閑地偏無驛路藥賤管仙山月色生

松裏泉聲在石間吟詩復飲酒何事更相關全唐詩

天津橋晚望

顧非熊

晴登洛橋望寒色古槐稀流水東不息翠華西未歸雲收中

岳近鐘出後宮微回首禁門路羣鴉度落暉同上

洛中游眺貽同志

許渾

康衢一望通河洛正天中樓勢排高鳳橋形架斷虹遠山晴
帶雪寒水晚多風幾日還攜手鳥鳴花滿宮丁卯集

早發壽安次永壽渡

許渾

東西車馬塵鞵洛與咸秦山月夜行客水煙朝渡人樹涼風
皓皓灘淺石磷磷會待功石就扁舟寄此身同上

洛中秋日

許渾

故國無歸處官閑憶遠遊吳僧秣陵寺楚客洞庭舟久病先
知雨長貧早覺秋壯心能幾許伊水更東流同上

寄河南鄭侍郎

薛能

三峽與三壕門闌夢去勞湘水和洛水初雪灑嵩高大雅何

由接微榮亦已逃寒窗不可寐風地葉蕭騷全唐詩

洛陽道中寄弟

賈島

趨走迫流年慙經此路偏密雲埋二室積雪度三川生類梗
萍泛悲無金石堅翻鴻有歸翼極目仰聯翩長江集

送劉式洛中覲省

賈島

晴峯三十六侍立上春臺同宿別離恨共看星月迴野鶯臨
苑語河權歷江來便寄相思札緘封花下開同上

過洛陽城

于武陵一作于鄴

古來利與名俱在洛陽城九陌鼓初起萬車輪已行周秦時
幾變伊洛水猶清二月中橋路鳥啼春草生全唐詩

宿壽安甘棠館

司馬扎

行人方倦役到此似還鄉流水來關外青山近洛陽溪雲歸洞鶴松月半軒霜坐恐晨鐘動天涯道路長同上

送洛陽崔員外

周繇

塞詔除嵩洛觀圖見廢興城遷周古鼎地列漢諸陵日送歸朝客時招住嶽僧郡齋臺閣滿公退卽吟登同上

送韓處士歸少室山

張喬

江外歷千岑還歸少室吟地閑緜嶺月窗迴洛城砧石竇垂寒乳松枝長別琴他年瀑泉下亦擬置家林同上

寄中岳顓頊先生

張喬

先生顓頊後得道自何人松柏卑於壽兒孫老却身夜窗峰頂曙寒澗洞中春戀此逍遙境雲間不可親同上

早登新安縣樓

羅隱

關城樹色齊往事未全迷塞路真人氣封門壯士泥草濃延蝶舞花密教鶯啼若以鳴爲德鸞皇不及鷄詔諫集

寒食洛陽道

吳融

路岐無樂處時節倍思家綵索颺輕吹黃鸝啼落花連軋馳寶馬歷祿鬪香車行客勝回首看看春日斜全唐詩

經故洛城

王貞白

卜世何久遠由來仰聖明山河徒自壯周召不長生幾主任

海南府志 卷之二十一
姦諂諸侯各戰爭但餘崩壘在今古共傷情同上

弔北邙

曹松

山下望山上夕陽看又曛無人醫白髮少地著新墳歲代殊
相遠賢愚旋不分東歸聊一弔亂木倚寒雲同上

金谷園落花

李建勳

愁見清明後紛紛蓋地紅惜看難過日自落不因風蝶散餘
香在鶯啼半樹空堪悲一尊酒從此似西東同上

送贊律師歸嵩山

清江

禪意歸心急山深定易安清貧修道苦學友別家難雪路侵
溪轉花宮映嶽看到時瞻塔暮松月向人寒同上

先生顛頂後得道自何人松栢卑於壽兒孫老却身夜窗峰
頂曙寒澗洞中春戀此逍遙境雲間不可親同上

早登新安縣樓

羅隱

關城樹色齊往事未全迷塞路真人氣封門壯士泥草濃延
蝶舞花密教鶯啼若以鳴為德鸞皇不及鷄詔諫集

寒食瀟湘道

吳融

路岐無樂處時節倍思家綵索颺輕吹黃鸝啼落花連軋馳
寶馬歷祿鬪香車行客勝回首看看春日斜全唐詩

經故洛城

王貞白

卜世何久遠由來仰聖明山河徒自壯周召不長生幾主任

姦語諸侯各戰爭但餘崩壘在今古共傷情同上

弔北邙

曹自松

山下望山上夕陽看又曛無人醫白髮少地著新墳
歲代殊相遠賢愚旋不分東歸聊一弔亂木倚寒雲同上

金谷園落花

李建勳

愁見清明後紛紛蓋地紅惜看難過日自落不因風蝶散餘
香在鶯啼半樹空堪悲一尊酒從此似西東同上

送贊律師歸嵩山

清江

禪意歸心急山深定易安清貧修道苦孝友別家難
雪路侵溪轉花宮映嶽看到時瞻塔暮松月向人寒同上

嵩邠窳郊畿人家嶺坂西青山臨古縣綠竹遶寒溪道上行

田糶桑間晚漑畦東臯有深趣便擬卜幽棲

南征回京至界上驛先呈城中諸友 歐陽修

朝雲來少室日暮向箕山本以無心出寧隨倦客還春歸伊
水綠花晚洛橋閑惟有餘樽酒相期一解顏

雨後獨行洛北 歐陽修

北闕望南山明嵐雜紫煙歸雲向嵩嶺殘雨過伊川樹繞芳
堤外橋橫落照前依依半荒苑行處獨聞蟬以上文忠公集

洛陽牡丹 梅堯臣

古來多貴色歿去定何歸清魄不應散艷花還所依紅棲金

谷妓黃值洛川妃朱紫亦皆附何言人世稀

辛著作知西京永寧

梅堯臣

躍馬西畿令家瑩在洛陽衣沾寒食雨花發故宮墻冷淡鳩
鳴屋寬閒水滿塘送君悲漸老空憶釣伊魴

河陽秋夕夢永叔游嵩

梅堯臣

夕寢北窓下青山夢與尋相歡不異昔勝事却疑今風雨幽
林靜雲烟古寺深攬衣方有感還喜問來音

以上宛陵集

遊瀍上劉氏園

司馬光

日暖孤臺迥露濃幽徑微茅齋舉白飲沙激踏青歸照水清
滿眼穿林香濕衣莫言春尚淺已有杏花飛

和王安之題獨樂園

司馬光

草濃初過雨林靜遠含煙鷺引新飛鰕荷承半墜蓮明來惟
有月山見不須錢誰與同其樂壺中濁酒賢

贈堯夫先生

司馬光

家雖在城闕蕭瑟似荒郊遠去利名窟自稱安樂窩雲歸白
石洞鶴立碧松梢得喪非吾事何須更解嘲

以上溫公文集

初見雪登白雲臺閒望呈堯夫

富弼

氣候隨時應初寒雪已盈乾坤一色白山水萬重清是處人
烟合無窮鳥雀驚欣然不成下連把玉壘傾

宋文鑑

宿延秋莊

邵雍

驅車入洛川下馬弄飛泉乍有雲山樂殊無朝市喧非唯快
心志自可忘形言借問塵中友誰為得手先

吾廬吟

邵雍

吾亦愛吾廬吾廬似野居性隨天共澹身與世俱疎遍地
芳草滿牀堆亂書自從無事後更不着工夫

天津閒步

邵雍

天子舊神州葱葱氣象浮園林閒近水殿閣遠橫秋浪雪暑
猶在橋虹晴不收人間無事日此地好淹留

遊洛川初出厚載門

邵雍

初出都門外西南指洛陬山川開遠意天地掛雙眸村落桑

榆晚田家禾黍秋民間有此樂何必待封侯

天津水聲

邵雍

洛水近吾廬潺湲到枕虛湍驚九秋後波急五更初細為輕
風背豪因驟雨餘幽人有此樂何必待笙竽

遊龍門

邵雍

江天無少異幽鳥下晴沙洛去山形斷川迴渡日斜龕巖千
萬穴店舍兩三家清景四時好都城况不賒

天津幽居

邵雍

予家洛城裏况復在天津日近先知曉天低易得春時光優
化國景物厚幽人自可辭軒冕開中老此身

贈富鄭公

邵雍

天下繫休戚世間誰擬倫三朝為宰相四水作閒人照破萬古事收歸一點真不知緣底事見我却慙慙

女几山

邵雍

予看山多矣未嘗逢此奇巨嵯如格虎險石若張旂雲氣間舒卷巖形屢改移丹青難盡處四面盡如斯

以上擊壤集

嵩陽道中

蔡襄

千里動秋意縈迴登古原山樵斲晚日野火著松門鐘磬出隣寺牛羊下遠村振衣歸去好塵事厭如繁

忠惠集

送董傳

王安石

悠悠隴頭水日夜向西流行路未云已歸人空復愁文章合

用世顏髮未驚秋一聽秦聲罷還來上國游

荆公詩註按東坡有書與韓

魏公乞葬董傳疑卽此人坡稱傳文章有出塵之姿而公詩亦謂文章合用世惜乎其命之窮耳

過邵先生居

韓維

竹塢斜開逕茅簷半卷書幽閑入高臥淡薄見平居亂水隨醜引殘花不掃除因君動高興回首想吾廬

將出洛城過廣愛寺

蘇轍

寺古依喬木僧閒正暮年為生何寂寞愛客尙留連虛牖羅修竹空厨響細泉坐聽談舊事遍識洛中賢

過登封閻氏園

蘇轍

秋暑尚煩襟林泉淨客心菊殘知節過荷靜覺池深疎柳搖
山色青苔遍竹陰猶嫌近官道轆轤聽車音以上樂城集

石淙 王贊

磴道山巖下茅楹竹樹中深潭魚可見攢石路纔通坐聽潺
湲碧懸思爛熳紅平生邱壑志覽此興何窮

石淙 張仲武

二室盤游日三陽宴喜心分流來萬壑巨石擬千岑玉殿烟
蕪在金碑雨蘚侵翠華何處問山水自清音以上宋詩選

歸龍門 程自修

來往空書札行藏但布衣直為知己用可惜轉頭非歲月百

集江山一笑歸禰生狂到死君子要知幾音谷

金

太室同希顏賦 元好問

壯矣崧維岳盤盤上窈冥中天瞻巨鎮元氣有遺形雨入秦
川黑雲開楚岫青鰲掀一柱在萬古壓坤靈

少室南原 元好問

地僻人煙斷山深鳥語譙清溪鳴石齒暖日長藤芽綠映高
佷樹紅迷遠近花林間見雞犬直擬是僊家

洛陽古城曦陽門早出 元好問

乘月出曦陽黎明轉北岡荒邨自雞犬長路足豺狼天地憐

飄泊風霜憶閉藏微吟訴行役凄斷不成章

少林雨中

元好問

西堂三日雨氣節變蕭森偃臥復欹臥長吟時短吟鐘魚四

山靜松竹一燈深重羨禪樓客都無塵慮侵以上遺山集

留題崇福宮

趙秉文

山面削瓜碧宮墻鋪粉光晴嵐天自雨夏竇冷噴霜勝地松

杉古仙家芝朮香東隣與西舍欠我一茅堂

侍祠太室

周昂

設燎彤庭做懸燈玉殿深星河含爽朗城闕助陰沈祇慄誠

初薦馨香德已歆清風動雲幕有喜見神心以上中州集

元

送蒙古教授郭受益歸洛陽

陳樵

正馬金華道西風過鴈初萼羹十里地菰米九秋餘齊語傳

聲澀巴童問字疎湯湯清洛水舊學復何如元詩選

明

澗池道中

王禕

九月忽又暮吾行祇自傷秋兼人共老愁與路俱長野果迎

霜赤園花帶雪黃故人相慰藉日晚引壺觴明詩綜

與駱子遊三山陂

李夢陽

邱壑胸應滿乾坤眼獨真揚鞭指河洛立馬說周秦古墓筌

河南府志 卷之一百
歌地前朝戰伐塵秋風颭颭起白草正愁人空同集

孟津

楊慎

檣櫓橫移岸樓臺背枕河飛甍臨積水懸雷下洪波蛟避荆
飛刺龍驚女激歌自憐非估客風浪飽經過

河曲風烟古天涯旅望深津樓環日激碣石帶雲岑竹箭春
添溜蒲帆暝返陰岷源千萬里何處是江潯升菴集

過孟津次先已酉韻

趙貞吉

回御指滄浪吾家沱水傍苾芻香座穩平仲野陰涼卜世傳
關朗交隣託仲光續經猶畏老無力賦長楊文肅集

過義昌驛

鄭岳

義昌小驛舍忽見好池臺竹笋虛簷出山峯亂石堆蒼烟圍

午靜碧樹帶秋迴坐久渾忘去西崦日已催山齋淨稿

九日重遊少林寺

吳三樂

少林佳麗地乘興又重遊九日禪堂靜千年古洞幽羣山蒼
翠合孤峙白雲浮故友黃花共陶然一醉留說嵩

過澠懷舊

黃輝

十六出函關驅車幾度還雲松遊子夢霜菊故人顏世事泉
移壑年華風過山久應關尹笑何事馬蹄間怡春堂集

少林寺夜坐待月

周夢暘

萬籟此俱寂空山星宿稀桂林殘月吐入定一僧歸岐路誰

招飲風塵未息機鄉思渾不滅幾欲遂初衣

嵩嶽

杜文煥

山色碧嶙峋山形若鬼神佛圖金作像嶽廟玉為人獨鶴何
年駐三花幾度春晚風吹几杖縹緲出松筠以上說嵩

謁中嶽

王應鵬

五嶽從中起平生此勝游紫雲飛絕頂靈氣溢皇州日落諸
天暮風搖萬木秋因懷封禪事吟對獨悠悠定齋集

游達磨面壁洞

黃洪憲

躡屐上層岑千峯帶夕陰芙蓉青嶂合芳草白雲深洞迴迷
人徑壇空只梵音相看面壁處聊足洗煩襟

遊二祖菴遇雨

黃洪憲

迢遞青山暮峻嶒石磴斜孤雲生杖履細雨濕袈裟古井餘
雙栢烟嵐散五花何年謝軒冕此地學丹砂以上說嵩

入少林至初祖洞

袁宏道

宿世同來否青山記夢登雲分新墜石樹老舊扶藤古蘚番
文印胡鬚壁影僧磨公真狡獪隻履去何曾中郎集

中嶽廟

黃承元

高高鎮諸夏四嶽仰岩崑靈異傳周雅明禋本漢朝烟雲覆
萬里峯巒上層霄我欲求丹訣羣仙故寂寥

宿少林

王濬

河南府志 卷之一百
客路紆橫嶺禪堂空碧岑徒參留石影未了獻花心草澗繁
春色松崖倒夕陰焉能無拘束野興遂幽尋

宿少林寺

朱衡

初祖開初地香臺控碧岑雙泉泓德水五葉散珠林鐘定禪
關夕山寒寶塔陰空堂一片月會印折蘆心

以上說嵩

洛中感秋

高出

紅樹印山路西風颯已驚東京有遺事游客不勝情金谷銅
駝地周公召伯城二毛動秋興三十豈成名

喜渡河洛再過伊闕

徐芳

次第鄉城減龍門入望真游絲天際路歇馬渡頭人繡襦雙

崖古流花一洞新頗矜伊洛道從此稍知津

渡孟津

徐芳

征車不可歇夷險且相任天意限南北人行自古今躍魚雖
有力飲馬豈無心惆悵剡舟者功高禍亦深

以上明詩綜

漢封三柏

張民表

混沌開先樹殷周闔世姿雲滃龍下攫霆激帝高麾遠翠苞
千品浮清滲兩儀耻為庸俗伍卜築與公期

林宗遺詩

渡潁水有感

傅梅

洗耳逃名位高風自潁濱山川無定主天地幾閒人逝水悲
前代浮雲歎此身褰裳歸未得低首任紅塵

雒園稿

測景臺

在登封縣東南三十里故告成縣

顧炎武

象器先王作靈臺太室東陰陽求日至風雨會天中考極三辰正封畿萬國同吾衰今已甚猶一夢周公

亭林詩集

述嵩少之勝

翁藏若

百里嵩山道千尋石磴盤曉霞峯頂簇春雪馬蹄寒古殿隋唐瓦長松鳳嶺壇因君話幽勝彷彿倚巔岘

通志

國朝

渡洛水

王士正

脉脉中流望盈盈羅襪塵西園魏公子南浦洛川神蘅薄芳猶在楊林意未申凌波何處問秋水正魚鱗

望緱山廟

王士正

王子乘鸞鶴飄搖伊洛間至今明月夜鳳吹滿空山緱氏仙踪杳東萊漢使還樓居高幾許天路渺難攀

七夕前二日鞏縣阻雨

王士正

大火西流日昇仙故跡存秋風來鞏洛暮雨阻轅轅欲把浮邱袂難招杜甫魂神嵩不可眺三十六峯昏

曾門呂忠節公輓詩二首

王士正

一自澠池渡風塵天地昏銅駝悲故國龍種失王孫司馬空居洛巫陽詎返魂長令懷古者流涕上東門

紫陌臨伊岸青山抱洛中殺囚失天險父老哭遺忠秉國

誰在騎箕恨未窮橋陵西望近應逐鼎湖弓

以上漁洋集

洛陽拜兩程夫子祠

施閨章

每抱遺書讀如從杖履遊兩賢墟里在百戰廟碑留高視無
會閔微言竟魯鄒君看伊洛水千載竝東流

緱山廟二首

施閨章

不知黃屋貴揮手出塵氛野蔓沒丹竈天風來嶽雲荒祠環
嶂入仙樂幾人聞倘值浮邱子吾將鸞鶴羣

葉縣神仙宰緱山帝子臺尋幽歡竝馬惜別重銜杯鶴馭層
霄遠秋聲萬壑來不勝懷古意捫褐徧荒苔

空山

向壁洞

在少林寺後

王士禛

一峰分五乳絕壁迴千尋路折羊腸險山穿虎穴深幾人堪

共語片石尙知心不用詢陳蹟茫茫自古今

以上愚山詩集

遊雞卵洞

耿介

長嘯遊丹穴披襟宿碧宮殘烟迷樹紫曉日帶霞紅石井龍

津滿壺邱月影重雲中羽客至何事駕飛鴻

逸菴稿

少林寺

傅而師

石磴夏雲浮緣雲到上頭天盤孤寺立雨挾亂山流毛栗低
垂實棗花暗結秋招提幽不已信宿此淹留

枕烟亭集

洛陽道

沈允范

九土中央麗金城北斗開地標嵩洛迥水合澗瀍來游女紛

海內府志 卷之一百 三
馳道歌鐘溢吹臺傾都看衛玠隨處起塵埃

采山堂集

少林寺四首

潘耒

三十六峰下天開古少林一屏當戶秀千樹擁簷深
世主曾停輦禪宗此印心興衰經百過鐘板有餘音

五乳昔曾夢三花今始攀緇書虛室靜坐月廣庭閑夏日不
停樹秋涼先錯山身心雙寂寞高枕欲忘還

地似曾遊熟僧如舊識親名山應宿願淨業是前因
老覺浮名誤閑知道味真出塵須勇猛斷臂是何人

精藍饒古蹟周覽壁西東文獻殘碑裏宗支繪像中
名非北海大文愧簡棲工

王巾字簡棲

撰頭陀寺碑

雪上聊留爪鴻飛已碧空

初祖菴

潘耒

獨蘊拈花意迢迢萬里來棲林身似鶴面壁語如雷
法自單傳盛宗憑五葉開無人見真面影像在塵埃

龍潭寺二首

潘耒

寺闕崑山角人來月上初加餐香稻美堅坐廣庭虛峰影浮
林杪溪聲徹夢餘塵襟都滌盡况復警鐘魚

飯是開田博僧因學律增威儀三代肅經論一家宏瀾可狂
禪砥門從宿將興

開山僧洞然乃武弁出家者

潭龍已馴性聽法此中曾

萼嶺

潘耒

嵩嶺中開處關傳古轅轅時清無埃卒地勝

割嶽勢趨

却轉河流帶洛翻煙村青不斷如掌見平原

緱山

潘耒

王子青宮貴求仙意自超無才安九鼎有骨近三霄獻地悲
王叔尋艾笑子朝何如緱嶺上乘月理笙簫

鞏縣

潘耒

鞏洛東周隘經行險始知河流吞岸窄山勢壓城危勇豈投
鞭渡輕難竝轡馳洛倉遺蹟在轉粟至今宜

以上遂初堂集

人日洛陽對雪

陳維崧

去年人日節一片五湖晴今歲逢飛雪淒涼在洛城梅花都
不見彩勝倩誰成愁逐春盤菜迢迢一夜生

湖海樓詩集

登箕山

毛奇齡

為訪箕山隱淹留潁水間千秋高土地一片白雲閒
暝鳥枝頭轉春花石上斑清泉堪洗耳不欲竟來還

箕山有懷

毛奇齡

處治能忘賤居然遂爾超知時來避禹生世幾逢堯石蔓披
香褐山菘掩翠瓢嵩高棲息地一望在青霄

入嵩陽將登嵩嶽有作

毛奇齡

太室羣峯峻轅轅拾磴長春雲飛馬足愁絕古嵩陽玉女搖
潭水山花墮石梁漢皇金匱杳何處挹瑤漿

登嵩嶽感懷

毛奇齡

昔誦高高峻今知喬嶽尊紫微通帝座黃蓋繞天門中宅思
伊洛平原眺陸渾春心千里度極目總愁魂

宿少林寺夢跋陀飲予水

毛奇齡

絕壑嵩陽晚西行宿少林月寒龍洞遠露下講堂深蓮椀分
丹液楊枝滴素心何年婚嫁畢重向夢中尋

以上西河集

黑石頭渡雒水

李因篤

古道長依雒前津始放船青泥通沃土黑石泛疎烟豆粥凌
晨具魚肋度地偏御風隨所適江海正悠然

王公輔嗣談易坊

李因篤

滿日瞻餘緒談經式舊坊雄才成割裂妙悟得高狂宿火沿

津永晨鐘帶邑長卦臺終古秘何路一升堂

萇宏墓

李因篤

地古風猶烈川平雪漸銷石傍生宿杜雲外落寒鵬碧託印
山翠清來雒水潮東周何處是指點問漁樵

以上受祺堂集

測景臺

葉封

自古陽城地相傳測景臺嶽形當正落石表定誰裁太史推
求法元公制作才土中千象緯瞻望重低回

嵩遊草

望原陵

呂履恒

南鄘鬱青青東都俯漢陵千秋留玉盃長夜失金燈烏鵲翻
殘雪黃河下宿冰異時松柏盡猶見五雲凝

石門

新安青要山中路實
王有詩今名漏明巖

呂履恒

造物矜靈奧何年有此巖山深交鹿豕石裂亞松杉絕磴流
雲過遙峰落日銜樂饑真可賦斷藥有長鑱

永寧道中覽古

呂履恒

雲日遞明晦秋山生遠青微波依岸動落葉隔林聽城壘餘
韓國山川近召亭古人意俱盡禾黍識英靈

關塚

呂履恒

西蜀空天險東都幾寢園孤臣留尺地萬古在中原賜廟環
松栢居人薦藻繁曹家有疑塚野燎失頽垣

韓柱國墓

呂履恒

柱國世多賢豐碑表舊阡將才中主識兵法外甥傳廟貌凜
生氣松風吹古煙隋宮渺何處抔土萬斯年

以上夢月
巖詩集

除夕奚里鋪

湯右會

雲林入幽處烟火半巖間家飲洛川水門臨少室山祝雞翁
寂寂飲鶴澗潺潺今夕是何夕翛然心更閒

懷清
堂集

涉澗

吳雯

清澗方朝涉人家半薜蘿溪光迎客淺山翠拂衣多霸業餘
荒壘盟臺俯逝波誰能瞻紫氣函谷等閒過

宿孫家灣

吳雯

中酒翻成病長謠祇益哀一燈殘夜後百感壯年來洛水芝

難探嵩陽桂未開愁心與歸夢却傍赫連臺以上蓮洋詩鈔

冬日登錦屏山

呂謙恒

宮觀凌幽壑危峰一徑通三川晴雪裏萬木夕陽中石古層層蘚山空面面風仙人那可見寂寞想鴻濛

石窟寺

呂謙恒

匹馬倦猶在啼鶯聲自和客來樵徑少松覆澗雲多輿蹟古興廢孤遊寄嘯歌偶逢田父至話向北山阿

賈太傅祠

呂謙恒

年少謀人國誰知王佐宜治安方痛哭絳灌已交疑湘水昔投賦洛城今有祠武皇好文主惆悵不同時

安樂窩

呂謙恒

蕪德應天民陶然盛世春曠懷耆社外擊壤洛川濱風月無邊潤圖書有象真巢由寧一轍萬古仰斯人以上青要集

杜少陵墓三首

劉青藜

尸鄉東去路一弔少陵墳短碣埋青草荒山鎖白雲百年常作客一飯不忘君白酒未江夜淒涼不忍聞

萬里清明節回頭憶北邙可憐出巫峽曾未到襄陽故國三千里羈魂二十霜蹉跎稷契志終古恨茫茫

鳳髓夸天上鯨魚掣海中寸心應自許獨步竟誰同撼樹虬蜉拙戲蘭翡翠工飛霞無路覓惆悵憶韓公

緱氏縣

劉青藜

古廟臨高阜荒城接阪田仙蹤何處問春草白芊芊已諱馬

肝死重經玉印鐫東封與西祀更為鼎書傳以上高陽山人詩集

七月初五日行次登封過嵩山下作 顧嗣立

御輦巡方數嵩山作鎮雄白雲封嶺半青靄接天中龍挾寒

潭雨鵬培老栢風丹梯如可上絕頂問蒼穹味庶詩集

福昌道中 福昌閣前有宋大觀中碑 全軌

隴麥已纖纖垂楊烟色添薄雲幽洞口積雪遠山尖下馬募

題碣衝風問酒帘緬懷宋主簿遺事說文潛

張思叔故里 名繹伊川門人事載伊洛淵源錄 全軌

程門稱二士和靖並高名備力從師苦叅禪祝髮輕喪元甘
異處被召惜同聲三畝屏山地何人復退耕

嵩山 全軌

崇聖標中岳隨山識外方九潭閒白注二室屹相望佛寺秦

槐古儒宮漢栢蒼未能攀峻極窮覽愧歐陽以上真志堂詩集

香山寺二首 恭和聖製元韻 劉綸

林梢穿白塔屋角補青山木落三門靜雲歸一榻閒人行紆

略約馬意趁潺湲空界回斜照邨邨熟柿殷

賢題旆未旋高躡憶蹙然社有耆英集坊仍履道連名山詩

可貯初地宅能蠲長慶風流在幽尋肯促鞭

少林寺

聖製元韻 恭和

劉綸

跋陀聞付拂此地有祇林嶺畔高呼近堂前花雨深一杯初
渡影片石尙留陰文字西來少難拈讚佛吟以上繩庵內集

狄梁公墓

呂守曾

不知白馬寺乃近狄公墳委曲存皇社淒涼送白雲春花僧
作飯秋雨牧爲羣忠孝能相得千秋獨有君松坪詩草

洛陽

吳璜

攬勝中原最承平氣象閒河流抱伊闕嶽影護秦關耕鑿銷
金甲鶯花怨玉顏離離宮寢盡惟見北邙山黃琢山房集

少林寺

茶和

歐陀閣付佛此地有孤林嶺畔高四
渡影片石編招陰文字西亦少

秋梁公

不知白馬寺乃近狄公墳
作飯飲雨數為霖恩孝能

系揚

金田意花怨王
最承平氣象開